

KIMO CHA MTU MKAMILIFU

 Asante, Ndugu Neville. Bwana awabariki. Inafurahisha kurudi katika maskani tena asubuhi ya leo. "Habari za asubuhi," za rehemu kwenu nyote. Nami ninatumaini ya kwamba hii itakuwa ni siku kuu kwetu sote, katika ninii—katika Uwepo wa Bwana wetu. Na sasa nina somo asubuhi ya leo. Ninataka kuingia moja kwa moja kwenye somo hili, kwa maana ni... nafikiri ni muhimu. Na ni ninii... Na kuepusha watu wasiwe na wasiwasi sana, unajua, kukaa kwa muda mrefu, wengi wamesimama. Nitaingia moja kwa moja kwenye somo.

² Na sasa, usiku wa leo, ninataka kuzungumza juu ya somo la *Kiongozi wa Maisha Yangu*. Nami ninatumaini ya kwamba wengi wanaoweza, watu wengi iwezekanavyo, watahudhuria wakati huo kwa ajili ya usiku wa leo. Hata hivyo, kama una kanisa lako mwenyewe, sisi tunanini... bila shaka, tunakutaka uwepo kwenye—kwenye kanisa lako. Hilo ni jukumu lako kuwa huko, wajibu wako wa kazi ulipo, kuacha nuru yako iangaze.

³ Sasa, tunaendelea kutarajia kwamba, kila wakati mnaporudi, tutakuwa tumepapanua hapa kidogo. Lakini tunapata shida na jambo hilo, loo, kila mahali. Hao halmashauri ya wadhamini hapana shaka wamechimbua kila kitu. Nao wakipeleka mahali fulani, wataliidhinisha; kisha wanaipeleka kwingine, pia wanaikatalia. Na wanawarudishia, na wanaliidhinisha *hapa*, na kuirudisha. Loo, ni wakati wa shida jinsi gani tumekuwa nao! Lakini, unajua, Shetani daima ni mpinzani wa ukweli. Kumbuka tu, daima wewe ni sawa kuhusu...

⁴ Nilikuwa nikishangaa ulikuwa wapi, Anthony. Ninaona ulikutana na baba yako. Nami niliangalia upande wa pili, kule katika mkutano. Yeye alisema ulikuwa upo umeketi. Tuna furaha kuwa nawe na baba yako yuko hapa pamoja nasi, Ndugu Milano kutoka New York. Nikitumainia, nikienda nchi za ng'ambo wakati huu, nitapata nafasi nyingine, kutoka New York, huko nje mahali fulani, Bwana akipenda.

⁵ Na kwa hiyo tunamfurahia sana kila mmoja wenu. Ni vizuri—vizuri tu kwenu kuwa hapa.

⁶ Nasi tulikuwa na wakati mzuri sana jana usiku, ama kweli niliufurahia. Nilikuwa na ninii... [Kusanyiko linasema, "Amina."—Mh.] "Na Isaya kule hekaluni." Na kwa hiyo unaninii...

⁷ Na asubuhi ya leo, tunataka kuzungumza juu ya somo, ama kufundisha, hasa, tukiweza, "Kuijenga maskani hai; kuijenga ma—kuijenga maskani hai ya mahali pa kukaa Mungu aliye hai,

Mtu mkamilifu; maskani iliyo hai ya Mungu aliye hai, ambapo Yeye anaishi." Na kama . . .

⁸ Nasikia ya kwamba wana huu uimbaji mzuri hapa. Sipati nafasi ya kuusikiliza. Na usiku wa leo, nitajaribu kuja hapa. Mke wangu ameniambia juu ya Ndugu mmoja Ungren, ninaamini ndilo jina lake, kutoka hu—huko Tennessee. Sasa, yeze alikuwa hapa jana usiku. Simwoni asubuhi ya leo, lakini nafikiri yuko hapa mahali fulani. Nami ningependa kumsikia akiimba usiku wa leo, nikiweza, ule, aidha *Aliposhuka Kutoka Kwenye Utukufu Wake*, ama *Jinsi Wewe Ulivyo Mkuu*. Ningependa kuusikia huo. Ni wangapi wangetaka kumsikia Ndugu Ungren? [Kusanyiko linasema, "Amina."—Mh.] Loo, na—napenda uimbaji mzuri. Na Meda alisema alikuwa na namna fulani ya sauti ya kianaume ya wastani. Na inanikumbusha juu ya Ndugu yetu Baxter; yeze ni mwimbaji, pia, kama sisi sote tujuavyo. Na *Aliposhuka Kutoka Kwenye Utukufu Wake*, ama *Jinsi Wewe Ulivyo Mkuu*. Ninaamini nimeona alipo sasa, kule . . . Hilo litakuwa sawa, Ndugu Ungren, usiku wa leo, ukitaka, kama usipoondoka? Utakaa, ama utajaribu kukaa ungojee ibada ya usiku? Vema, na—na . . . Vema, usinini . . . Nitakwambia, vipi kuhusu jambo hili, kama tukinini . . . Sitaki kusababisha msuguano wo wote kwa mtu ye yote. Lakini kwa nini isiwe, basi, tukiweza, katika wakati wa *Ile Mihuri Saba*, tutakapoohibiri hiyo, kama ungeweza kuja. Ningetaka kuunasa kwa kanda, unaona, ili kuupata, *Jinsi Wewe Ulivyo Mkuu*, na, pia, *Aliposhuka Kutoka Kwenye Utukufu Wake*, wakati ule.

⁹ Lo, si ni jambo la kupendeza sana kumtumikia Bwana? [Kusanyiko linasema, "Amina."—Mh.] Sijui ningefanya nini kama nisingekuwa Mkristo! . . . ? . . . Ni tamu sana kuwa Mkristo. Ninajisikia kabisa kama tu nirukeruke na kupiga mayowe, kwa sauti yangu yote. Kuwa Mkristo, wazia jambo hilo, kutiwa nanga kabisa katika Kristo!

¹⁰ Ninajua ninaita jina la mtu huyu vibaya kila wakati. Aidha ni S.T. ama T.S., ama kitu kama hicho. Sumners, Ndugu Sumner. Yeye . . . Ninataka kumshukuru yeze na mke wake mpenzi. Nadhania kwamba alichukua kama, ilionekana kama, kama miezi sita, kupiga chapa hiki *Nyakati Saba za Kanisa*. Na sasa tuko nacho kimerudishwa hapa, kimepigwa chapa, ni tayari kwa kusahihishwa, na kufanya kitabu, *Nyakati Saba za Kanisa*. Dada Sumner, po pote ulipo, kweli utaturuhusu tukulipe kwa ajili ya jambo hilo. Hicho, hicho kimekuwa na kazi kubwa sana. Kumbe, ni kinene *hivi*. Kingenichukua kama miezi sita kukipitia. licha ya kukitoa kwenye kanda, halafu kukigeuza na kuondoa marudio, na kukifanya kitabu. Tutakitayarisha na kukituma kwenye mtambo wa kuchapisha mara moja, kwa maana tunafikiri ni kitu ambacho watu wanapaswa kuwa nacho sasa *hivi*, nanyi mnawenza kukisoma kwa undani. Na Billy alikuwa tu akinionesha, nilipoingia kwa undani kule nyuma,

dakika chache zilizopita, ya kwamba—ya kwamba—ya kwamba kilikuwa—kilikuwa kiko tayari sasa kwenda kwenye mtambo wa kuchapisha. Kwa hiyo, dada, maskani itakulipa kwa ajili ya jambo hilo. Sikutarajii kufanya hivyo bure. Na—na ama aidha sisi... Kama tukikipata kitabu hicho na itubidi kukiwekea bei, ama cho chote kile, tutakiwekea bei ambapo utapata kitu fulani kila kiuzwapo, cho chote kile. Hebu zungumza tu na halmashauri, halmashauri ya wadhamini, ama baadhi yao kule, nao watashughulikia jambo hilo kwa ajili yako. Bwana na akubariki sana.

¹¹ Maskini mzee Ndugu na Dada Kidd wanaoketi hapa, naam, chini ya mia moja, kidogo tu. Nami nilikutana na huyu dada muda mfupi uliopita naye alisema, “Vema, hii labda itakuwa ndiyo mara ya mwisho nitakayokuona, Ndugu Billy.” Kasema, “Ninakuwa mzee.”

¹² Nikasema, “Loo, jamani! sitaki kukusikia ukisema jambo hilo. Ninyi ni kama wapendwa mama mzee na baba.” Tunawapenda Ndugu na Dada Kidd. Sisi, kila mmoja, tunawapenda. Na ni ninii tu...

¹³ Linanifanyia jambo fulani wakati ninapowaona wakiingia kanisani, na mke na mume wazee wa thamani namna hiyo. Na hebu tu wazia, wao walikuwa wakihubiri Injili kabla sijazaliwa. Na mimi ni mzee. Ndiyo. Hebu tu wazia, walikuwa wakihubiri kabla sijazaliwa. Nami niko hapa sasa, ninaanza kufikiria ninazeeka sana. Karibu nianze kufikiria niko tayari kuacha. Ninawaona Ndugu na Dada Kidd wakiingia, “Utukufu kwa Mungu! Haleluya!” ninasema, “La, ninajisikia vizuri.” Naam, bwana. Kuwaona, jinsi wanavyoweza, jinsi wanavyokutia moyo!

¹⁴ Ndipo unatambua ya kwamba, ni karibia umri wangu, mara mbili, halafu wangali wanasonsaga mbele katika huduma. Wamekuja hapa asubuhi hii na kuomba vitabu, kama wangeweza kuchukua vitabu na kuviuza. Walitaka kanda, kusudi waweze kutoka, wawavute watu kwa kucheza kanda hizi, kwenye umri wa karibu miaka mia moja. Sasa yako wapi “mabawa yako mawili” tuliyokuwa tukinenetumaini habari zake jana usiku? Naam. Nilianza kufikiria juu ya, “Yako wapi yangu?” wakati aliposema hivyo—hivyo jana. Una umri gani, Dada Kidd? [Dada Kidd anasema, “Nina themanini na moja.”—Mh.] Themanini na mmoja. Una umri wa miaka mingapi, Ndugu Tom? [Ndugu Kidd anasema, “Themanini na miwili.”—Mh.] Themanini na mmoja na themanini na miwili, na wangali wanatumia mabawa yao, katika matendo, wangali wanaendelea.

¹⁵ Jambo lo lote likiharibika Ohio, ambalo Dada Kidd ana habari zake, simu inapigwa nyumbani. Hivi majuzi, alipiga simu, na mtoto mchanga, mtoto mchanga, mtoto mchanga wa kike, ninaamini ilikuwa hivyo, alizaliwa, na matumbo yakiwa yako

nje. [Dada Kidd anasema, "Kibofu."—Mh.] Kibofu, nje ya mtoto huyo mchanga. Na daktari hakujua afanye nini juu ya jambo hilo, naye aliogopa kufanya upasuaji. Tukaomba. ["Walimfanyia upasuaji, Ndugu Branham, na kukirudisha, kwa sababu, wao walisema, 'Asingeweza kuishi.' Nao wakarudisha tu matumbo yake ndani."] Wakarudisha matumbo ndani, kwa upasuaji, nao wakadhani asingeweza kuishi. Naye aliishi. ["Hakuna njia."] Hakuna njia kwa hiyo—kwa ninii... kutoka kwenye kikundu, kwa chakula kupitia. Ndipo Dada Kidd akapiga simu tena. Tuliomba tena, na sasa ana njia ya kawaida. Na yuko hapa, kama shahidi; daktari, pia. Unaona? Ni shahidi ya kwamba Bwana Yesu, ndiye Muumba mkuu! Unaona kile Shetani alichojaribu kufanya? Kuyafupisha maisha ya mtoto huyo. Na halafu basi, unaona, halafu ninaamini huyo bibi alikuja kwa Bwana. ["Alirudi kwa Bwana, pale pale nyumbani kwangu."] Alimrudia Bwana. Dada Kidd alimwongoza kurudi kwa Kristo, baada ya muujiza huu mkuu kutukia kwa mtoto wake mchanga.

¹⁶ Nilipata simu kutoka California, jana, ndugu mhudumu mpendwa kule, niliyekuwa naye wakati nilipoenda California kwa mara ya kwanza, miaka mingi iliyopita. Maskini mjukuu wake alizaliwa akiwa—akiwa na ninii nne... vilango vinne vimeziba ndani ya moyo wake. Nami nikamwambia kuhusu jambo hilo. Nikasema, "Mungu ambaye aliweza kumuumba huyu mwingine na kumfanya mzima, bila shaka anaweza kumponya mjukuu wako." Mwambie tu huyo mvulana awe na moyo wa ushujaa.

¹⁷ Na mvulana huyo alikuwa mkutanoni wakati nilipokuwa California kwa mara ya kwanza, yapata miaka kumi na nane iliyopita sasa, miaka kumi na sita iliyopita, ilikuwa. Nami nilikuwa huko California. Naye... Huo mkutano ulimwingia sana huyo kijana mpaka... Wakati ule walipompata huyo mtoto mchanga, naye alikuwa amezaliwa, nao wakaona kulikuwa na kasoro, alikuwa bluu, nao wakajaribu kumtia oksijeni, na kadhalika. Na hakuonekana kana kwamba angeishi, nao madaktari basi wakamfanya uchunguzi, wakapata kwamba vilango vitatu vilikuwa vimeziba ndani ya moyo wake. Hakuna mlango kabisa, unaona, ni—ni kilango kimoja tu kinasukuma. Ndipo akamwita baba yake, na kusema, "Baba, mwite Ndugu Branham, mara moja. Mwambie ya kwamba yote... 'Na amwombe Kristo tu. Yeye atafanya jambo hilo.'" Namna hiyo. Loo, jamani! Huo ushawishi, yale wanayoona, unaona, tulineni habari zake, jana usiku. Jambo linalofaa kwa wakati unaofaa.

¹⁸ Vema, tukiendelea kuzungumza, kamwe hatutafikia lile somo, sivyo? Ni kama tu molasi kwenye asubuhi yenyе baridi, ni nzito sana iwezavyo kuwa, mwajua, na yote inashikana. Tuna furaha sana kuwa na ushirika kama huo. Naam, bwana.

¹⁹ Kwa hiyo sasa hebu na tujitulize, sasa, na tuingilie lile somo sasa. Kuenda labda... Sijui kama mnawenza kuona jambo

hilo au hamwezi, ubaoni. Labda kama nikiugeuza namna *hiyo*, kwa dakika chache, mbona, tutaweza, sasa, baadhi yenu, kuninii... [Ndugu Edgar “Doc” Branham anasema, “Je! unataka umulikiwe mwanga?”—Mh.] Ati nini? [Je! unataka umulikiwe mwanga?] La, sidhani, sasa hivi, Doc. Labda baadaye kidogo. [“Nikiwa papa hapa sakafuni, ninaweza kuuelekezea mwanga.”] Vema, tu—tutafanya hivyo nitakapopata ninii chache... Una kurunzi hapa? Vema. Hebu tuumulikie tu moja kwa moja. Mnaweza kuona huko nyuma kabisa? Mnaweza? Kama unaweza kuona, inua mkono wako, kama unaweza kuona huo ubao, kusoma hayo juu yake. La. Vema. Mulika. Sasa, wakati wanapo jitayarisha kufanya hivyo...

²⁰ Ninaanza nikiwa nimechelewa asubuhi ya leo; ama, la, la, kama dakika kumi na tano mapema. Na kwa hiyo, basi, tutafanya bila haraka sasa, kwa sababu hatutaki kuharakisha. Unapoharakisha, basi unaharibu tu mambo uliyokuwa unataka kusema. Sasa, nilikuwa nikisikiliza kanda, hivi majuzi, kama nilivyowaambia, na nikajionea aibu sana; si yale niliyokuwa nikisema, bali ni jinsi niliyokuwa nikiyasema kwa haraka sana, na ni msukosuko tu wa neva. Ninajisikia kama kungoja. Ina...

²¹ Ni—niliona tu hivi majuzi mahali ambapo walipokuwa wanataka kujenga hifadhi kubwa ya wanyama pori, hapa katikati ya Louisville. Naye Bw. Brown, naamini ilikuwa ndiye, kule, alitoa dola millioni moja kwa ajili ya hifadhi hiyo. Vema, kama ningelikuwa nazo, takribani ningewapa hizo kusudi wawaachilie hao wanyama. Si—siamini katika kufungia kitu cho chote kizimbani namna hiyo. Ninaninii tu... Ninaenda kwenye hizo hifadhi na kuwaona maskini hao wanyama duni, dubu, na simba, na kadhalika, wakienda huku na huko, wamefungwa kifungo cha maisha, unaona. Inakufanya ujisikie vibaya. Hata hivyo, wanakamatwa kwa akili za mwanadamu ambaye ni mwerevu kuliko wao. Unaona? Nao wanawakamata na kuwaweka kifungoni.

²² Nami ninafikiri juu ya Ibilisi kufanya jambo hilo. Anachukua watu wa thamani ambaao wanapaswa kwenda kwenye majumba makuu ya Mungu, na mashamba, na—na mambo kama hayo, kisha wanamfunga kwenye magereza ya madhehebu fulani, ama baadhi ya kanuni za imani, ama cho chote kile, na kuwafungia huko. Na ni jambo la kuchukiza jinsi gani.

²³ Na mimi sipendi hifadhi za wanyama. Lakini ninajisikia kitu kama mmoja wa wanyama hao, wakati umefungiwa tunduni kabisa na unajaribu kuwa huru, unajua, ku—kutoka ufanye jambo fulani.

²⁴ Sasa, kabla hatujaliendea Neno, hebu na tumwendee Mwandishi wa Neno, tunapoinamisha vichwa vyetu sasa katika maombi.

²⁵ Baba yetu wa Mbinguni mwenye rehema, tumekusanyika asubuhi ya leo tena katika Jina la Bwana Yesu, Mwanao mpendwa. Mungu, aliyefanyika mwili, alikuja duniani, kwa ajili ya upatanisho wa dhambi zetu, na akafa, Mwenye Haki; ili kwamba sisi, kwa haki Yake, tukiwa tusio na haki tuweze kufanywa wakamilifu katika Yeye. Tunakuja tukitubu ya kwamba sisi hatustahili, Bwana. Hakuna jambo jema lo lote juu yetu. Nasi sote tuko sote katika jela moja kubwa. Haidhuru tunasimama katika kona gani, tungali tuko katika jela. Mmoja asingeweza kumsaidia mwингine. Lakini, Mungu, katika rehema yake isiyo na kipimo, alishuka na kufungua milango ya gereza, kutuweka huru. Sisi hatukufungiwa matunduni tena sasa. Hatuko katika hifadhi ya wanyama ya ulimwengu, bali sasa tuko huru. Tuko nje.

²⁶ Loo, jinsi tunavyompenda na kumsujudu! Jinsi tunavyoweza kutembea kupidita katika mashamba makubwa ya ahadi Yake, na kuyaona yakidhihirishwa mbele zetu! Na kwa macho yetu wenyewe, tuone yule Mungu mkuu wa Milele akijifunua Mwenyewe mbele zetu, na kujidhihirisha, kama alivyofanya kwa wale manabii wa kale. Tukijua jambo hili, ya kwamba wao wamepumzika na uhakika, ya kwamba siku moja tutarudishwa tena, baada ya maisha haya kwisha, na ufufuo, kwa Uzima wa Milele ambao hautakufa kamwe. Miili yetu haitazeeka. Wala sisi hatutakufa kamwe. Wala hatutaona njaa. Wala hatutapungukiwa. Bali tutatembea pamoja Naye. Tunataka kumsikia Yeye akisema, “Ingieni katika raha ya Bwana, mliyoandaliwa tangu kuwekwa misingi ya ulimwengu.” Kule nyuma kabla ya dhambi kuingia, jinsi alivyokwisha fanya matayarisho, kama yale yaliyokuwa kwa ajili ya Adamu na Hawa, ya kwamba wasingekuwa wagonjwa wala kupata shida. Na sasa Yeye aliyotuandalia, naye alijua tangu zamani kwamba tunakuja. Dhambi iliweka kizuizi kikubwa, na sasa dhambi imeondolewa, na Damu ya Yesu. Sasa, tunaelekea kwenye Nchi ya ahadi, kwa ahadi ya Mungu, ambayo ni ya Milele.

²⁷ Tubariki sasa, Baba, tunapolisoma Neno Lako. Tunataka kujuua tunapaswa kuwa watu wa aina gani, kusudi tupate kuwapo Kule. Tusaidie leo katika shule hii, kusudi tupate kuwa pamoja na yule Mwalimu Mkuu, Roho Mtakatifu, ambaye angeweza kushuka na kujifunua Mwenyewe kwetu, kwa Neno Lake. Kwa maana tunaomba katika Jina Lake na kwa ajili ya utukufu Wake. Amina.

²⁸ Sasa, kwanza, ningetaka mfungue pamoja nami kwenye Petro wa Pili, mlango wa 1. Ninataka kusoma sehemu fulani ya Andiko hili, Petro wa Pili, mlango wa 1. Na sasa kwenu nyinyi mlio na penseli na karatasi... .

²⁹ Nami ninaamini niliambiwa asubuhi ya leo ya kwamba—ya kwamba mara nyingi, ninapogeuza kichwa changu kutoka pale, jambo hilo linapunguza sauti ya kanda. Kwa kweli

simaanishi kufanya jambo hilo. Nami ninaamini, mara nyingi, kama tungefikiria juu ya kupata ma—maikrofoni ya utando, na kuining'iniza kwenye dari hapa. Haidhuru utakuwa wapi basi, utakuwa umekaa sawa tu. Ingekuwa barabara pande zote, vizuri tu ni maikrofoni kwenye dari.

³⁰ Na sasa, wakati nikizungumza; na endapo ninyi, baada ya ibada, ama mkitaka, mnaweza mfutilie mbali mchoro huu hapa. Halafu pia nikauchapiske hapa. Nitachukua kipini na kukuweka hapa mbele, kama mngetaka kufanya jambo hilo wakati mwingine. Njoni mapema kidogo alasiri ya leo, ili kwamba tupate kufahamu.

³¹ Sasa tunakaribia *Mihuri Saba*. Ndiyo kwanza tumalize *Nyakati Saba za Kanisa*. Na huu ni Ujumbe wa mafundisho, unaomwingiza mtu ndani, atakayekombolewa kwa Damu ya Bwana Yesu, na atakayekuwa katika wakati ule wa Kanisa, ule wakati wa Milele wa Kanisa mwishoni mwa ile Mihuri. Sasa tunajua ya kwamba tuna Baragumu Saba, Mapigo Saba, Vitasa, na kadhalika, tunavyoendea, tunapoendelea. Lakini tunangojea nafasi zaidi kusudi watu wapate kuketi, sasa.

³² Nami nilifikiri hili lingeshikamanisha mahali tu ambapo nilikuwa nikitarajia. Sikutarajia kuchora mchoro huu, lakini hivi majuzi nilikuwa na marafiki zangu wapendwa, akina Cox, huko Kentucky. Nilienda huko, nikafikiri labda nitapata siku moja zaidi ya kuwinda kindi kabla msimu wake haujawkwisha. Nami nilikuwa huko mwituni pamoja na rafiki yangu, Charlie, anayesimama pale, na Rodney, ndugu yake. Wala hata sikuona kindi. Nafikiri niliwashtusha wote wakatoroka, nilipoanza kupiga makelele kule mwituni. Hili ndilo lililonijia, jamanii, na—na Dada Nellie na Margie, na nilipowaambia ningewaambia Jumapili nitakapolifundisha. Hilo ndilo lililonijia mimi, juu ya ujumbe niliokuwa nihubiri. Na jinsi hayo mengine yalivyoingiana moja kwa moja ndani yake! Na, lo, ninapenda jambo hilo. Nilikuwa na roho ha—halisi—halisi ya kupaza sauti, huko mwituni.

³³ Kwa hiyo sasa, hebu na tusome sasa, Petro wa Kwanza, ama... Petro wa Pili, hasa, sura ya 1, sehemu Yake.

*Simoni Petro, mtumwa na mtume wa Yesu Kristo,
kwa wale waliopata imani moja na sisi, yenye thamani,
katika haki ya Mungu wetu, na Mwokozi wetu Yesu
Kristo.*

³⁴ Ninapenda jinsi hilo limesemwa hapo kabisa, kwa maana somo langu lote asubuhi ya leo limewekwa msingi juu ya imani. Unaona? Hebu nisome jambo hilo tena. Sikilizeni kwa makini.

*Simoni Petro, mtumwa na mtume wa Yesu Kristo, kwa
wale wanaopata—waliopata imani moja na sisi, yenye
thamani, katika haki ya Mungu wetu, ...na Mwokozi
wetu Yesu Kristo.*

³⁵ Angalieni, Yeye anasema, ya kwamba, “Nimepokea imani hii, nami ninawaandikia haya hao waliopata imani moja na sisi yenye thamani.” Ninataka . . . Si kwa ajili ya ulimwengu wa nje. Hii ni kwa Kanisa, unaona, hao walio katika Kristo.

Neema na iwe kwenu na amani iongezwe katika kumjua Mungu na (kwa) Yesu Bwana wetu.

Kwa kuwa uweza wake wa Uungu umetukirimia vitu vyote . . . uweza wake wa Uungu sasa umetukirimia vitu vyote vipasavyo uzima . . . utauwa, kwa kumjua yeye aliyetuita kwa utukufu wake na wema wake mwenyewe.

Tena kwa hayo ametukirimia . . . ametukirimia ahadi kubwa mno, za thamani, ili kwamba kwa hizo (ahadi hizo) tupate kuwa washirika wa tabia ya Uungu . . .

³⁶ Sasa hebu hilo na lipenye ndani sana sasa. Sihubiri asubuhi ya leo; tunafundisha tu somo hili. “Tabia ya Uungu.” Hebu nisome kifungu hicho cha 4 tena sasa, kusudi msilikose. “Ambapo tumekirimia . . .”

Tena kwa hayo ametukirimia ahadi kubwa mno, za thamani, ili kwamba kwa hizo (ahadi hizo) tupate kuwa washirika wa tabia ya Uungu, mkiokolewa na uharibifu uliomo duniani kwa sababu ya tamaa.

³⁷ Unaona, “ulimwengu,” tumeokolewa na huo sasa. Yeye analiandikia Kanisa jambo hili. Hiyo ndiyo sababu tuko hapa asubuhi ya leo, ni kutaka kujua kwamba njia ni ipi, kwamba masharti ya Mungu ni yapi. Hakuna mtu hapa ndani, anayempenda Mungu, ila yule anayetaka kuwa, anayetaka kufanana zaidi na Kristo. Sasa limeelezwa wazi hapa. Kila Mkristo! Mimi ni shujaa wa kale. Waangalie Ndugu na Dada Kidd hapa, labda wao ndio wazee sana jengoni. Lakini kama ningaliwaliza, “Shauku ya moyo wenu ni nini?” Ingekuwa, “Kuwa karibu na Mungu zaidi.” Unapojifunza juu ya Kristo, kuna jambo fulani kumhusu Yeye ambalo lina upendo sana, unajaribu tu kuingia moja kwa moja ndani Yake.

³⁸ Samahani tamshi hili. Nilimwambia mke wangu, hapa si muda mrefu uliopita, yeye . . . sote wawili tunazeeka, nami nilimwambia, nilisema, “Je! unanipenda kama ulivyokuwa ukinipenda?”

Akasema, “Kwa kweli nakupenda.”

³⁹ Nami nikasema, “Unajua, ninakupenda mno mpaka ningetaka kukuchukua na kukuvuta nikuingize ndani yangu, kusudi tupate kuwa, kwa kweli, tuwe mmoja, zaidi.”

⁴⁰ Sasa, huo, zidisha huo kwa milioni mia moja, ndipo utaona jinsi ambavyo mwamini, ambaye anampenda Kristo, anavyotaka kuingia ndani Yake, kwa sababu ni upendo. Na hapa Yeye atatuonesha jinsi ambavyo, kupitia katika ahadi hizo, tunaweza kuwa washirika wa tabia ya Uungu wa Kristo. Hii,

miili inayopatikana na mauti, jinsi ambavyo tunaweza kuwa washirika,

⁴¹ Huenda nikasema jambo fulani hapa. Sababu ya mimi kuamini... Sasa mtu fulani alinielewa vibaya kabisa, hapa si muda mrefu uliopita. Nilipata barua kutoka kwa shirika la wahudumu, ambayo ilisema ya kwamba mimi niliamini kulikuwa na... “Tuliunganishwa kinafsi. Na lazima tuwaache wenzi wetu kama hatujaunganishwa kinafsi nao, tukaoe mwingine ambaye tumeunganishwa kinafsi naye.” Loo, jamani!

⁴² Nikasema, “Mimi sina hatia ya uasi kama huo.” Daima nimeepinga jambo hilo. Si-siamini jambo hilo. Kweli siliamini. Ninaamini ya kwamba Mungu hutupa mwenzi. Hiyo ni kweli. Na ndipo tunakuwa sehemu ya mmoja kwa mwingine. Hiyo ni kweli. Na kabla ya mwanamume kuoa, anapaswa kufikiria mambo haya vizuri, ayaangalie kwa makini.

⁴³ Kijana mmoja aliniuliza hivi majuzi, akasema, “Unafikiri ningeweza, ninapaswa kuoa, Ndugu Branham, mshichana *fulani*?”

Nikasema, “Unafikiri unampenda kiasi gani?”

Akasema, “Loo, jamani, ninampenda tu.”

Nikasema, “Vema, kama hutaishi bila ya yeye, afadhali umuoء basi. Lakini kama unaweza kuishi bila ya yeye, afadhali usimuء. Kwa hiyo, bali kama jambo hilo litakuua, afadhali—afadhali uchukue hatua umwoء,” nikasema. Na kwa hiyo jambo nililokuwa nikijaribu kumwambia, ni hili, ya kwamba, kama unampenda sana.

⁴⁴ Sasa, sasa hivi, kabla hujafunga ndoa, kila kitu ni sawa na ni kizuri sana. Lakini baada ya kufunga ndoa, basi taabu na majoribu ya maisha yanaingia. Hapo ndipo huna budi kuwa na upendo sana hivi kwamba mnaelewana. Akikuvunja moyo, nawe ukamvunja moyo, mngali mnaelewana.

⁴⁵ Hivyo ndivyo ilivyo na Kristo. Unaona? Hatuna budi kupendana Naye sana, mpaka wakati tunapomwomba jambo fulani, Naye hatupi, hilo halitutikisi kamwe. Unaona? Unaona? Kwa nini? Na njia pekee unayoweza kufanya jambo hilo, ni kuwa mshiriki wa tabia Yake ya Kiungu, ndipo utafahamu ni kwa nini Yeye hawezи kukupa ulilomwomba. “Washirika wa tabia Yake ya Uungu.”

⁴⁶ Na hebu angalia hapa, “Baada ya kuokolewa na uharibifu uliomo duniani kwa sababu ya tamaa.” Mmeokolewa nao! Unaona imeandikiwa akina nani? Ni kwa Kanisa, hao walio katika Kristo, wameinuliwa juu ya mambo haya. Si eti yeye amejiinua, bali Kristo alimwinua.

⁴⁷ Kwa ndugu zangu na dada zangu weusi waliopo asubuhi ya leo, sisemi jambo hili ili kuwaudhi. Bali, nilikuwa katika mkutano mmoja muda fulani uliopita, sijui kama nilipata

kusimulia jambo hili hapa maskanini. Nimelisimulia mahali pengi. Kulikuwa na dada mweusi aliyesema, “Je! naweza kutoa ushuhuda, ama nishuhudie?”

“Bila shaka, dada, endelea moja kwa moja.”

⁴⁸ Akasema, “Ninataka kutoa ushuhuda huu kwa utukufu wa Mungu.” Akasema, “Mnajua, mi—mimi siko jinsi ninavyopaswa kuwa,” kisha akasema, “si—siko jinsi ninavyotaka kuwa, bali,” akasema, “kuna jambo moja la hakika, mimi siko nilivyokuwa.” Unaona? Yeye alikuwa ametoka mahali fulani. Alikuwa ameinuliwa.

⁴⁹ Hivyo ndivyo tunavyojua ya kwamba tumepita kutoka mautini kuingia Uzimani. Tunaangalia kule nyuma kutoka katika shimo tulimochimbوليwa. Unaona? Sisi hatuko vile tunavyotaka kuwa; hata hatuko vile tunavyopaswa kuwa; bali jambo moja tunaloshukuru kwa ajili yake, hatuko jinsi tulivyokuwa. Hiyo ni kweli. Tuko njiani.

⁵⁰ “Na baada ya kuokolewa na uharibifu uliomo duniani.” Baada ya kuokolewa na huo, tamaa na uharibifu wa duniani, wewe uko juu ya hayo. Sasa hiyo ni—sasa huyo ndiye mtu wa aina ambayo Yeye anazungumza naye, mtu ambaye ameokolewa na mambo haya, unaona, uharibifu uliomo duniani.

Naam, na kwa sababu iyo hiyo mkijitahidi sana kwa upande wenu, katika imani yenu tieni na wema, na katika wema wenu maarifa,

Na katika maarifa yenu kiasi, . . . katika kiasi chenu saburi, . . . katika saburi yenu utauwa,

Na katika utauwa wenu upendano wa ndugu, na katika upendano wa ndugu, upendo.

⁵¹ Sasa Yeye ametupa muhtasari hapa wa yale tunayopaswa kufanya, kujua jinsi ya kufanya jambo hilo. Sasa, kama nilivyosema, sote tunajaribu kumkaribia Mungu. Hiyo ndiyo sababu nilichagua Ujumbe huu asubuhi ya leo, kwa ajili ya kanisa, nikijua ya kwamba watu wanafunzi. Kwa kuwa jana usiku, nilisema, “Ni wangapi walioko hapa, kutoka nje ya mji?” Yapata asilimia tisini na nane ya watu, kutoka nje ya mji. “Ni wangapi walio hapa kutoka maili mia moja?” Mbona, ilipita, nakisia, asilimia themanini. “Ni wangapi walioko hapa kutoka maili mia tano?” Na takribani the—thealthi moja ya watu walikuwapo hapa kutoka zaidi ya maili mia moja, umbali wa maili mia tano. Wazia jambo hilo, ya watu wanaosafiri. Vema, hao watu hawaji kanisani namna hiyo wapate tu kuonekana. Hakuna . . . kama vile ulimwengu wa nje ungeona uzuri wo wote mahali hapa. Wote ni watu wa kawaida, maskini, watu waliovalia kawaida. Hakuna nyimbo kuu za dini kutoka kwaya inayojifanya kwamba ni ya Malaika, ogani za paipu, na baadhi ya madirisha yenyeye vioo vya picha za kuona. Mna wakati mgumu kupata mahali pa kuketi kwenye benchi na kusimama kwenye

ukuta. Hao hawaji kwa ajili ya kitu kama hicho. Bali wanakuja kwa sababu ndani yao kuna kitu kinachoona uzuri ambao jicho la kawaida halioni. Ni jicho la Kiroho ndilo linaloona uzuri wa Kristo. Ndiyo sababu wao wanakuja.

⁵² Kwa hiyo, kwa siku kadha kabla hatujafanya ibada, mimi huomba bila kukoma. Huenda mwituni, ninachukua mfukoni mwangu... Ninamwambia mke wangu, “Ninatoka kwenda kuwinda kindi asubuhi ya leo.” Nami ninaweka penseli na bunda la makaratasi la kuandikia mfukoni mwangu. Mara kunapopambazuka vya kutosha kuona, nimeketi nikiegemea mti mahali fulani, mikono hewani, na nikisema, “Bwana, nifanye nini leo? Utanipa nini kwa ajili ya watoto wako?”

⁵³ Ndipo ninapoguswa na jambo fulani ambalo linaonekana linachoma moyo, kunakuja kitu kama hiki. Wakati Uwepo Wake unapokaribia, ninaanza kusikia kitu fulani kana kwamba kiko huko mbali sana, kitu kama hiki. “Mbili mara mbili ni nne.” Karibu zaidi, “Mbili mara mbili ni nne. Mbili mara mbili ni nne. Mbili mara mbili ni nne. [Ndugu Branham anatamka kila kurudia upesi zaidi—Mh.] Inaendelea, inaendelea, inaendelea, namna hiyo. Ni Uwepo Wake ukiingia.

⁵⁴ Jinyenyekeze, na punde si punde unaachana na mwili wako. Ono linatokea, “Nenda mahali *fulani*, na jambo *fulani*.” Unaona? Inaanza, toka akili yako kumtafakari Mungu, unatoka katika ulimwenguni, mbali na ulimwengu, huko nje nyikani, uko peke yako mwenyewe.

⁵⁵ Nayo inaanza kuja, “Moja, moja...” Ninatamka, namba yo yote, ama cho chote kile, kitu fulani tu kinaanza polepole, kinaingia kwa mnong’ono wa mbali. Halafu kinakuja haraka zaidi, haraka zaidi. Unaketi pale na kuinua mikono yako, usiseme neno, inua tu mikono yako hewani. Muda si muda unajua, utu wako wote unatwaliwa. Ndipo unaona mambo anayokutaka ujue, anakuonesha mambo yajayo.

⁵⁶ Mara nydingi inafikia mahali, mpaka mahali fulani, kisha inakoma. Haiingii kwenye ono. Ndipo Maandiko yanatiririka moja baada ya lingine. [Ndugu Branham anadata kidole chake mara tatu—Mh.] Ninanyakua penseli yangu, nisije nikasahau, na kuandika, ninaandika.

⁵⁷ Ndipo ninakuja nyumbani na kuangalia tena, na kulisoma. Na mara nydingi hata halileti maana kwangu ninapoliangalia tena. Halafu basi, punde si punde, hili hapa! Hilo linashuka kwa kasi, na hiloo linaondoka tena. Ndipo ninachukua kitabu kidogo namna *hii*, na kuanza tu kuandika, upesi tu niwezavyo, yale Yeye anayoniambia. Nikawaza, “Bwana, ninashuka kwenda maskanini na kuwaambia. Ni... ‘Mje huku.’ Nina jambo fulani kwa ajili yao.” Vema, hivyo ndivyo linavyokuja. Ndivyo hasa. Mpaka, kwanza, Yeye anipe, siwezi kulitoa.

⁵⁸ Kwa hiyo, basi, kutokana na michoro hii midogo ambayo mnaniiona nikiangalia. Na jambo hili, kwanza, nilianza. Sikupata sehemu hii hapa mpaka yapata siku moja ama mbili zilizopita, huko mwituni.

⁵⁹ Sasa, watu hawa wana-wana . . . Petro anasema, hapa, jinsi ambavyo hatuna budi kuwa washiriki wa tabia Yake ya Uungu. Sasa, kila mmoja wetu anajaribu kukua kufikia kimo cha Mungu.

⁶⁰ Sasa, baada ya sisi kumaliza ile Mihuri Saba, basi, kwenye wakati huo wa kutangazwa kwa ule Muhuri wa Saba, ama kufunguliwa . . . Bila shaka, tunajua muhuri ni kitu gani, ni kufungulia huduma, kufungulia Mihuri Saba. Nasi tutaona jambo hilo papa hapa kwenye mchoro huu. Ni kufunguliwa kwa Ujumbe fulani, kitu ambacho kimetiwa muhuri.

⁶¹ Jumapili iliyopita usiku, nilihubiri juu ya, "Ule Ufunguo." Na ufunguo ni imani. Imani ndiyo inayoshikilia ule ufunguo, na ufunguo huo ni Maandiko. Naye Kristo ndiye Mlango. Unaona? Kwa hiyo imani inachukua hizo kanuni ndogo za Maandiko na kufungua utukufu na wema wa Mungu, kuwapa watu Wake. Mnaona? Kwa hiyo, ni, imani inashikilia ufunguo unaomfungulia Kristo kwa watu; inaufungua, inaufunua.

⁶² Kwa hiyo, leo, tutajaribu kuchukua ufunguo ule ule, tupate kufungua njia ya kufanyika Mkristo mwema katika kimo cha Mungu, huyo, na kuwa maskani iliyo hai ambamo Mungu aliye hai ataishi.

⁶³ Kumbukeni, Mungu hujifunua Mwenyewe kwa njia tatu. Mara ya kwanza, Yeye alijifunua katika Nguzo ya Moto, ambayo iliitwa Ubaba. Ndipo Mungu yuyo huyo, akadhihirishwa katika Yesu Kristo, ambapo Yeye alijenga mwili, akaufanya mwili huu. Tatu, kupitia mauti ya mwili huo, alilitakasa Kanisa ambalo anaweza kuishi ndani yake. Ilikuwa ni Mungu juu yetu; Mungu pamoa nasi; Mungu ndani yetu; Mungu yeye yule.

⁶⁴ Hiyo ndiyo sababu kuliitwa Baba, Mwana, Roho Mtakatifu. Si Miungu watatu; ofisi tatu za Mungu mmoja. Laiti tu wangaliwazia jambo hilo kwenye Baraza la Nikea, tusingechanganyikiwa sana, sivyo? Hiyo ni kweli. Si mungu watatu. Watu hawakuweza kufahamu jinsi Yesu alivyonena na Baba, na ambapo Yeye na Baba ni Mmoja. Vema, hilo hapo jambo lote. Hakika, linafungua jambo hilo kabisa. Bila shaka. Unaona? Si Miungu watatu. Ofisi tatu! Maninii matatu . . .

⁶⁵ Ni kitu gani? Mungu akijidhili kwa viumbe Vyake. Mungu anataka kuabudiwa. Neno *Mungu* linamaanisha "kitu cha kuabudiwa." Na ni Mungu akijaribu kuwazoeza watu Wake, kusudi aweze kupata kutoka kwao kile alichowaumbia. Yeye hakukuumba kamwe kuwa kitu kingine mbali na mwana na binti wa Mungu. Kama umekosa jambo hilo, la kuwa mwana na binti wa Mungu, umekosa shabaha.

⁶⁶ Na “kukosa,” neno *d-h-a-m-b-i* maana yake ni “kukosa shabaha,” kukosa shabaha. Basi, kama ninalenga shabaha, kulenga shabaha kwenye yadi hamsini, nami ninalenga; nichukue bunduki yangu na kulenga shabaha, na niikose, inchi nne ama tano, ni kitu gani kimetukia? Bunduki yangu inataka kurekeblishwa. Ina kasoro. Na kama nikikosa imani katika Mungu, kama nikikosa kuwa Mkristo... Mungu alikuweka hapa upate kuwa Mkristo. Kama ukienda kando upande mmoja, rudi ukajirekebishe. Na kuna kitu kimoja tu kinachoweza kukurekebisha, hicho ni Maandiko. Roho Mtakatifu katika Maandiko, akurekebishe, akulete moja kwa moja kwenye lengo tena. Hiyo ni kweli.

⁶⁷ Sasa tunaendelea kulichambua Neno Lake. Stefano alisema, katika Matendo 7. Na pia katika... Hebu tusome tu jambo hilo, tukizungumzia, sasa, tunanena habari za maskani ya Mungu. Sasa, Stefano alisema. Akiwa... Itakuwa ni maskani iliyo hai ya Mungu aliye hai. Stefano alisema, katika Matendo sura ya 7. Nami ninaamini sisi... Katika Matendo 7, kuanzia kwenye kifungu cha 44.

Ile hema ya ushahidi ilikuwa pamoja na baba zetu jangwani, kama alivyoagiza yeye aliyesema na Musa, ya kwamba aifanye sawasawa na mfano ule alionoua;

Ambayo walikuwa nayo baba zetu, kwa kupokezana, wakaingia pamoja na Yesu katika milki ya Mataifa wale, ambao Mungu aliwafukuza mbele ya baba zetu, mpaka siku za Daudi;

Aliyepata fadhili mbele za Mungu, naye aliomba ampatie Mungu wa Yakobo maskani.

Lakini Sulemani alimjengea nyumba.

Ila Yeye aliye juu hakai katika nyumba zilizofanywa kwa mikono, kama vile asemavyo nabii,

Mbingu ni kiti changu cha enzi, na nchi ni pa kuwekea miguu yangu; ni nyumba gani mtakayonijengea? Asema Bwana, au ni mahali gani nitakapostarehe?

⁶⁸ Sasa katika ninii... Sasa, “hema,” ni, bila shaka, mahali ambapo tunaenda kustarehe, sasa, kuburudika, na kadhalika, kama vile kupumzika kutokana na usingizi, ama kadhalika. Sasa, Waembrania 10, na kifungu cha 5, Paulo anaingiza jambo hilo.

Kwa hiyo ajapo ulimwenguni, asema, Dhabihu... (Huyo ni Kristo)... Dhabihu na toleo hukutaka, lakini mwili uliniwekea tayari.

⁶⁹ Ile hema ilikuwa ni nini sasa? Mwili, Mungu akifanya hema katika Mwili.

⁷⁰ Mungu wakati mmoja, huko juu, wakati aliposhuka mlimani, hata kama fa—fahali ama ng'ombe angaliugusa ule mlima, hana budi kuuawa. Mungu ni mtakatifu.

⁷¹ Jana jioni, wakati wale Malaika walipofunika nyuso zao. Maserafi watakatifu wenye nyuso takatifu, hata hawajui dhambi ni nini, nao hawana budi kufunikya nyuso Zao, Mbele za Mungu; kufunika miguu yao, katika unyenyekevu.

⁷² Sasa, Mungu mtakatifu asingeweza kupuuza dhambi, kwa hiyo hakuna kitu kingaliweza kugusa ule mlima alimokuwa Mungu.

⁷³ Ndipo Mungu akafanyika mwili akakaa kwetu, katika umbo la Yesu Kristo, Mwanawe, uumbaji Wake. Ndipo Mwana huyo akatoa uhai Wake, na ile chembechembe ya Damu ya Mungu ikapasuliwa, kusudi ule Uhai upate kutoka katika ile Damu na kutujia sisi.

⁷⁴ Kupitia kwa Damu hiyo tunasafishwa. Na sasa damu yetu, uhai wetu, uliokuja kwa kuishi kwa tamaa za kujuana kimwili, ikaleta uhai wetu duniani. Damu ya Yesu Kristo hutusafisha, inabadilisha tabia yetu, kwa kututumia Roho Mtakatifu; ndipo tunaingia katika tabia ya Uungu ya Mungu, ndipo tunakuwa mahali pa kuishi pa Mungu. Yesu alisema, “Siku hiyo mtajua ya kwamba Mimi niko ndani ya Baba Yangu, na Baba ndani Yangu; Mimi ndani yenu, nanyi ndani Yangu.” Unaona?

⁷⁵ Tunajua jinsi ambavyo Mungu yumo ndani ya Kanisa Lake. Kanisa linapaswa sasa kuwa linachukua mahali pa Kristo, likiendeleza huduma Yake. “Yeye aniaminiye Mimi, kazi nizifanyazo Mimi yeye naye atazifanya. Bado kitambo kidogo, na ulimwengu hautaniona tena; hata hivyo mtaniona, kwa kuwa nitakuwa pamoja nanyi, hata ndani yenu, hata ukamilifu wa dahari.” Unaona? Hilo hapo, likiendeleza kazi Yake.

⁷⁶ Sasa, Mungu, ama Biblia ilisema hapa, jambo hilo. Stefano alinena juu ya Sulemani kujenga hekalu, “Na Aliye juu haishi katika mahekalu yaliyofanywa kwa mikono. ‘Kwa kuwa Mbingu ni Kiti Changu cha Enzi, na dunia ni pa kuwekea miguu Yangu. Basi ni mahali gani nitakapostarehe?’ ‘Lakini Mwili umeniwekea tayari.’” Amina. Haya basi.

⁷⁷ “Mwili umeniwekea tayari.” Mungu anaishi katika umbile la binadamu, akijionesha Mwenyewe katika Kiumbe hicho. Ibada kamilifu! Mungu ndani yetu, tukiwa maskani Yake, Mungu akijidhihirisha. Loo, jinsi tungeweza kudumu kwenye jambo hilo mpaka karibu mngekosa hewa hapa ndani, kutokana na joto. Angalia, kwamba, Mungu daima, wakati wote, amejiakisi katika mwanadamu.

⁷⁸ Huyo alikuwa ni Mungu katika Musa. Mwangalieni, alizaliwa akiwa ni kiongozi; Kristo. Katika wakati ambapo alizaliwa kulikuwako na mateso ya watoto, wakijaribu kumpata; ndivyo ilivyokuwa na Kristo. Naye alikuwa— aliokolewa

wakati huo; vivyo hivyo na Kristo pia. Yeye alikuwa ni mtoasheria; vivyo hivyo na Kristo pia. Musa alipanda mlima, siku arobaini, na akapata zile amri, kisha akashuka. Kristo alienda jangwani, siku arobaini, kisha akarudi akisema, “Mmewasikia watu wa zamani, ‘Usizini...’ Lakini, ninawaambia, mtu anayemwangalia mwanamke, kwa kumtamani, amefanya uzinzi naye tayari.” Unaona? Mambo yote haya mbalimbali, ambayo, Mungu akijiakisi Mwenyewe.

⁷⁹ Mwangalie Yusufu, alizaliwa mvulana wa kiroho kati ya—kundi la nduguze. Wote walikuwa ni watu wazuri, wale wazee wetu wote. Lakini, wakati Yusufu alipokuja, alikuwa tofauti. Yeye angeweza kuona maono, kufasiri ndoto, naye alichukiwa na ndugu zake kwa ajili ya hiyo. Kwa ajili ya kazi ile ile hasa ambayo Mungu alimweka duniani aifanye, nduguze walimchukia kwa hilo. Mnaona? Na yote yalikuwa yakielekeza msalabani. Na, angalia, yeye aliuzwa kwa karibu vipande thelathini vya fedha, na nduguze. Akatupwa shimonii, apate kufa, na hao nduguze. Akatolewa katika shimo hilo, kisha akaenda akaketi kwenye mkono wa kuume wa Farao. Wala hakuna mtu angaliweza kuja kwa Farao, aliyeutawala ulimwengu wa wakati huo, hakuna mtu angaliweza kumjia Farao, ila tu kupitia kwa Yusufu. Hakuna mtu anayeweza kumjia Mungu, ila tu kwa njia ya Kristo. Na wakati Yusufu alipotoka ikulu, kabla hajaondoka, kulikuwa na baragumu iliyopigwa, na wakimbiasi walikimbia mbele zake, wakipiga makele, “Pigeni magoti! Yusufu yuaja!” Haidhuru ulikuwa wapi, ama kile ulichokuwa unafanya, jinsi kazi yako ilivyokuwa muhimu; ilikubidi kupiga magoti mpaka Yusufu alipofika pale.

⁸⁰ Na wakati baragumu itakapolia, moja ya siku hizi, kila goti litapigwa na kila ulimi utakiri. Wakati Kristo, Yusufu wetu, atakapoondoka Utukufuni na aje, kazi yako haitakuwa muhimu wakati huo. Kila goti litapigwa, na kumkiri Yeye kwamba ni Mwana wa Mungu. Hiyo ni kweli.

⁸¹ Loo, jinsi tunavyomwona katika Daudi! Jinsi Daudi, mfalme aliyeataliwa, alivyoondelewa katika kitie chake cha enzi, na ndugu zake, mwanawe hasa, akaketi kwenye Mlima wa Mizeituni, alipokuwa anapanda, juu ya Mlima wa Mizeituni, akaangalia nyuma juu ya Yerusalem na kulia; kwa maana hapo watu wake mwenyewe, ambao alikuwa amewatumikia na kuwafundisha mambo ya Mungu, na watu wake mwenyewe walimkataa na kumtupia takataka, wakamtemea mate na kumdhihaki, wakati alipoanza kupanda kile kilima na alikuwa amekataliwa. Loo, jinsi inavyofanana kikamilifu na Mwana wa Mungu, miaka mia nane baadaye; Mfalme aliyeataliwa, mionganii mwa watu Wake Mwenyewe, alivyoketi juu ya mlima na kuulilia Yerusalem, kama Mfalme aliyeataliwa.

⁸² Ilikuwa ni nini? Mungu akijiakisi Mwenyewe katika manabii hao, akimwakisi Kristo.

⁸³ Ndipo akaja Mmoja aliye kuwa mkamilifu wa Mungu. Alikuwa ni Mungu mionganini mwetu.

⁸⁴ Na tangu wakati huo, Yeye amejiakisi Mwenyewe katika Kanisa Lake, upande huu wa Kalvari. Kwa hiyo, ninyi mnaona, sisi sote tunajaribu kufikia mahali hapa pa kuishi, hemu ya Mungu aliye hai. Sasa kuna watu fulani...

⁸⁵ Tunaona hapa, Yeye alisema, "Kwanza tuna imani, wema, maarifa, kiasi, saburi, wema ama utauwa, na upendano wa ndugu." Vema. Upendano wa ndugu, na halafu ongeza upendo. Hebu nisome hili, lote, tena, ili kwamba mwe na hakika kulipata sasa. Sasa tutaanzia kifungu cha 5.

Naam, na kwa sababu iyo hiyo mkijitahidi sana kwa upande wenu, katika imani yenu tieni na wema, na katika wema wenu maarifa,

Na katika maarifa yenu kiasi, na katika kiasi chenu saburi, na katika saburi yenu utauwa,

Na katika utauwa wenu upendano wa ndugu, na katika upendano wa ndugu, kupendana, ambako ni upendo.

...mambo hayo yakiwa kwenu na kujaa tele, yawafanya ninyi kuwa si wavivu wala si watu wasio na matunda, kwa kumjua Bwana wetu Yesu Kristo.

⁸⁶ Sasa Petro anatuelezea jambo fulani hapa kwa muhtasari, vile jinsi ya kufika kule.

⁸⁷ Sasa nataka kusema jambo hili, ya kwamba, kuna baadhi ya watu walio na sehemu ya sifa hizi, maarifa, hekima, saburi, na kadhalika, ambao hata hawakiri kuwa ni Wakristo. Sasa tutaninii tu... tunafundisha shule ya Jumapili. Na hiyo ni kweli. Kuna watu walio na sehemu ya jambo hili, ambao hata hawakubali kuwa Wakristo. Lakini hilo halininii... Hilo halitafaa kitu. Ni kama ndege mweusi akijaribu kuвая manyoya ya tausi katika mbawa zake, ajifanye tausi. Anajiaibisha tu. Afadhali adumu kuwa ndege mweusi. Unaona? Wakati anapojaribu kuishi mambo haya bila ya kuwa Mkristo, yeye kwa kweli hako katika nafasi yake.

⁸⁸ Ni kama mkuyu ukijaribu kutengeneza matofaa. Usingewenza kufanya hivyo, unaona, ingawa ni mti. Lakini hauwezi kutengeneza matofaa.

⁸⁹ Ni kama nyumbu akijaribu kutengeneza sufu, akijaribu kuwa kondoo wakati yeye ni—yeye ni nyumbu. Unaona, yeye hawezi kutengeneza sufu. Hawezi kufanya hivyo. Sufu ni kipawa cha kondoo, si cha nyumbu. Anaweza kujaribu kufanya kama mwana-kondoo, bali yeye angali ni nyumbu. Unaona? Kwa hiyo, anasema, "Vema, ninaweza kula kama kondoo. Ninaweza kufanya *hivi* kama kondoo." Na haidhuru unaweza kufanya nini, huna budi kuwa kondoo kusudi upate kuwa na sufu.

⁹⁰ Na hebu nisimame hapa kwa muda kidogo. Kondoo hatengenezi sufu. Yeye ana sufu kwa sababu yeye ni kondoo. Watu wengi wakijaribu kusema, "Vema, nitajaribu kuwa mzuri. Nitajaribu kufanya *hivi*." Usijitengenezee cho chote. La, huwezi kufanya hivyo. Kondoo hafanyi hivyo, haombwi, hatarajiji kutengeneza sufu. Anatoa sufu naye hufanya hivyo kwa sababu yeye ni kondoo.

⁹¹ Na ukiwa u Mkristo, unazaa tu matunda ya Roho. Hu—huyatengenezi. Hujaribu kujitengenezea. Unajaribu... Usijifanye kitu usicho. Wewe uwe tu jinsi unavyopaswa kuwa, na ndipo jambo hilo linajishughulikia lenyewe. Je! umewahi kuwasikia watu wakisema, "Vema, ninakwambia. Mimi... nimejiunga na kanisa. Kwa kweli ni—ninapaswa kuacha huku kusema uongo"? Unajaribu kujitengenezea kitu fulani tena, sasa. Huwezi kufanya hivyo, kwa hiyo hakuna haja ya kujaribu kufanya hivyo, si zaidi ya—zaidi ya nyu—nyumbu anavyoweza kujifanya awe na sufu. Hawezi kufanya jambo hilo.

⁹² Ama, koho akijaribu kula pamoja na hua, koho akijaribu—koho akijaribu kuwa njiwa. Ungeweza kuwazia mwewe huko nje, akisema, "Unajua, mimi ni hua," na ajibandike manyoya mchache, aseme, "unaona, ninafanana na..." Unaona? Yeye angekuwa na sura mbaya sana. Huyo ni m—mtu anayekiri kuwa kitu fulani ambapo sivyo alivyo. Unaona, huwezi kufanya jambo hilo.

⁹³ Huwezi kusema, "Sasa angalia, ninapaswa kuwa na nguvu, kwa hiyo nitakuwa na nguvu. Ninapaswa kuishi utauwa, kwa hiyo nitajitahidi tu niupate." Mbona, unajaribu tu kujibandika manyoya. Ingawa unaweza kuyapata, bali huwezi kutia manyoya kwa ndege mwingine. Unaona? Haitafaa kitu. Na inaonesha tu huyo ndege ni mnafiki wa namna gani. Unaona? Ungeweza kuwazia maskini koho akijitahidi kupata manyoya machache ya hua, akisema, "Angalieni, mnaona, mimi ni hua"? Unaona? Mbona, sisi sote tunajua yeye ni koho. Unaona? Unaona? Hana cha zaidi. Tunawenza kujua ya kwamba yeye ni koho.

⁹⁴ Vema, sasa hivyo ndivyo ilivyo, kujaribu ku—kutengeneza Ukristo. Huwezi kuutengeneza. Jambo la kwanza unalopaswa kufanya, ni uzaliwe mara ya pili. Huna budi kubadilishwa. Unaona? Na unapobadilishwa, unakuwa kiumbe kipy. Sasa unaenda vizuri, sasa. Unaona? Sasa huna huna sababu ya kuwa na wasiwasi kuhusu manyoya, yataota tu yenyewe, unapo—unapozaliwa mara ya pili. Naam, bwana.

⁹⁵ Kama nilivyosema mara nyingi. Hebu mchukue ngu—nguruwe, msugue sana na kumvalisha suti ya kisasa, ama ya mlo wa jioni, tuseme hasa, umvalishe, na umwachilie atoke aende zake; ataenda moja kwa moja kwenye shimo la matope na kugaagaa. Maana, unaona, haingefaa kitu. Yeye ni nguruwe. Hiyo ndiyo tabia yake. Kugaagaa matopeni ndiyo tabia yake.

Huna budi kubadilisha tabia yake, na (yeye) hayo mengine yatafanyika yenyeewe.

⁹⁶ Sasa angalia. Huna budi kuzaliwa mara ya pili, hiyo ni kusema, ubadilishwe. Hakuna budi kuwe na badiliko.

⁹⁷ Unasema, “Vema, Ndugu Branham, ninamjua huyu mwanamke hapa, mbona, hata hajatenda jambo lo lote bayu. Ni mwanamke mwadilifu. Ama, huyu mwanamume *fulani*, yeze ni mtu mwadilifu. Hafanyi jambo lo lote hata kidogo. Unajua haudhi mtu ye yote. Hilo halimaanishi cho chote. Huenda akawa ni jirani mzuri, lakini yeze si Mkristo mpaka atakapozaliwa mara ya pili.

⁹⁸ Yesu alisema, “Mtu asipozaliwa mara ya pili,” Yohana Mtakatifu 3, ya kwamba, “hawezi hata kuuona ule Ufalme.” Sasa, hiyo inamaanisha, *kuona*, linamaanisha “kufahamu.”

⁹⁹ Unapoangalia kitu cho chote, unasema, “Hata sikioni.” Una maana hukielewi.

¹⁰⁰ Mtu hawezi kufahamu ni kwa nini watu hupiga makelele. Mtu hawezi kufahamu ni kwa nini lugha ya mwanadamu ingebedilika na angenena kwa lugha. Mtu wa kawaida hawezi kuona jinsi utukufu wa Mungu ungeweza kushuka juu ya macho ya mwanadamu, na angeona ono na kumwambia mtu mambo fulani, na kwamba afanye nini; atamke mambo yanayokwenda kutukia, na ataje mambo yajayo, kama Bwana alivyotufanyia hapa jana usiku, jioni. Unaona? Unaona? A—akili ya kawaida inajaribu kuwazia. “Vema, yeze alifanya nini? Ama, anatumia hila ya namna gani? Ana vitimbi vya aina gani?” Kuona mtu akinena kwa lugha, wangesema...na mtu fulani akafasiri na kusema vile vile kabisa mshiriki fulani wa ule Mwili kitu walichofanya, na yale wasiyopaswa kufanya. Unaona? Unaona? Wanafikiri ni namna fulani ya vitimbi. “Kuna kitu fulani kilichopangwa kati yao.”

¹⁰¹ Hawawezi kufahamu jambo hilo mpaka mtu huyo amezaliwa mara ya pili. Basi anapozaliwa mara ya pili, ndipo ameingia sasa katika ushirika, kwa maana yeze ni kiumbe kipyta. Ile tabia ya kale ya ushirikina, ya kushuku aliyokuwa, imekufa. Sasa, yeze ni kiumbe kipyta. Kwa hiyo, unaona, hana sababu ya kujibandika kitu cho chote, sasa, kwa sababu itaongezeka moja kwa moja yenyeewe.

¹⁰² Angalia, huna budi kuzaliwa mara ya pili. Na unapozaliwa mara ya pili, huwezi kuzaliwa mara ya pili bila ya kuwa na imani. Hiyo ni kweli. Kwa hiyo, kwenye mchoro wangu hapa, nimeweka msingi wenyeewe, imani ndiyo msingi wa mambo hayo yote. “Kwa maana pasipo imani haiwezekani kumpendeza Mungu. Yeye amjiaye Mungu hana budi kuamini ya kwamba Yeye yupo, na huwapa thawabu hao wamtafutao kwa bidii.” Unaona? Hana budi kuamini. Na wakati wewe unaposhuku

Biblia, wakati wewe unaposhuku Neno kwamba ni kweli, afadhali ungoje mpaka kwanza uamini jambo hilo.

¹⁰³ Dhambi ni nini? Kutokuamini. Kuna hali mbili tu zinazomwongoza mwanadamu. Hizo ni aidha shaka ama imani, moja ama nyininge. Wewe unamilikiwa na ile inayotawala maisha yako. Inategemea tu una imani kiasi gani, kiasi gani unaweza kupanda juu.

¹⁰⁴ Lakini, kwanza, haina budi kuwa ni imani. Hebu nidumu katika msingi huo kwa kitambo kidogo. Sasa, imani ni kile unachopaswa kuamini. Imani ni kile... "Imani ni bayana ya mambo yatarajiwayo." Ni, wewe unayo tayari unapokuwa na imani, kwa kuwa hufunuliwa katika imani. "Imani ni bayana ya mambo yatarajiwayo," Waembrania 11, unaona, "bayana." Ni kitu gani? Ni bayana ya aina gani? Bayana takatifu.

¹⁰⁵ Kwa hiyo, unaposema, "Ndugu Branham, ninaamini ya kwamba Mungu ni mponyaji." Vema, kama unaamini jambo hilo, kisha umkubali kama mponya wako, wala hudanganyi, bali kweli unaamini ya kwamba kwa kupigwa kwake unaponywa, hakuna kitu kitakachokuondoa kwa hilo. Ni jambo lililomalizika. Sasa unaweza ukawa na tumaini, unaendelea tu kuepa *hili* na kuepa *lile*. Bali unapokuwa na imani, unajua, kwa maana ni bayana. Unayo tayari. Nilikuwa...

¹⁰⁶ Ni wangapi, mtu ye yote, amewahi kumsikia Oral Roberts asubuhi ya leo, alipokuwa akihubiri asubuhi ya leo, Oral Roberts? Ni—nilimsikia akisema jambo fulani ama lingine kuhusu kwamba kulikuwako na imani fulani, ile ya ukombozi, kuomba maombi ya imani, ya ukombozi. Alisema, "Fanya mawasiliano yako kwa kugusa redio, fanya mawasiliano yako kwa kugusa kitu fulani, kusudi..." Mtu huyo alikuwa akifanya hivyo, ili kwamba jambo hilo lipate kuwapa watu kitu ambacho wangeweza kugusa kwa mikono yao. Kitu fulani, unasema, "Nimekipata sasa, kwa maana aliniambia niguse redio yangu. Nimekipata." Unaona? Sasa, hilo ni sawa. Lakini, sasa, imani halisi na ya kweli si lazima iguse kitu cho chote kama hicho. Sasa, mimi sio kwamba ninamshutumu Ndugu Oral, hata kidogo. Yeye anafanya kazi kubwa, na ni mcha Mungu, nami kwa—kwa kweli ninampenda sana Oral Roberts. Ninasikitika sana hatuna watu wengi kama hao.

¹⁰⁷ Lakini kile ninachojaribu kusema, ya kwamba—ya kwamba, imani haihitaji jambo lo lote. Unaona? Imani huamini Neno la Mungu. Kwa kuwa imani chanzo chake ni "kugusa"? La. "Imani chanzo chake ni kusikia, na kusikia Neno la Mungu." Hilo hutia nanga. Iko pale. Unaona? Na imani, kama ilivyosema, haina umbali na jambo hilo. Imani ni sasa hivi. Imani iko hapa. Sasa ni kama endapo mtu fulani...

¹⁰⁸ Yule mtoto mchanga, hivi majuzi. Yule mama ambaye Dada Kidd na hao wengine waliyezungumza habari zake, aliyejekuwa

na yule mtoto mchanga aliyekuwa na matumbo yaliyokuwa yametoka nje, asiye na njia ya haja kubwa, kupidishia chakula. Sasa, mama huyu, alipomsikia Dada Kidd na hao wengine wakishuhudia, aliamini ya kwamba kama angeweza kupata mawasiliana, nami nimwombee mtoto huyo mchanga. Sasa, unaona, Mungu hutupa watu . . .

¹⁰⁹ Baadhi yetu tuna matukio mengi na Mungu, ya—ya halisi mno hivi kwamba Mungu anakuwa tu ni kama kwenda hapa, kama, na kuzungumza na Ndugu Neville ama mtu fulani unayemfahamu. Na wakati mwininge tunawaomba watu hao watuombee. Hivyo ndivyo tunavyopaswa kufanya. Basi kama tuna imani ya kwamba mtu yule ama mwanamke yule, au ye yote yule anayetuombea, anazungumza na Mungu, basi imani yetu imeshikilia. Imeshika sana. Imetulia.

¹¹⁰ Hapa. Yule Mrumi alienda kumlaki Yesu. Naye akasema, “Mi—mimi sisitahili kwamba uje chini ya dari yangu. Mimi sistahili. Mi—mimi sistahili. Na mi—mimi sikuninii . . . Si—sijihesabu hivyo. Lakini,” akasema, “mwanangu ni mgonjwa sana. Nawe sema tu Neno, unaona, na mwanangu ataishi.”

¹¹¹ Ilikuwa ni nini? Umbali haukuleta tofauti yo yote. Unaona? Kwa sababu, Mungu yuko kila mahali. Mungu ni mwenye nguvu zote. Na kila mahali alipo Mungu, nguvu zote zipo. Na Mungu, akiwa kila mahali, hilo linamfanya Mungu kuwa kila mahali, kote kote. Unaona? Mungu ni mkuu tu huko Ujerumani, Uswisi, na huko Afrika, dakika ii hii, kadiri alivyo papa hapa. Loo! Haya basi.

¹¹² Kwa hiyo sasa yeye alisema, “Sistahili Wewe uje chini ya dari yangu. Nena Neno tu.” Ilikuwa ni nini? Ilikuwa ni ile imani ya yule Mrumi. Yeye aliliamini.

Naye Yesu akasema, “Nenda zako. Mwanao yu hai.”

¹¹³ Naye akatoka akaenda, safari ya siku mbili. Na kesho yake, kabla hajafika nyumbani, alikutana na baadhi ya watumishi wake wakija. Nao wakasema, “Mwanao yu hai.”

¹¹⁴ Naye huyo Mrumi alifurahiwa sana, mpaka akasema, “Yeye alianza kupata afya saa ngapi? Ilikuwa ni saa ngapi?”

Akasema, “Yapata saa kumi na moja, yeye alianza kupata nafuu.”

¹¹⁵ Ndipo huyo Mrumi akajua ya kwamba ilikuwa ni wakati ule ule ambao Yesu alisema, “Mwanao yu hai,” naye akaamini. Amina.

¹¹⁶ Mwenye nguvu zote, aliye kila mahali, ajuaye yote, asiye na kikomo, huyo ni Mungu. Kwa hiyo, wakati walipopiga simu na kusema, “Ombo!” Hilo huwasiliana! Nayu imani yako inamleta Mungu. Ndicho kitu kinacholeta maombi na Mungu, pamoja; jukwaani. Maombi! Imani hubadilika kutoka *hapa* kwenda *hapa*. Inaunganisha.

¹¹⁷ “Nena Neno. Yote ninayokutaka ufanye ni kusema Neno, na kila kitu ni sawa.” Unaona, haikumbidi Yeye kuwa pale. “Sema Neno tu.” Kwa nini? Mungu yuko kila mahali. Yeye ni mwenye nguvu zote. Yeye yuna nguvu nyingi tu chini ya dunia kama alivyo nazo juu ya dunia, ama upande wo wote. Yeye ni Mungu. “Na jambo pekee likupasalo kufanya ni kusema Neno tu,” akasema.

¹¹⁸ Na, sasa, imani inatenda hayo mengine. Imani inatenda hayo yaliyosalia. Kwa hiyo huna budi kuwa na imani kuwa msingi. Ukristo wote, yote uliyo wewe, yote utakayopata kuwa, yana msingi wake katika Neno. Hiyo ndiyo sababu mimi ninaamini Neno. Unaona?

¹¹⁹ Siwezi kuweka imani yangu juu ya jambo lingine lile. Kama ningelikuwa ninataka kuiweka juu ya kanisa, ningeiweka kwenye kanisa lipi: Katoliki, Lutheri, Methodisti, Baptisti, Wapentekoste? Ningeiweka juu ya nini? Sijui. Yote yanayumba na mambo mengine chungu mbovu, yana mwelekeo uliopinda, na cho chote kile.

¹²⁰ Lakini ninapoweka imani yangu katika Neno Lake, imetia nanga. Hakuna mtu anayeifasiri. Hii hapa, BWANA ASEMA HIVI. Basi ninaamini jambo Hilo. Huo ndio msingi.

¹²¹ Maskini daktari mmoja hodari mwenye akili sana hapa jijini, rafiki msiri wangu, Daktari Sam Adair. Tulishi pamoja tukiwa wavulana pamoja. Nyote mnajua Sam. Naye aliniambia, akasema, “Bill...” Baada ya ono hilo kutokea, lilipomwambia mahali ambapo angejenga makazi yake, jinsi ambavyo yangetuwa. Sasa nendeni nyumbani kwake, mwulizeni wakati fulani kama hiyo si kweli. Miaka miwili ama mitatu kabla halijatukia, nikamwambia mahali litakapokuwa. Nikasema, “Utachukua karibu jengo hilo lote hilo la mji.” Na hakuna kitu ila kimoja tu kati yake na hilo, na hicho ni mahali pale pa kurekebisha maisha ya waathirika. Daktari Adair ana sehemu hiyo iliysalia, na duka la madawa baridi. Hayo tu. Daktari Adair alijaza hapo sawasawa kabissa, ono hilo. Ambapo, mahali ambapo alisema, “Hapawesi kuguswa hata kwa miaka ishirini na mitano. Eneo hilo liko kortini.”

¹²² Nikasema, “Daktari, Bwana anakupa sehemu hiyo, kwa sababu ya unyenyekevu wako.”

Akasema, “Mimi sifai.”

¹²³ Nikasema, “Wewe ni kasa. Una gamba upande wa nje, gamba ambalo utaangalia marafiki zako nalo hapa nje, lakini ndani yako wewe ni muungwana halisi. Toka kwenye gamba hilo.” Nikasema, “Mungu anakupa sehemu hiyo.”

¹²⁴ Akasema, “Sijawahi kukushuku, Billy, bali itabidi nikushuku hilo.”

Nikasema, "Nenda zako ofisini kwako." Na kwa hiyo akatoka akaenda zake.

¹²⁵ Kesho yake asubuhi, akanipigia simu, kasema, "Ninasikia baridi nusura ya kufa."

¹²⁶ Nikasema, "Kuna nini?" Ilikuwa kwenye Julai. Nikasema, "Kuna nini, Dak?"

¹²⁷ Kasema, "Nimenunua mahali pale tayari, Billy. Walikuwa na mukutano jana usiku huko Boston, nami tayari nimepanunua mahali pale asubuhi ya leo."

Nikasema, "Nilikwambia."

¹²⁸ Nilikuwa huko hivi majuzi, nikizungumza naye. Wakati ile bunduki iliponilipukia usoni... Akasema, "Nadhani nimewaambia jambo hilo watu elfu moja wanaokuja hapa ndani, namna hiyo." Ni kitu gani? Sasa, Mungu anaposema jambo lo lote, halina budi kutimia.

¹²⁹ Jana jioni baadhi ya marafiki zangu walikuja nyumbani. Walikuwa wamesikia juu ya lile ono lililotolewa kuhusu kuro aliyekuwa na pembe ya nchi arobaini na mbili, na dubu mkubwa mkali mwenye manyoya ya fedha. Sijui ni watu wangapi wamekuja nyumbani, wanaotaka kuona jambo hilo. Nikasema, "Huu hapa utepe wa kupimia. Nenda ukapime hiyo pembe." Alisikia jambo hilo likisemwa kabla halijatukia. Unaona? Kwa nini? Mungu anaposema jambo lo lote, halina budi kutukia. Hiyo ndiyo sababu, limewekwa msingi.

¹³⁰ Sasa, *huu* hapa mpango wa wokovu. Ndipo basi kama ono lake lilitukia kikamilifu, barabara kabisa kama wanavyosema, na kanisa hili hapa linajua hiyo ni kweli, basi na Neno Lake je! Unaona? Hilo lina uhakika zaidi ya ono. Kama hilo ono halikunena kulingana na Neno, basi ono hilo ni haramu. Lakini ni Neno, kwanza, kwa sababu Neno ni Mungu. Unaona? Kwa hiyo, Yeye yuko kila mahali. Alinena jambo hilo hapa, na kulifanya likatimie huko Canada. Amina. Unaona, Yeye yuko kila mahali. Vema.

¹³¹ Kwanza, huna budi kuzaliwa mara ya pili. Na halafu unapozaliwa mara ya pili, una imani; unaamini Neno. Mpaka utakapozaliwa mara ya pili, utalibisha. Kama wewe ni mtu tu mwenye mwelekeo wa dini, na—na una ma—ma—maarifa kidogo ya kibinadamu ya kwamba unapaswa kufanya haki, kamwe hutaweza kukubaliana juu ya Neno la Mungu. Kamwe hutaweza. Huna budi kuzaliwa mara ya pili. Na, kuzaliwa mara ya pili, kunaleta imani. Vema. Halafu, baada ya kupata imani, hii papa *hapa*, i-m-a-n-i, imani, ndipo unawenza kukual.

¹³² Sasa, watu wengi huenda madhabahuni, na kuomba, na kusema, "Bwana, nisamehe." Na tukio kubwa la utakaso linashuka juu yao, na kadhalika. Ndipo una wakati wa furaha kuu, unaenda madhabahuni, ukipaza sauti. Unarudi, unasema,

“Mungu atukuzwe, nimeipata.” La, ndio kwanza tu umeanza kufikia katika mahali ambapo unaweza kukua. Hujafanya jambo lo lote bado. Unaona? Jambo pekee ambalo umefanya ni kwamba uliweka tu msingi.

¹³³ Sasa unaenda kujenga nyumba, na unamimina msingi, unasema, “Jamani, nimeipata.” Unaona? Umeweka msingi wa kujengea nyumba yako. Sasa inakubidi kujenga hiyo nyumba.

¹³⁴ Sasa hapo ndipo jambo hilo linapoingia, asubuhi ya leo, tutakalozungumza habari zake sasa. Vema. Nyumba, msingi huu ndio wa kwanza. Msingi wa Ukristo ni kitu gani? Imani katika Neno la Mungu. Huo ndio msingi wako. Ndipo unaanza kukua. Ndipo unaanza, unaanza kuongezea kwenye msingi huu.

¹³⁵ Sasa, kujenga nyumba, unaweka nguzo zako za kusimama na cho chote kile. Ndugu Woods, na baadhi ya hawa maseremala na makondrakta hapa wangeweza kutwambia jinsi unavyojenga nyumba yako. Unaona? Lakini nitawaambia jinsi ya kujenga nyumba yako ya kiroho, ambamo Mungu anaweza kuishi. Anataka kukaa ndani yako. Anataka kukufanya wewe kama Yeye Mwenyewe. Anakutaka uakiswe, kuakisi, hasa, Utu Wake.

¹³⁶ Unajua, katika siku za kale walipokuwa wakitengeneza dhahabu, kabla hawajawa na kiyeyushi cha kuiyeyushia, walikuwa wakiitwanga dhahabu ikatoka, wanaitwanga wapate kutoa kinamasi, chuma na shaba na takataka nyingine, zitoke, na wanaendelea tu kuitwanga, na kuigeuza, na kuitwanga. Wahindi wanafanya hivyo siku hizi, kutwanga dhahabu, nao wanaitwanga. Unajua jinsi wangeweza kujuja ya kwamba chuma chote kilikuwa kimetoka, na uchafu wote na kadhalika, na donge la chuma vimetoka? Ni wakati yule aliyekuwa akiipiga angeweza kuona picha yake, kama kioo, ndani yake. Ilikuwa ni safi na inaakisi vya kutosha mpaka ikatoa picha ya mpigaji.

¹³⁷ Hivyo ndivyo Mungu unavyofanya. Yeye huchukua dhahabu ambayo amepata ardhini, na anaitwanga, kwa Roho Mtakatifu, anaigeuza, na kuigeuza, na kuigeuza, na anaitwanga mpaka (Yeye anapokea) Yeye anaweza kuona picha Yake. [Ndugu Branham alipiga makofi mara nane katika sentensi hii—Mh.]

¹³⁸ Na hivyo ndivyo tunavyopaswa kufanya, kumwakisi Mwana wa Mungu. Na sasa tunapaswa kufanya kazi Yake. Yeye alisema, “Yeye aniaminiye Mimi...” Yohana Mtakatifu 14:7, “Yeye aniaminiye Mimi, kazi nizifanyazo Mimi yeye naye atazifanya.” Unaanza kuakisi kazi za Kristo.

¹³⁹ Lakini wengi wetu tunajaribu kufanya kazi za Kristo kabla ya sura ya Kristo kuwa ndani yetu. Sasa hapa ndipo penye shida. Tunaona mambo hayo yakinende. Unajua jambo hilo. Ninalijua. Tunaona hawa, wanaanguka njiani. Tunaona malundo ya takataka ya wahudumu, ya Wakristo, wamelundikana barabarani, ni kwa sababu hawakuliendea jambo hilo inavyotakiwa.

¹⁴⁰ Na hiyo ndiyo sababu niko hapa asubuhi ya leo, kujaribu kulifundisha kanisa hili dogo, na mimi mwenyewe, jinsi ambavyo tunaweza kufanyika mahali pa kuishi pa Mungu aliye hai. Ni wangapi wanataka kuwa hivyo? [Kusanyiko linasema, "Amina."—Mh.] Mahali pa makao ya Mungu aliye hai!

¹⁴¹ Sasa hivi ndivyo tunavyofanya. Jambo la kwanza ni nini? Uwe na imani, na uzaliwe mara ya pili. Huko ni kuweka msingi.

¹⁴² Halafu, tukiisha kuweka msingi, pili ni kutia kwenye msingi wako. "Tieni katika imani yenu," Petro alisema hapa. Tieni katika ninii yenu... Kwanza uwe na imani, halafu utie nguvu katika imani yako. Hii ndiyo safu ya pili. Kwanza, mimina msingi wako, imani. Halafu katika imani yako, tia nguvu.

¹⁴³ Sasa, papo hapo panaangusha wengi wetu chini. Naam, bwana. Naam. "Tieni nguvu katika imani yenu." Hiyo haimaanishi tu kuishi maisha safi, mnajua, kama mwanamake ama mwanamume, na kadhalika. Hilo halina uhusiano wo wote na jambo hilo.

¹⁴⁴ Biblia ilisema, tulisoma hapa katika Kitabu cha Luka, ambapo ilisema, "Nguvu zilimtoka." Hiyo ni kweli? [Kusanyiko linasema, "Amina."—Mh.] Kama tutakuwa kama Yeye, hatuna budi kuwa na nguvu, basi. Hatuna budi kuwa nazo, tupate kuwa kama Yeye. Ndio wimbo wa kwanza niliopata kupenda, katika nyimbo za dini, mmojawapo wa zile kuu sana, ulikuwa, *Kuwa Kama Yesu*. Vema, kama nitakuwa kama Yesu, sina budi kuwa na nguvu, na bubujiko ambalo linaweza kutiririka kutoka kwangu liwaendee watu. Kwa sababu, "Nguvu zilimtoka kuwaendea watu." Nguvu! Na kabla ya kuweza kuzitoa, huna budi kuwa nazo kwanza. Kama hunazo, hazitatoka. Hakuna mahali zinapoweza kutoka.

¹⁴⁵ Vipi kama mtu fulani angelijaribu kutoa nguvu hizo kuto ka kwetu, na hundi hiyo ingerudishwa "Hakuna fedha za kutosha"? Unaona? La, la, hakuna mahali pa kuzitoa, hundi imekataliwa. Mtu fulani akikuangalia kama Mkristo, na kesho akuone hapa nje ukifanya yasiyofaa kama mwenye dhambi, hakuna uweza mwingi unaoweza kutolewa kutokana na tabia hiyo. Unaona? Kweli.

¹⁴⁶ Nguvu hazina budi kuwa ndani yetu. Na mpaka tutakapopata nguvu... Ndipo tutakapopata nguvu za kweli, tunaweza kuzitia kwenye imani yetu. Huo ndio ukuta wa pili wa msingi. Sasa, kwanza huna budi kuwa na imani. Imani peke yake haitoshi. Huna budi kuninii... Petro alisema, "Halafu tia nguvu katika imani yako." Huna budi kuwa na nguvu, kusudi upate kuzitia kwenye imani yako.

¹⁴⁷ Sasa, basi, huenda ikawa, sababu ya wewe kutokuwa nazo, ni kwa sababu makanisa mengi ya siku hizi yanafundisha si lazima uwe nazo, ama siku zake zimepita. "Haiwalazimu kuwa

nazo. Jambo pekee unalopaswa kufanya ni kujiunga tu na kanisa. Naam, siku hizo zimepita.”

¹⁴⁸ Nguvu, kila mtu anajua neno nguvu lina maana gani, unaona, nasi hatuna budi kuwa nazo. Kama nguvu zilimtoka Yeye, kumponya yule mwanamke aliyekuwa mgonjwa, Yeye anatarajia nguvu zile zile katika Kanisa Lake, kwa maana Yeye alikuwa ni mfano wetu. Na kama Yeye alikuwa na nguvu za kuwapa watu, Yeye anatutarajia sisi kuwa na nguvu za kuwapa watu. Na wema ni nini? Wema ni nguvu, uweza.

¹⁴⁹ Wengine wao hata hawaamini katika nguvu za Mungu. Wanasesma, “Hizo—hizo—hizo zimepitwa na wakati. Jambo pekee unalopaswa kufanya ni kuweka tu jina lako katika Kitabu, na unyunyiziwe, ama umwagiwe, ama ubatizwe, ama cho chote kile. Na hayo tu ndiyo unayopaswa kufanya.”

¹⁵⁰ Lakini Petro alisema hapa, “Tieni nguvu.” Sasa, Petro anazungumza juu ya kuijenga Nyumba ya Mungu, unaona, Hekalu la Mungu, kulifikisha mahali fulani. Na baada ya wewe kuwa na nguvu, huna budi kuwa... Baada ya kuwa na imani, huna budi kuongezea nguvu kwenda pamoja na imani. Hiyo ni kweli. Uwe na nguvu kwa ajili ya ulimwengu wote.

¹⁵¹ Nilihubiri mahubiri yapata miaka ishirini iliyopita, nadhani, juu ya Kasisi Bw. Yungiyungi. Yungiyungi, yule mchungaji. Niliyatoa kutoka kwenye fungu la maneno ambapo Yesu alisema, “Tafakarini ua, jinsi hayafanyi kazi wala hayasokoti. Nami nawaambia, Sulemani katika fahari yake yote hakuvikwa vizuri kama mojawapo la hayo.”

¹⁵² Angalia yungiyungi. Linatoka huko chini kabisa kwenye uchafu. Na kila dakika ya siku halina budi kuwa likinyonya kutoka ardhini. Unaona? Nalo linafanya nini na nguvu linazofyonza? Linautoa. Linaonesha umbile zuri kwa mwenye kulitazama. Linajifungua kwa ajili ya asali, kusudi nyuki aje achukue sehemu yake. Halilalamiki. Linayo tu, lipate kuitoa. Vipi kama nyuki akiingia ndani mle; ati hamna fedha za kutosha, hakuna asali? Maskini nyuki huyo angekuna kichwa chake na kusema, “Hilo ni yungiyungi la aina gani?”

¹⁵³ Kama mtu anakuja, akijaribu kutafuta wokovu, aende kwenye kanisa linaloamini ya kwamba siku za miujiza zimepita?

¹⁵⁴ Kama vile Jack Coe alivyosema wakati fulani. Mtu akiingia mgahawani, na kuchukua menuy kubwa ya vyakula; anaanza kuisoma, T-boni ya steki na kadhalika. Aseme, “Nitakula T-boni.”

“Vema, hiyo ilikuwa ya jana. Hatuna.”

¹⁵⁵ Hata afadhali aiweke chini hiyo menuy na atoke, unaona, hiyo ni kweli, maana hawana cho chote cha kula, hata hivyo. Kwa hiyo ni afadhali uende kwenye mgahawa ulio na kitu cha kula.

¹⁵⁶ Naye mtu wa kiroho, ili akue, anahitaji kitu cha kula. Hicho nii Neno la Mungu. Ninaamini kila Neno Lake.

Mungu ameandaa meza ambapo watakatifu
wa Mungu wanalishwa,
Anawaalika watu wake wote waliochaguliwa,
“Njoni mle.”
Yeye anawalisha kwa mana Yake, anatupa haja
zetu zote,
Loo, ni raha kula pamoja na Yesu daima.

¹⁵⁷ Hiyo ni kweli. Naam, bwana. Yeye ana Neno. Kanisa lina Neno, Kanisa la Mungu aliye hai, ambalo limejengwa katika mtu huyu mkamilifu, mwenye maarifa ya Kristo. Sasa, sasa, huna budi uwe na nguvu.

¹⁵⁸ Nilisema basi, muda si muda unajua, kuna mtu ambaye anapenda kusikia hiyo harufu nzuri. Yeye si mchoyo. Yeye ana manukato. Kabla ya yeye kutoa hiyo harufu nzuri, hana budi kuwa nayo. Kabla ya kuweza kutoa asali, hana budi kuwa nayo. Kabla ya kuweza kutoa uzuri, hana budi kuwa nao.

¹⁵⁹ Kabla ya kuweza kutoa nguvu, huna budi kuwa nazo. Kwa hiyo, tia katika imani yako, nguvu. Amina. Mnaelewa? Tungeweza kudumu kwenye hilo muda mrefu, lakini wakati wetu ungetuishi. Kutia nguvu katika imani yako. Sasa, kwanza ni imani, halafu nguvu.

¹⁶⁰ Halafu basi, tatu, unatia maarifa. Maarifa, sasa, hiyo haimaanishi maarifa ya ulimwengu, maana hiyo ni ujinga kwa Mungu; bali ni maarifa ya kuamua, kupambanua (nini?) wema na ubaya. Unapambanuae hilo, basi, kama una maarifa ya Kikristo pamoja na nguvu zako na imani? Unapambanua kama Neno ni kweli ama ni uongo. Na kama unaweza kuweka kando kanuni zako zote za imani, na kutokuamini kwako kote, kila kitu unachodai umekwishafanya, ndipo una maarifa ya kuamini ya kwamba Mungu hawezи kusema uongo. “Neno la kila mtu na liwe uongo, bali Langu liwe ni kweli.” Unaona? Sasa unapata maarifa. Hayo ni maarifa ya juu kabisa. Haikubidi kuwa na digrii nne katika chuo fulani, ama kitu kama hicho, kuyapata, kwa maana sifa hizi zote zinapeanwa na Mungu, upate kuziweka kwenye msingi wako wa imani, upate kufikia kimo kikamilifu cha mtu halisi aliye hai, wa Mungu. Naam, bwana.

¹⁶¹ Tia, tia maarifa, kwa sababu, maarifa ya Neno Lake. Huna budi kuliamini kwa njia hii. Kwa mfano, unapaswa kuamini leo ya kwamba ninii . . . na kulikubali, ya kwamba siku za miujiza hazijapita. Maarifa ya kwamba yale aliyosema Mungu, Mungu anaweza kuyatimiza.

¹⁶² Ibrahimu aliamini jambo hilo. Na wakati alipokuwa na umri wa miaka mia moja, yeye hakusita katika ahadi ya Mungu kwa kutokuamini. Angalia . . . [Mahali patupu kwenye kanda—Mh.] Angalia jinsi Neno hilo lilivyoonekana la kipuuzi. Huyu hapa

mtu, mwenye umri wa miaka mia moja, akimtazamia mtoto mchanga azaliwe katika nyumba yake, kwa mwanamke mwenye umri wa miaka tisini. Unaona? Amepita umri wa kuzaa kwa karibu miaka hamsini, alikuwa ameishi naye tangu alipokuwa msichana m—mdogo, ama kijana. Na ndiye huyu hapa, kijito chake cha uhai kilikuwa kimekauka. Na tumbo la uzazi la Sara lilikuwa limekuwa. Na matumaini yote yalikuwa yamekwisha, tukinena juu ya matumaini. Lakini, hata hivyo, pasipo tumaini, aliamini katika tumaini, kwa kuwa alikuwa na maarifa ya kwamba Mungu alikuwa anaweza kutimiza kila kitu ambacho aliahidi.

¹⁶³ Sasa, unapolipata namna hiyo, basi tia jambo hilo katika imani yako. Unapokuwa na nguvu za kweli, uzipite katika imani yako. Wakati unapoweza kutembea nje hapa mtaani, uishi kama Mkristo, uenende kama Mkristo, uwe Mkristo, tia hayo katika imani yako. Unapokuwa na maarifa....

¹⁶⁴ Unasema, “Vema, sijui sasa kama Maandiko *haya* ni kweli. Sasa hili hapa Matendo 2:38, sijui jinsi ya kuihusisha na 28:19. Sijui.” Vema. Usininii—usiongeze kitu, maana hujalipata Hilo bado. Unaona? Utafanya nini? Kwa sababu, huna maarifa ya kutosha kumjua Mungu, bado, ya kwamba Biblia hajipingu Yenyewe. Liache. Usiseme Neno la zaidi kulihusu. Unaona? Liache.

¹⁶⁵ Lakini unapoweza kuona ya kwamba Maandiko hayajipingu, ya kwamba unaweza kusema jambo hilo; na unaweza kuona, ya kwamba, kwa ufunuo wa Mungu, Neno lote limeandikwa katika siri, na ni maarifa ya Mungu pekee ndiyo yanayoweza kulifunua; basi wakati unapopata na kusema, kuitikia kila Neno la Mungu kwa “amina,” basi tia hayo katika imani yako.

¹⁶⁶ Loo, umeanza kuwa mtu mzuri sana sasa hivi. Unaona? Unakuja, unaona. Na kitu gani? na imani, halafu na nguvu, halafu maarifa. Unaona mtu huyu anavyojengeka? Unaweza kuona hakuna njia—hakuna njia ya kuepuka jambo hilo. Hii ndiyo jinsi ya kufanyika kimo kikamilifu cha Kristo. Naam, bwana.

¹⁶⁷ Kupambanua, kupambanua kweli. Kupambanua kama ni kweli ama si kweli, kuamini Neno la Mungu. Kupambanua kama ni kweli ama si kweli, kama ninapaswa kutumikia kanuni ya imani ama kumtumikia Mungu. Kupambanua kama ni kweli ama si kweli, kama ninapaswa kuzaliwa mara ya pili ama kujiunga na kanisa. Ndipo unaanza. Unapambanua vizuri, wakati mhubiri anaposema, “Siku za miujiza zimepit.” Biblia ilisema, “Yesu Kristo ni ye ye yule jana, leo, na hata milele.” Sasa utaamini lipi?

¹⁶⁸ Unaposema, “Nitamchukua Mungu.” Sasa, husemi jambo hilo kwa kusema tu, “Vema, ni—nalichukua,” toka moyoni mwako kabisa. Lakini, jambo fulani ndani yako, imani yako

inasukuma humo ndani. Haya basi. Imani yako inasema, "Ninajua Yeye ni yeye yule. Amina. Nimemshuhudia ni yeye yule. Hakuna kitu kinachoweza kuliondoa jambo hilo kwangu. Ninajua Yeye ni halisi." Amina. Basi ongeza jambo hilo kwenye imani yako. Liweke kwenye ule msingi. Unapanda sasa, unakua moja kwa moja kuelekea kwenye ule Ufalme. Umefikia mahali fulani sasa. Vema.

¹⁶⁹ Sasa, jambo lingine, mhubiri atakwambia, na watu wengi wanasema, "Ninii... Mambo haya mnayosoma katika Biblia, yalikuwa ni kwa siku za kale. Sasa, nitawaambia ni kwa nini. Ni kwa sababu, hatuhitaji mambo hayo siku hizi. Hatuyahitaji. Unaona? Hatupaswi kufanya hivyo. Hatuna haja ya kutenda mambo hayo. Uponyaji wa Kiungu. Hatuneni kwa lugha, kanisani, ku—kuliweka kanisa letu sawa. Wala hatufanyi jambo *hili*."

¹⁷⁰ Tatalifikia hilo. Nina Maandiko niliyoandika hapa yanayohusu hayo, unaona, kama tungali tunapaswa kuyafanya siku hizi ama hatupaswi, sasa.

¹⁷¹ Lakini umesema, "Sijui. Haitupasi kufanya jambo hilo leo. Jambo pekee ningefikiri tungepaswa kufanya, inatupasa kujifunza kuongea kwa usafaha mbele ya umati wa watu. Tunapaswa kwenda na kuchunguzwa akili zetu na daktari wa magonjwa ya akili, aone kama Kiwango chetu cha Akili ni cha juu vya kutosha kufanya jambo hilo, na—na kadhalika namna hiyo. Ninafikiri... Nasi tuna makusanyiko makubwa kuliko yote. Tunaunda madhehebu yetu."

¹⁷² Sisi hatuundi madhehebu. Mimi siko hapa asubuhi ya leo kuunda madhehebu. Kristo hakunituma kamwe kuunda madhehebu. Kristo alinituma kuwajenga watu binafsi wafikie kiwango cha Yesu Kristo, kusudi wapate kuwa kituo cha nguvu na makao ya Roho Mtakatifu, kwa Neno Lake. Kwa Neno Lake, unaona, kumjenga mtu binafsi afikie mahali hapo. Si kujenga madhehebu kuwa madhehebu makubwa zaidi, bali kuwajenga watu binafsi kuwa wana na binti za Mungu. Wazo lenyewe ndilo hilo. Unaona? Tia katika imani yako, nguvu; katika nguvu zako, ongeza maarifa. Vema, sasa unafikia mahali fulani.

¹⁷³ Sasa wakati wanapoanza kusema, "Vema, si lazima tuchukue jambo hilo siku hizi." Inakulazimu. Lazima lichukuliwe.

¹⁷⁴ Maandiko hayawezi kusema uongo. "Na si ya kufasiriwa kama apendavyo mtu mwenywewe," ndivyo ilivyosema Biblia. Iamini tu jinsi ilivyoadikwa Pale. Unaona? Unapaswa kuwa nayo haya. Na njia pekee utakavyoweza kuwa nayo, ni kuwa na maarifa yatokayo Mbinguni. Na maarifa yatokayo Mbinguni yatathibitisha Neno. Unaona?

¹⁷⁵ Huna budi kuamini, si kujifanya unayaamini. Hakuna hata moja ya haya ambayo ni ya kujifanya, unaona, kama ukijaribu

kusema, "Ninayo." Usiwe ndege mweusi anaye manyoya ya tausi, unaona, maana yataanguka moja kwa moja. Hayakuota kiasili humo. Yamechomekwa ndani tu.

¹⁷⁶ Ninafikiria mahali ambapo Daudi alisema pale, Zaburi 1, "Yeye atakuwa kama mti uliopandwa kando ya mito ya maji." Unajua, kuna tofauti kati ya kupandwa na kuwekwa, kuchomekwa. Kama vile mwaloni wa kale, umekwisha kupandwa, ambao unanyonganyonga kwenda chini na kushikilia imara. Maskini kijiti cha kale kimechomekwa pale, hujui kitapatikana na nini. Hakina mizizi. Hakina msingi. Unaona?

¹⁷⁷ Hiyo ni kama watu wanaotoka seminari ama cho chote kile, unaona. Hawana... "Vema, Daktari *Fulani* aliniweka wakfu katika huduma." Haileti tofauti yo yote kwamba hicho kilikuwa ni nini..

¹⁷⁸ Kristo alikuzaa humo, unaona, unaona, kwa imani yako. Unaona? Unaongoka mara ya pili na kuzaliwa ndani yake. Halafu baada ya kuzaliwa ndani yake, haya ndiyo mambo anayokutarajia kuyatia. Endelea tu kuyatia. Sasa tunaenda kwenye jambo lenyewe moja kwa moja.

¹⁷⁹ Sasa kutakuwa na jambo lingine juu ya maarifa haya, tungelizingumzia habari zake, maarifa ya kiungu. Unaona? "Je! Biblia katika siku hizi imepoteza maana yake?" Unaona, wao, watu wengi hukwambia jambo hilo, ya kwamba Biblia kabisa haimaanishi jambo hilo. Kama Mungu ananiangalia, na kunisahihisha katika dhambi yangu, na kama mimi ni mwana wa Mungu, Yeye anafanya hilo. Yeye anakufanya hivyo, wana na [Sehemu tupu kwenye kanda—Mh.] binti. Unapofanya kosa lo lote, Yeye anakusahihisha. Basi kama Mungu anahuksika sana juu yako, kwamba anakuangalia na kukusahihisha, ni zaidi sana vipi Neno Lake, ambalo ndilo mfano wako, ambalo ni Yeye Mwenyewe!

*Hapo mwanzo kulikuwako Neno, naye Neno
alikuwako kwa Mungu, naye Neno alikuwa Mungu.*

Naye... alifanyika mwili, akakaa kwetu;...

¹⁸⁰ Neno ni Ufunuo wa Yesu Kristo, Biblia ilisema hivyo, Kristo akifunuliwa katika Neno Lake. Na kama Yeye amekuangalia wakati unapovunja sheria hizi, anakuhukumu kwa jambo hilo, ni zaidi sana vipi anavyoangalia sheria Yake inayokuhukumu! Amina.

¹⁸¹ [Ndugu Branham anapiga makofi mara moja—Mh.] Ninaendelea, jamani, usiniambie upuuzi huo!

¹⁸² Ninaamini katika maarifa, maarifa halisi Roho Mtakatifu. Maarifa ya Roho Mtakatifu daima yataitikia Neno kwa "amina." Unapopata mambo haya yanayoonekana kana kwamba yanahitilafiana, katika Biblia, unaketi chini na kuyasoma kwa

makini, na kwa maombi namna hiyo. Na muda si muda unajua, Roho Mtakatifu anaanza kuingia. Baada ya kitambo kidogo unayaona yakiungana pamoja, na hapo umeshalipata. Unaona? Hayo ni maarifa.

¹⁸³ Wengine wao wanasema, “Vema, sasa, Biblia ilisema ya kwamba Yeye ni yeye yule jana, leo na hata milele.”

¹⁸⁴ Nalo kanisa linasema, “Kwa hali fulani, Yeye ni yeye yule.” En-he! En-he! Tayari umeweka pengo, papo hapo. Unaona? Naam, bwana. La, bwana. Ni yeye yule. Ndiyo, bwana.

¹⁸⁵ “Yesu Kristo yeye yule jana, leo, na hata milele.” Hakuna tofauti Kwake, hata kidogo. Yeye anaishi katika Kanisa Lake, akifanya jambo lile lile. “Kitambo kidogo,” kama nilivyonukuu hivi punde, “bado kitambo kidogo na ulimwengu haunioni tena, bali ninyi mtaniona. Kwa maana,” Yeye alisema, “Nitakuwa pamoja nanyi, hata ndani yenu, hata ukamilifu wa dahari.” Tena, Yeye alisema, “Kazi nizifanyazo Mimi ninyi nanyi mtazifanya.” Tena, Yeye alisema, “Mimi nitakuwa ni Mzabibu. Ninyi mtakuwa ni matawi.” Na tawi huishi tu kwa Uhai wa Mzabibu. Cho chote kilicho ndani ya Mzabibu hutokea kupitia kwenye tawi. Utukufu! Ndipo, “Kristo yeye yule jana, leo, na hata milele.” Linatoa Uhai wa Bwana Yesu Kristo. Amina.

¹⁸⁶ Maarifa; si maarifa ya ulimwengu (yanahoji). Aina yo yote ya maarifa ya ulimwengu hutoa hoja. Unaona? Lakini imani haina hoja. Mungu anakufunulia jambo *fulani-fulani* litatukia, kila mwanasayansi ulimwenguni angeweza kukwambia, “Ni kinyume. Halingeweza kutukia.” Unaliyamin, hata hivyo. Unaona? Naam, bwana. Hayahoji. Biblia ilisema, “Tutupe hoja.” Imani haihoji. Imani haina hoja. Imani inajua mahali ilipo. Imani hutenda kazi. Imani hushikilia. Haiwezi kusogea. Hakuna kinachowenza kuisogeza. Sijali cho chote kinachosema *hili, lile, linginelo*. Haisogei, hata kidogo. Inashikilia papo hapo, inangoja, inangoja, inangoja, inangoja. Haileti tofauti yo yote. Inashikilia pale pale.

¹⁸⁷ Mungu alimwambia Nuhu mambo haya yatatukia. Akaamini. Unaona? Mungu alimwambia Musa mambo haya yatatukia. Akaamini. Mungu aliwaambia wanafunzi mambo fulani yatatukia, “Enendeni kule Pentekoste mkangojee.” Wakakaa kule kule. Naam, bwana. Vema.

¹⁸⁸ Sasa, maarifa, sasa, si maarifa ya kilimwengu, bali ni maarifa ya Kimbinguni. Na maarifa ya Kimbinguni, ambapo Mungu ndiye chemchemi ya maarifa yote, na Mungu ni Neno. Basi, kama una maarifa ya Kimbinguni, unaamini Neno, unahoji na jambo lo lote kwa Neno.

¹⁸⁹ Na kesi hii ya kodi ambayo kanisa limekuwa nayo, ama ambayo mimi nimekuwa nayo. Mmoja wa watu hao wakati mmoja, katika kesi ndogo iliyosikilizwa na hakimu, yeye

aliniambia. Kasema nilisema . . . "Hawakuweza kupata kosa lo lote." Na kwa hiyo wakaanza kuninii . . .

¹⁹⁰ Nikasema, "Vema, basi, kama hakuna kosa lo lote, kwa nini msiache kunifuatafuata?" Unaona? Unaona? Ndipo nikaendelea, kumwambia kuhusu Maandiko fulani fulani.

¹⁹¹ Akasema, pandikizi la mtu huku akiwa ameshika sigara mkononi mwake, akasema, "Bw. Branham, mimi ni mwanafunzi wa Biblia."

Nikasema, "Ninafurahi kusikia jambo hilo."

¹⁹² Akasema, "Sasa ninataka kujuu ushirikina huu ni nini, unatoza pesa kwa leso hizi unazotuma huko nje, kaushirikina hako ka kuombea leso na kuzituma huko nje, hizo 'leso zilivyoitiwa mafuta,' kama unazoita, 'leso.'" Akasema, "Halafu unatoza pesa kwa hizo."

Nikasema, "La, bwana. Hazilipiwi."

Ndipo basi akasema, "Vema, katika ushirikina huu."

¹⁹³ Nikasema, "Unaita jambo hilo ni ushirikina, bwana. Uliniambia dakika chache zilizopita ya kwamba wewe ni mwanafunzi wa Biblia."

Akasema, "Ndiyo."

¹⁹⁴ Nikasema, "Ninukulie Matendo 19:11." Maarifa! Akajinasa ye ye mwenyewe moja kwa moja katika jambo hilo, akajaribu kubadilisha mazungumzo. Nikasema, "Basi ninukulie Yohana 5:14." Hakuthubutu kabisa. Nikasema, "Basi Yakobo 5:14" Hakuthubutu. Nikasema, "Je! unajua Yohana 3:16?" Unaona? Maarifa, werevu, ulimwengu! Lakini wakati . . .

¹⁹⁵ Akasema, "Lakini, Bw. Branham, unajaribu kuamua kesi hii kwa Biblia. Sisi tuniamua kwa sheria za nchi."

¹⁹⁶ Nikasema, "Bwana, je! hivi sheria za nchi hazikuwekwa msingi wake juu ya Biblia? Ndipo ikawa ni haki." Amina! Hakika.

¹⁹⁷ Maarifa; si ya ulimwengu. Maafira ya kiroho ya Neno, kujuu yale Mungu aliposema, kufanya yale Mungu aliyo sema, hiyo ni kweli. Basi ukiwa na hiyo na unaweza kuamini mambo yote haya, ya kwamba, Yeye ni ye ye yule katika mambo yote haya Neno linasema ni kweli, unaitikia kila neno kwa "amina". Ni sawa. Ongeza hayo kwenye imani yako. Hilo ni sawa. Naam.

¹⁹⁸ Kama mtu fulani akijaribu kukwambia, ya kwamba, "Biblia imepoteza nguvu zake. Hakuna kitu kama ubatizo wa Roho Mtakatifu." A-ha. Usitie hilo. Halitafaa kitu. Litaanguka. Ni kama kuweka udongo wa mfinyazi juu ya mwamba, hautasimama. Utameng'enyuka.

¹⁹⁹ Tena watu wanakwambia, "Biblia haiaminiki siku hizi. Kuwa mwangalifu sasa. Usikubali kuamini jambo hilo. Haliwezi kuwa kweli." Mmesikia hayo wakati wote. Misemo midogo,

“Biblia haiaminiki.” Vema, kama—kama una jambo hilo mawazoni mwako, usi—usijaribu kulitia, maana halitafaa kitu. Jengo lote zima litaanguka papo hapo.

²⁰⁰ Halina budi kuunganishwa na Roho Mtakatifu. Ninamaanisha kushikamanishwa, mota inayoishikamanisha. Na kitu kile kile kinachoishikamanisha... Unajua jinsi...

²⁰¹ Tyubu iliyoitiwa kiraka cha kuchomelewa sikuzote inadumu muda mrefu kuliko kiraka cha kale kilichoshikamanishwa. Joto kidogo hushikamanisha kiraka cha kale kwenye tairi, muda si muda unajua, hebu ipate joto kidogo hiyo tairi, ikimbie mbio kidogo zaidi, basi nayo itayeyuka. Naam, bwana. Unaona?

²⁰² Na hiyo ndiyo shida ya watu wengi siku hizi. Wanajaribu kushikamanisha maarifa yao kwenye maarifa ya ulimwengu, kwa gundi kidogo ya siku nyingi ya kilimwengu, na, majoribu yanapokuja, “Vema, labda nilikuwa nimekosea.” Unaona? Ndipo upepo unatoka, unatolewa upepo katika dakika chache. Kupaza sauti kwako kote na kurukaruka hakukusaidia hata kidogo. Watu wanakuona umerudi moja kwa moja katika matope yale yale tena. Unaona? Hiyo ni kweli.

²⁰³ Lakini kama ukikaa pale ukiwa na joto la kutosha la Roho Mtakatifu, mpaka ikufanye wewe na ile tyubu mmoja. Hilo ndilo jambo lenyewe. Wewe na tyubu mnakuwa mmoja. Wakati utakapokaa hapo mpaka wewe na kila ahadi ya Mungu mnakuwa mmoja, basi tia hayo katika imani yako. Vinginevyo, usitie kitu cho chote.

Unasema, “Neno haliaminiki.” Usijaribu kutia jambo hilo.

²⁰⁴ Unasema, “Ahadi zilizomo humu, za ubatizo wa Roho Mtaktifu, zilikusudiwa tu kwa wale mitume kumi na wawili,” kama vile baadhi ya makanisa yanavyosema siku hizi, usijaribu kutia hiyo. Hapo ndipo msingi wao ulipo, umebomokabomoka. Unaona? Kama vile Uzia alivyokuwa, jana usiku, wakati alipoona msingi wa mtu huyu ambaye alimwamini, umevunjika kabisa kabisa, amepigwa na ukoma, haukuafa kitu. Sasa, “Ni kwa wale mitume kumi na wawili tu, ni wale mitume kumi na wawili tu.”

²⁰⁵ Nilikuwa kule kwa Ndugu Wright... Nadhani wamerudi kule mahali fulani. Usiku mmoja, kulikuwa na mhudumu kule, nilikuwa nikizungumzia, wahubiri wanenama watano pamoja. Mhubiri huyu alisimama na kusema, “Sasa, ninataka kuwaambia enyi watu wapendwa jambo fulani. Loo, nafikiri ninyi ni watu wazuri.”

²⁰⁶ Nilisema, nilimwambia mtu fulani, nikasema, “Huyo—huyo ndiye yule anayeketi pale. Angalia.”

²⁰⁷ Kwa hiyo, Junior Jackson, kule nyuma, ndiyo kwanza amalize kuzungumza. Naye akasema... alikuwa akihubiri juu ya neema ya Mungu. Loo, jamani!

²⁰⁸ Alikuwa akiwaka, akingojea. Akafika pale na alikuwa anajaribu kufahamu. “Sasa, ninataka kusema ya kwamba Bw. Branham hapa, ninawaambia, ni mpinga Kristo.” Naye akaanza namna hiyo, usiku kucha.

²⁰⁹ Baadhi ya wahubiri wakaanza... Nikasema, “Ngojeni kidogo. Sasa, msiseme kitu, ndugu. Yeye ni mmoja tu nasi tu wengi.” Nikasema, “Mwacheni tu sasa. Ameniingilia.” Nilipenda jambo hilo, mimi mwenyewe, sana, sikuju la kufanya. Unaona?

²¹⁰ Kwa hiyo, akasema, “Bw. Branham ni mpinga Kristo,” na akaendelea akisema kila kitu wajua, karibu kila kitu. Akasema, “Akagusia pale, ‘Ubatizo wa Roho Mtakatifu.’” Kasema, “Biblia ilisema kulikuwa na kumi na wawili tu waliopata ubatizo wa Roho Mtakatifu.” Akizungumza juu ya kuponya Kiungu, “Wale mitume kumi na wawili tu ndio waliokuwa na uponyaji wa Kiungu.” Akasema, “Tunazungumza mahali Biblia inapozungumza, na kunyamaza mahali Biblia inaponyamaza.” Nilingojea mpaka alipopayukapayuka pale kwa karibu nusu saa.

²¹¹ Nikasema, “Hebu kidogo. Nimeandika mengi sana hapa,” nikasema, “nipe nafasi nijibu baadhi yake.” Na niliposimama, nikasema, “Huyu bwana, yeye alisema ya kwamba alinena ‘mahali ambapo Biblia ilinena,’ kanisa lake lilifanya hivyo, ‘na kunyamaza ambapo Biblia ilinyamaza.’ Nyote ninyi ni mashahidi. ‘Naam.’” Nikasema, “Sasa, yeye alisema ‘Ni kumi na wawili tu waliompokea Roho Mtakatifu.’ Biblia yangu ilisema kulikuwa na mia moja na ishirini, risasi ya kwanza.” Amina! Tupilia mbali maarifa ya namna hiyo, unaona, aliyokuwa akijaribu.

²¹² Nikasema, “Basi nafikiri Paulo hakumpokea Roho Mtakatifu wakati aliposema alimpokea.” Unaona?

²¹³ Nikasema, “Kule ninii... Wakati Filipo aliposhuka akaenda kule na kuwhubiria Wasamaria. Walikuwa wamebatizwa katika Jina la Yesu. Ila tu, Roho Mtakatifu hakuwa amewashukia. Ndipo wakatuma na kuwaleta Petro na Yohana, wakafika kule wakaweka mikono yao juu yao, ndipo Roho Mtakatifu akawashukia. Nadhani hao walikuwa ni wale kumi na wawili peke yao?”

²¹⁴ Nikasema, “Katika Matendo 10:49, wakati Petro alipokuwa juu ya nyumba, naye alikuwa ameoona ono kwamba wanaenda kwa Cornelio. Wakati Petro alipokuwa bado akisema maneno haya, Roho Mtakatifu akawashukia waliolisikia lile Neno.” Nikasema, “Biblia ingali inanena. Kanisa lako liko wapi?” Liko kule nyuma kwenye huenda-ikawa. Hiyo ni kweli. Unaona?

²¹⁵ Nikasema, “Uponyaji wa Kiungu, wewe ulisema, ‘Ni wale mitume kumi na wawili ndio peke yao waliokuwa na uponyaji wa Kiungu.’ Biblia ilisema ya kwamba Stefano alishuka akaenda huko Samaria na akatoa pepo na kuwaponya wagonjwa, na

kulikuwako na furaha kuu katika mji huo. Wala ye ye hakuwa mmoja wa wale kumi na wawili. Hakuwa mtume. Alikuwa ni shemasi.” Amina. Amina.

²¹⁶ Nikasema, “Wala Paulo hakuwa mmoja wa wale kumi na wawili waliokuwa kwenye kile chumba cha juu, na alikuwa na kipawa cha uponyaji.”

²¹⁷ Nikasema, “Hebu angalia karama za uponyaji! Na kuendelea moja kwa moja, miaka thelathini baadaye, alikuwa angali kwa Wakorintho, akiweka karama ya uponyaji katika Mwili wa Kristo.” Loo, jamani!

²¹⁸ Sasa, maarifa ya namna hiyo ambayo unasoma kutoka katika kitabu fulani, afadhali uyatupe kwenye pipa la takataka. Njoo kwenye maarifa haya. Mungu aliposema, “Ni ye ye yule jana, leo, na hata milele,” unasema, “Amina.” Naam, bwana. Naam, bwana. Si kwa wale kumi na wawili; ni kwa wote. Unapopata i-imani ya namna hiyo, wakati imani yako inapokiitikia, kila kipengele, kwa “amina,” ndipo unasema, “Vema,” tia hiyo kwake.

²¹⁹ La nne. Itatupasa kuharakisha, kwa maana mimi ni ninii tu...Unajisikia vizuri sana kusimama hapa na kuzungumza juu ya jambo hilo. Amina. [Ndugu fulani anasema, “Tunafurahia.”—Mh.] Naam. La nne...Asante.

²²⁰ Tia “kiasi.” Loo, jamani! Tumefikia kwenye kiasi. Sasa, umekuwa na imani, kwanza; huna budi kuwa na hiyo, kwanza. Ndipo utie nguvu kwenye imani yako, kama ni aina sahihi ya nguvu. Kisha utie maarifa, kama ni maarifa ya kweli. Sasa unaenda kutia kiasi.

²²¹ Wala kiasi hakimaanishi, “kuacha kunywa pombe,” hapa. La, la. Kiasi hakimaanishi kwamba tiba ya pombe, si katika suala hili. Hiki ni kiasi cha Biblia, kiasi cha Roho Mtakatifu. Hiyo ni moja tu ya tamaa za mwili, lakini tunazungumza juu ya kiasi cha Roho Mtakatifu. Hilo linamaanisha, jinsi ya kutawala ulimi wako, si kuwa mpiga domo; jinsi ya kuzuua hasira yako, si kuhamaki kila wakati mtu anakuudhi. Loo, jamani!

²²² Jamani, wengi wetu wataanguka kabla hatujaanza, sivyo? Unaona? Ndipo tunashangaa ni kwa nini Mungu hayuko katika Kanisa Lake, akifanya miujiza na mambo waliokuwa wakifanya. Naam, bwana. Unaona?

²²³ Tia na vitu hivi. Tia kiasi katika hayo. Loo, kiasi, jinsi ya kujibu kwa upendo wakati mtu anapokufokea maneno ya hasira. Mtu fulani anasema, “Enyi kundi la watakatifu wanaojifingirisha huko!” Usiruke na kukunja shati sasa. Unaona? Sio hivyo. Bali ongea kwa upendo wa kiungu, kiasi, upole. Je! hivyo ndivyo mnavyotaka kuwa? [Kusanyiko linasema, “Amina.”—Mh.] Unapogadhabishwa, usijibu kwa ghadhabu. Hebu Yeye na awe ndiye mfano wako.

²²⁴ Wakati waliposema, “Kama wewe ni Mwana wa Mungu, geuza mawe haya yawe mkate,” Yeye angeweza kuyageuza, na kuonesha alikuwa ni Mungu. Lakini alikuwa na kiasi. Walipomwita Yeye, “Beelzebuli,” Yeye alisema, “Nitawasamehe kwa kuniita hivyo.” Hiyo ni kweli? Walimng’oa vigaja kadha vya ndevu kutoka usoni Mwake, na wakamtemea mate usoni, na kusema, “Shuka msalabani!”

²²⁵ Akasema, “Baba, wasamehe. Hata hawajui watendalo.”

²²⁶ Wakati, Yeye alikuwa na kipawa, alijua mambo yote, kwa kuwa ndani Yake ulikuwamo na utimilifu wote wa Mungu kimwili. Walikuwa wamemwona akifanya mijiza, kwa kuwaambia watu shida yao ilikuwa ni nini, na kadhalika namna hiyo. Walimfunga tambara kichwani namna hiyo, wakamfunga tambara machoni, na kumpiga kichwani kwa fimbo, na kusema, “Tabiri, hebu tuambie ni nani aliyekupiga. Tutakuamini.” Unaona? Yeye alikuwa na kiasi.

²²⁷ Sasa, kama unacho namna hiyo, kitie katika imani yako. Kama ungali unashikwa na hasira na kuzozana, kugombana, kushikwa na hamaki, na kupiga makelele, a-ha, huna ninii... Huwezi kutia hayo, kwa kuwa haiwezekani. Unaona? Havichanganyikani. Huwezi kuchukua kipande cha mpira, unajua, na kukichanganya na kipande cha chuma. Haitawezekana kabisa. La, kinapasa kinyumbuke, kama vile kabisa mpira ulivyo. Unaona? Na wakati imani yako na kiasi chako kinapokuwa aina ile ile ya kiasi cha Roho Mtakatifu ambayo Yeye alikuwa nacho, basi kitaunganika Naye. Unatiwa kwake.

Wakati nguvu zako ni kama nguvu Zake, basi utaingia ndani yake.

²²⁸ Wakati maarifa yako ni kama maarifa Yake, “Nimekuja kufanya mapenzi Yako, Ee Mungu.” Unaona? Akiwa na Neno la Baba, Yeye alishinda kila pepo. Mbingu na nchi zitapita, bali Neno halitapita. Unaona? Unapokuwa na maarifa ya aina hiyo, yatashikamana na imani yako.

²²⁹ Unapokuwa na kiasi halisi cha kweli, kama alichokuwa nacho Yeye, kitashikamana. Kama huna, ni imani nusu-nusu tu ya kujitengenezea, iliyochanganyikana, ama kiasi, “Loo, nilipaswa kumpiga kofi, lakini—lakin labda afadhali nisimpige, maana huenda wakaandika jina langu kwenye gazeti juu ya jambo hilo.” Hicho si kiasi cha aina hiyo anachonena habari zake. Usijaribu kuongeza hicho. Hakitafaa kitu. Lakini wakati unapoweza kabisa, kwa upole utokao moyoni mwako, kumsamehe kila mtu, unatulia, unaachilia lipite, unaona, ndipo basi vitaungana. Unaweza kutia hiyo katika imani yako. Whiu!

²³⁰ Si ajabu kanisa limepungukiwa sana. Sivyo? Si ajabu. Ningesema, “Tubuni mkabatizwe, Biblia ilisema, katika Jina la Yesu Kristo.” Na mtu wa Utatu kabisa haamini jambo hilo,

anasema, "Maskini mpinga Kristo huyo wa kale. Yeye ni wa Jina la Yesu. Yeye ni wa Yesu Pekee." Kaa chonjo, jamani, sijui habari za kiasi chako sasa hivi. Unaona? Mbona usije, useme, "Hebu na tushauriane jambo hili pamoja, Ndugu Branham. Ningetaka kusikia jambo Hili likielezwa"? Unaona? Basi shuka uje ukasikilize. Halafu linawekwa wazi wazi mbele zako, na basi unaondoka unaenda zako; tuta—tutafikia jambo hilo mnamo dakika chache tu, katika "utauwa," unaona. Lakini wakati unaninii—unaposhikwa na hasira, unataka kuamua mambo upesi, a-ha, hilo—hilo silo. Unaona? Huna kiasi cha Biblia bado unapofanya jambo hilo; jinsi ya kujibu. Basi ukiwa una haya yote, unaweza kutia haya katika imani yako.

²³¹ Halafu, baada ya jambo hilo, la nne, unataka kutia saburi katika imani yako. Kama una imani, "inaleta saburi," Biblia ilisema. Unaona? Kwa hiyo, *hii* ni saburi. Sasa, hicho ndicho kitu kingine kitakachojenga kimo hiki. Unajua, Mungu ana vifaa halisi katika jengo Lake.

²³² Unaona jinsi tumepungukiwa, ndugu, dada? Unaona? Unaona ni kwa nini, mahali tulipo? Naam, bwana. Unaona? Tuna utukufu, tuna kupaza sauti na kadhalika, kwa maana tuna imani. Lakini tunapofikia mambo haya *hapa*, Mungu hawezi kutujenga tufikie kimo hicho. Unaona? Hawezi. Hawezi kutuumba tufikie mahali pa namna hiyo. Tuna mambo haya mengine yote. Tuna anguka, tunateleza nayo. Unaona? Yeye hawezi kulijenga Kanisa Lake.

²³³ Saburi na kitu gani? Saburi ya namna gani? Jambo la kwanza, mtu awe amekuwa na saburi na Mungu. Kama una imani halisi, ya kweli, utakuwa na saburi halisi na ya kweli, kwa maana imani huleta saburi. Mungu anaposema jambo lo lote, wewe liamini. Hivyo tu. Una saburi.

²³⁴ Unasema, "Vema, nilimwomba jana usiku aniponye, nami ningali mgonjwa tu vile vile asubuhi ya leo." Loo, jamani! Ni saburi ya namna gani?

²³⁵ Mungu alimwambia Ibrahimu, na miaka ishirini na mitano baadaye hapakuwa hata na dalili moja. Yeye alikuwa angali anaamini. Alikuwa na saburi na Mungu. A-ha.

²³⁶ Mweke sikuzote mbele zako. Hebu Yeye na awe ndiye kitu kingine cha kuvuka. Huwezi kumvuka Yeye, kwa hiyo dumu kumweke tu mbele zako. "Yeye alisema jambo hilo, na litatimia." Unaona? Mweke daima mbele zako. Hiyo ni kweli.

²³⁷ Nuhu alikuwa na saburi. Naam. Nuhu alikuwa na saburi halisi ya kiungu. Mungu alisema, "Nitauangamiza ulimwengu huu kwa mvua," naye Nuhu akahubiri miaka mia moja na ishirini, hata hivyo. Saburi nydingi. Hata umande haukushuka kutoka Mbinguni. Hakukuwa na kitu. Kulikuwa na mavumbi tu kama ilivyowahi kuwa, kwa miaka mia moja na ishirini, bali yeye alikuwa na saburi.

Halafu, Mungu huijaribu saburi yako. Hiyo ni kweli. Mungu huzijaribu.

²³⁸ Baada ya Yeye kumwambia Nuhu, sasa alisema, “Nuhu, ninataka uendelee uingie katika safina. Nitawaingiza wanyama humo ndani, nami ni—ninataka wewe uingie ndani. Panda huko ghorofani juu, sasa, kusudi upate kuangalia nje, dirisha la juu. Sasa, ninataka wewe uingie mle. Ninataka uwaambie watu hawa, ‘Kesho, yale nilivyokuwa nikihubiri kwa miaka mia moja na ishirini, yatatukia.’ Vema, shuka uende kule ukawaambie.”

²³⁹ Ishara ya kwanza ilikuwa ni nini? Nuhu aliingia katika safina. Hakukuwa na mvua. Nuhu akajiweka tayari, akavaa kabuti ya mvua, na kila kitu, kusudi apate kuangalia nje, mara kwa mara. Akawa tayari. Lakini kesho yake . . .

²⁴⁰ Ninaamini huenda aliiambia familia yake, na wakaza wanawe na hao wote, akasema, “Loo, jamani! Kesho mtaona jambo fulani ambalo hamjapata kuliona. Kwa sababu, mbingu nzima, itakuwa nyeusi. Na ngurumo na radi zitatokea. Ule upanga mkubwa wa Mungu utapasua mbingu. Atalihukumu kundi hili la wenye dhambi ambalo halikutuamini, kwa miaka hii mia moja na ishirini. Ninyi angalieni tu muone.” Unaona?

²⁴¹ Baadhi ya wale waamini-nusu, unajua, wanaorandaranda huku wala kamwe hawaingii, unajua. M—mngali mnao, unajua. Basi wa—wakaja, wakasema, “Vema, huenda maskini yule mzee alikuwa anasema kweli, kwa hiyo tutaenda kule na tungoje siku chache, ama tungoje masaa machache asubuhi, basi tuone.”

²⁴² Kesho yake, badala ya wingu jeusi, hili hapa jua linachomoza kama lilivyofanya sikuzote. Nuhu akaangalia nje. Kasema, “Ala, hakuna wingu lo lote.”

²⁴³ Jamaa huyo akaja, akasema, “A-ha, mimi nilijua ulikuwa mmoja wao. Unaona, unarandaranda hapa karibu.”

²⁴⁴ “Vema, samahani, bwana. Ha-ha. Labda mi—mi—mimi ninaninii tu, wajua, ni ushabiki wangu tu, mwajua. Kwa namna fulani, unaona. Ha-ha-ha.”

²⁴⁵ Lakini, Nuhu, alikuwa na saburi. Kasema, “Kama haikuja leo, itakuwa ni hapo kesho.” Kwa nini? Mungu alisema hivyo.

“Yeye alikwambia jambo hilo siku gani, Nuhu?”

²⁴⁶ “Miaka mia moja na ishirini iliyopita. Nimekuja umbali huu, kwa hiyo ninangojea tu hapa sasa.” Unaona hilo? Baada ya kitambo kidogo . . .

²⁴⁷ Tunaona, Mungu alikuja umbali huu, akilingojea Kanisa, pia, bali litakuwako. Usijali. Yeye aliahidi jambo Hilo.

²⁴⁸ Tumeungojea uufuuo wa wafu kwa muda huu wote. Utakuwako. Usijali. Mungu ameuahidi. Wewe ngojea tu kwa saburi. Ukilala mauti, hilo halitaninii . . . Huenda ukalala na usingizi mdogo kabla jambo hilo halijatukia, bali utaamka

wakati huo. Yeye aliahidi jambo hilo, unaona. Usingizi, unaona, kile tunachoita usingizi wa mauti, unajua. Tunachokita mauti, usingizi mdogo tu, ama kulala mauti katika Kristo. Hakuna kitu kama kufa katika Kristo. Uzima na mauti haviishi pamoja. Unaona? Tunalala tu kidogo, usingizi mdogo ambao marafiki zetu hawawezi kutuamsha. Yeye tu Ndiye anayeweza kutuita. “Ataita, nami nitamjibu,” alisema Ayubu. Ayubu amekuwa usingizini sasa kwa miaka elfu nne. Usijali. Ata—ataamka. Usijali. Angali anangoja.

²⁴⁹ Nuhu alingoja. Siku ya nne ikapita. Hakuna mvua. Ni sawa. Itatukia.

²⁵⁰ Ninaweza kumsikia Mke wa Nuhu akija na kusema, “Baba, una haki- . . . ?

“Usizingumze namna hiyo.”

²⁵¹ Alikuwa na saburi, maana alikuwa na imani. Naam, bwana. Alikuwa na nguvu. Alikuwa na maarifa ya kwamba Mungu alikuwa mkweli. Alikuwa na kiasi. Hakushikwa na hamaki, aseme, “Vema, sijui maana ya haya yote. Nimepoteza kupendwa kwangu kote na watu wote hao huko.” La, la. “Watu hawanijali tena. Nitaondoka niende huko na kuanza tena, upya tena.” La, la. Alikuwa na saburi. Mungu aliahidi. Mungu atafanya jambo hilo. Mungu atalifanya, maana Mungu alisema hivyo.

²⁵² Nami ninaweza kuona mwanawe akija, akisema, “Baba, unajua . . .” Akalaza kwa mkono mvi zake ndefu, unajua. Naye alikuwa na umri wa mamia ya miaka, mwajua, ameketi pale. Kasema, “Ninajua wewe ni mzee wetu. Ni—ninakupenda, baba. Lakini je! ingwezekana kwamba ungeweza kuwa umekosea kidogo?”

“Loo, la. La.”

“Kwa nini?”

“Mungu amenena hayo!”

²⁵³ “Vema, baba, hizi ni siku sita ambapo tumeketi hapa. Tumeketi hapa katika safina hii kubwa, ya kale iliyokauka tumeketi papa hapa. Na imetiwa lami kila mahali, ndani na nje. Nasi tumekuwa tukijenga kwa miaka hii yote. Nawe ulisimama kule nje na kuhubiri, mpaka ukapata mvi na ukatoka upara. Na ndio wewe uko hapa sasa, ukijaribu kusema kitu *fulani*. Na watu wanacheka, na wanakutupia nyanya zilizooza na kadhalika kando yake. Ona basi hayo unayofanya. Mbona, unajua . . .”

“Uwe na saburi, mwanangu.”

“Una hakika?”

“Itanyesha!”

Mkaza mwanae akasema, “Baba, unajua . . .”

“Itanyesha!”

²⁵⁴ “Lakini tumekuwa miaka hii yote, tukingojea. Tumekuwa tukijitayarisha. Nawe ulitwambia itanyesha, juma moja lililopita. Nasi tuko hapa ndani, na milango yote imefungwa, nasi tuko hapa ndani tukitembea tembea ndani hapa, na juu likichoma moja kwa moja kama kawaida.”

“Lakini itanyesha!”

“Unajuaaje?”

“Mungua alisema hivyo!”

²⁵⁵ Sasa tukiwa namna hiyo, tuitie. Lakini kama huko hivyo, usi—usijaribu kuitia. Haitafaa kitu. Haitafaa katika kuponya. Haitafanya kazi katika cho chote kile. Unaona? Haina budi kushikamana na kitu kile kile ilichochanganywa nacho. Hiyo ni kweli. Huna budi kuitia. Saburi na ahadi ya Mungu. Naam, bwana. Nuhu aliamini jambo hilo. Naye alikuwa na saburi na Mungu, miaka mia moja na ishirini.

²⁵⁶ Musa, alikuwa na saburi na Mungu. Naam, bwana. “Musa, nimesikia kilio cha watu Wangu. Nimeona mateso yao. Ninashuka kuja kuwaokoa. Nitakutuma huko.”

²⁵⁷ Na tofauti ndogo pale kati yake na Mungu, na Mungu akamwonesha utukufu Wake. Kasema, “Sasa naenda.” Mara alipoona utukufu wa Mungu, unaona, akapata imani.

Kasema, “Ni nini hiyo uliyo nayo mkononi mwako, Musa?”

Akasema, “Fimbo.”

Akasema, “Itupe chini.”

Ikageuka kuwa nyoka. Akasema, “Loo, jamani!”
Akaanza . . .

²⁵⁸ Akasema, “Ichukue, Musa. Kama ninaweza kuigeuza kuwa Nyoka, ninaweza kugeuza tena.”

²⁵⁹ A-ha! [Ndugu Branham anapiga makofi mara tatu—Mh.] Amina! Kama Mungu anaweza kunipa uhai wa kawaida, Yeye anaweza kunipa Uzima wa kiroho! Kama Mungu aliweza kunipa kuzaliwa kwa kwanza, angeweza kunipa Kuzaliwa mara ya pili! Amina! Kama Mungu aliweza kuuponya *huu*, kwa kuponya Kiungu, anaweza kuuinua tena kwa ajili ya utukufu Wake, katika siku ya mwisho. Hiyo ni kweli.

²⁶⁰ “Ninaweza kutupa kijiti hiki chini na kukigeuza kuwa nyoka. Ninaweza kuigeuza tena ikawa fimbo. Ishike mkia.”

²⁶¹ Musa akanyosha mkono akaishika. Hiyo hapo, fimbo. Anaanza kuongeza maarifa basi. Unaona?

“Mkono wako una nini, sasa, Musa?”

“Hakuna.”

“Uweke Kifuani pako.”

²⁶² “Vema. Vipi kuhusu . . .” Mweupe kwa ukoma. “Ee Bwana, angalia mkono wangu!”

“Urudishe kifuani pako, Musa.”

²⁶³ Akaaurudisha namna *hiyo*, ukageuka tu kama... Akaanza kuitia namna *hii*, basi, unaona. Naam, bwana.

²⁶⁴ Akashuka akaenda kule. Na tofauti ya kwanza... Akashuka akaenda kule. Akatoka kule na kusema, “Bwana Mungu alisema, ‘Waachilie watu Wangu waende.’ Farao, ninataka ujue jambo hili. Nimekuja kama mwakilishi wa Mungu. Huna budi kunitii.”

²⁶⁵ Farao akasema, “Ati kukutii? Je! unaniju mimi ni nani? Mimi ni Farao. Ati nikutii wewe, mtumwa?”

²⁶⁶ Kasema, “Utanitii, ama uangamie. Utafanya lo lote utakalo.” Kwa nini? Yeye alijua alichokuwa anazungumzia. Alikuwa na agizo. Alikuwa huko. Alinena na Mungu. Alikuwa na imani. Alijua mahali alipokuwa.

“Ati unataka nikutii? Ondoka hapa!”

“Nitakuonesha.”

“Nioneshe ishara.”

Akatupa fimbo chini; ikageuka ikawa nyoka.

²⁶⁷ “Mbona,” akasema, “hicho kiinimacho chako rahisi cha uchawi! Njoo hapa kwa dakika moja. Njoo hapa, Yane, wewe na Yambre, tupeni fimbo zenu chini.” Wakazitupa chini, nazo zikageuka zikawa nyoka.

²⁶⁸ Kasema, “Sasa, ewe kiinimacho duni, umeshuka ukaja hapa kwangu mimi, Mmisri, farao wa Misri. Nawe umekuja hapa na kiinimacho chako duni, mizaha yako,” unajua, kusoma mawazo. Mnajua ninachomaanisha. Ninatumaini mnaelewa hilo. “Telepathia ama cho chote kile, unaona, naam, unashuka unakuja hapa na hayo.” Kasema, “Vema, tunaweza kufanya jambo lile lile unalofanya.”

²⁶⁹ Musa alikuwa nini? Yeye hakusema, “Loo, Bw. Farao, na—nasikitika, bwana. Nitakuwa mtumwa wako.” La, bwana.

²⁷⁰ Yeye alisimama kimya. Amina. Akakaa papo hapo tu. Mungu alisema, hakukuwa na shaka kabisa moyoni mwake, “Nyamazeni. Nitawaonesha jambo fulani.” Ukiisha kutimiza kabisa yale Yeye aliyosema ufanye, inaonekana kama kwamba mambo yameenda mrاما, simama kimya, uwe na subira.

²⁷¹ Musa alisema, “Unajua, nilipowekwa kwenye msingi huo, kulikuwa na saburi iliyowekwa juu pale, kwa hiyo nitangoja tu na nione kile Mungu atakachofanya.”

²⁷² Hao hapo wale nyoka wa zamani, wakitambaa kote, wakipigiana mluzi, wakipuliziana wao kwa wao. Muda si muda unajua, Nyoka wa Musa akafanya, “Ng’au, ng’au, ng’au,” na kuwameza wote. Alikuwa na saburi.

Wao wamnganjeao Bwana, watapata nguvu
mpya,
Watapanda juu kwa mbawa kama tai.

Hiyo ni kweli? [Kusanyiko linasema, “Amina.”—Mh.] Unaona? Naam.

Watapiga mbio wala hawatachoka,
watakwenda kwa miguu wala hawatazimia.

Unaona, mngojeeni tu Bwana. Iweni na saburi. Unaona?
Naam, bwana.

²⁷³ Ndipo Israeli walikuwa watolewe. Zile tofauti kuu zikaja,
naye Musa akangojea.

²⁷⁴ Ndipo akaingia jangwani. Ni safari tu ya siku kama tatu ama
nne. Ni maili arobaini tu kutoka mahali alipovuka pale, ni pale
pale ng’ambo ya mahali walipovuka tena. Lakini, Musa, huko
jangwani, alingojea miaka arobaini. Saburi. [Ndugu Branham
anacheka—Mh.] Amina. Hiyo ni kweli. Alingojea miaka arobaini.
Loo! Naam, bwana.

²⁷⁵ Nasi tunapaswa kuwa na saburi mmoja kwa mwингine, pia.
Unaona? Wakati mmoja... Tunakosa—tunakosa saburi sana sisi
kwa sisi. Tunafikiri inatubidi kuwa kama Musa. Musa alikuwa
na saburi na watu. Angalia, hicho ndicho kilichosababisha
wasivuke. Unaona? Kama unajaribu kufanya jambo fulani...

²⁷⁶ Kama vile ambavyo, nilijaribu kuwapa maskani hii Ujumbe
huu, nione kwamba kila mshiriki wa maskani hii amefikia *Hiki*.
Ni vigumu kufanya jambo hilo. Nimejaribu kuwa na saburi;
hii ni miaka thelathini na mitatu. Mnaona? Uwe na saburi.
Wanawake wangali wanakata nywele zao, wangali wako tu vile
vile. Lakini iweni tu na saburi. Unaona? Uweni tu na saburi.
Ngojea. Yakubidi kungoja. Kama hunayo, usijaribu kujenga juu
ya huu *hapa*. Uwe na saburi.

²⁷⁷ Hata wakati mmoja, wakati kundi lile la waasi lilipokosa
saburi kabisa, walimfanya Musa afanye jambo bayo. Lakini,
hata hivyo, wakati ilipofikia kwenye hatua ya kudhihirisha
mambo, Mungu alichoshwa na matendo yao. Akasema, “Jitenge,
Musa. Nitaua kundi hilo lote, na kuanza upya.”

²⁷⁸ Akajitupa kwenye pengo, na kusema, “Mungu, usifanye
jambo hilo.” Ati nini? Saburi na watu waliokuwa wakimwasi.

²⁷⁹ Sijui kama tungeweza kufanya jambo hilo? Kama huwezi,
usijaribu kujenga juu ya *huu*, maana hau—haubadiliki, unajua.
Hivyo ndivyo la kwanza lilivyochanganywa katika *hili*, na hivyo
ndivyo inavyompasa kila mmoja wao kuchanganywa. Kama
huninii, hufikii kimo hicho cha makao ya Mungu aliye hai, kama
huna saburi, saburi, mmoja kwa mwингine. Vema.

²⁸⁰ Wale wana wa Kiebrania walikuwa na saburi. Ni kweli,
walikuwa nayo. Mungu alikuwa amewaaahidi, akawaambia,
“Msisujudu sanamu yo yote.” Lakini walikuwa na saburi.
Kasema, “Mungu wetu anaweza. Lakini, hata hivyo,
hatuisujidii sanamu yako.” Saburi, wakijua jambo hili, ya
kwamba Mungu atamfufua katika siku ya mwisho tena.

²⁸¹ Maisha haya hayana thamani sana, hata hivyo. Unaona? Mungu atakufufua tena katika siku za mwisho. Lakini ikifikia kusujudia sanamu, hatutaisujudia. Sasa, tutampa Kaisari yaliyo ya Kaisari, lakini, ikifikia ambapo Kaisari anamwingilia Mungu, Mungu ni wa kwanza.

²⁸² “Mungu akasema, ‘Msiisujudie sanamu hiyo,’ nami sitaisujudia. Mungu wetu anaweza kutukomboa. Kama hatukomboi, sitaisujudia sanamu hiyo.”

Kasema, “Vema, ile pale tanuru.”

²⁸³ “Vema,” akasema, “loo, nafikiri, itanyesha sana usiku wa leo na kuizima.” Bali haikunyesha. Bado wana saburi.

²⁸⁴ Kesho yake asubuhi, walipoletwa mbele ya mahakama, huyo hapo Nebkadreza ameketi. Akasema, “Vema, vijana, mko tayari kunikumbuka kama mfalme wenu?”

“Bila shaka. Uishi milele, Ee Mfalme.”

“Sasa sujudieni sanamu yangu.”

“Loo, hapana.”

²⁸⁵ “Vema, mtachomwa moto. Ninyi ni watu wenye hekima. Mna akili. Mmektewa msaada mkubwa kwetu. Mmektewa baraka kwa ufalme wetu. Hivi hamwezi kuelewa mimi sitaki kufanya jambo hili? Lakini nimetao tangazo hapa, na halina budi kutimizwa. Sitaki kuwatupa mle ndani. Loo, enyi watu, hivi kuna nini?”

²⁸⁶ “Najua jambo hilo linasikika sawa. Lakini, Mungu wetu anaweza kutukomboa. Lakini hata hivyo...” Walikuwa na saburi.

²⁸⁷ Wakaanza kupanda ngazi. Wakaangaliana. “Ni sawa. Sawa.” Wana saburi. Wakapiga hatua moja, Mungu hakuwako. Hatua mbili, Yeye hakuwako. Hatua tatu, hatua nne, hatua tano, wakaendelea tu kusonga mbele, angali hakuwako. Ndipo akaingia moja kwa moja kwenye tanuru ya moto. Walikuwa na saburi. Lakini Yeye alikuwa yuko humo. Unaona? Moto wa kutosha tu uliwagusa, kuunguza kamba kutoka mikononi mwao na miguuni mwao. Na basi alipofika chini ya lile shimo, Yeye alikuwako. Unaona? Wao walikuwa na saburi.

²⁸⁸ Danieli ni vile vile. Danieli alikuwa na saburi. Hakika. Hangesalimu amri. La, bwana. Yeye alifanya nini? Alifungua hayo madirisha na kuomba, hata hivyo. Ilikuwa ni matakwa ya Mungu. Alikuwa na saburi. Alimngojea Mungu, akijua Mungu alikuwa anaweza kutimiza Neno Lake. Wakamtupa kwenye tundu la simba, wakasema, “Tutawaacha simba wawale.”

²⁸⁹ Akasema, “Hiyo ni sawa.” Alikuwa na saburi. Kwa nini? “Vema, nimemngoeja Mungu wakati wote huu. Kama itanibidi kungojea miaka mingine elfu moja zaidi, nitafufuka tena katika siku ya mwisho. Kwa hiyo, alikuwa na saburi, akangoja.”

²⁹⁰ Paulo alikuwa na saburi. Bila shaka alikuwa nayo. Angalia yaliyompasa Paulo kufanya. Nena kuhusu saburi!

²⁹¹ Na Wapentekoste je? Mradi tu wana lile agizo, “Ngojeni hata,” unaona, “ngojeni mpaka mtakapopata Nguvu.” Kwa muda gani? Hawakuwa na swali, itachukua muda gani? Walipata tu jibu, “Ngojeni hata.”

²⁹² Walipanda wakaenda kule na kusema, “Vema, jamani, labda dakika kumi na tano tangu sasa Roho Mtakatifu atashuka juu yetu nasi tutapokea huduma yetu.” Dakika kumi na tano zikapita, hakuna mtu. Siku moja ikapita, hakuna; mbili, tatu, nne, tano, sita, saba.

²⁹³ Baadhi yao huenda walisema, “Aisei, hivi hamdhani tayari tumempokea?”

“La, la, la, la.” Ndivyo ilivyo. La. Hiyo ni kweli.

²⁹⁴ “Afadhali tutoke, enyi jamani.” Ibilisi akasema, “M—m—mnajua mmepata kile mlichotaka tayari. Endeleeni, anzeni huduma yenu.”

²⁹⁵ “La, la, la. Hatujampata, bado. Kwa sababu, Yeye alisema, ‘Kutakuja, kile kitakachotukia katika siku za mwisho: Kwa midomo ya watu wageni na kwa lugha ngeni nitasema na watu hawa, na hii ndiyo ile Raha niliyosema,’ mnaona, Isaya 28:19.” Kasema, “Hii ni—hii Ndiyo, u—utampata wakati... Mbona, tutajua wakati atakapokuja. Tutajua wakati itakapotukia. Tutajua jambo hilo, ‘Ahadi ya Baba.’” Pale alingojea kwa siku tisa. Na ndipo katika siku ya kumi, “Tulikuwapo.” Walikuwa na saburi, kungoja.

²⁹⁶ Sasa, kama una saburi ya aina hiyo, Mungu akiisha kukupa ahadi na unaona katika Biblia, “Ni yangu,” basi ngoja. Basi, kama una saburi ya aina hiyo, itie katika imani yako. Basi unaona jinsi unavyopanda juu sasa? Unafikia hapa *juu* kabisa sasa. Vema. Mkono wa saa unazunguka uso mzima, pia, sivyo? Vema. Vema. Tia hii katika imani yako.

²⁹⁷ Daima ukimweka Yeye mbele zako, ukikumbuka, Yeye Ndiye aliyeahidi. Haikuwa ni mimi, niliyeahidi. Haikuwa ni mchungaji, aliyeahidi, Ndugu yetu Neville. Haikuwa ni mhudumu mwengine, aliyeahidi. Haikuwa ni kasisi fulani au papa. Haikuwa ni mtu ye yote duniani. Mungu ndiye aliyeahidi, na Mungu anaweza kutimiza kila kitu alichoahidi. Vema. Kama una aina hiyo ya imani, kujua ya kwamba Mungu aliahidi jambo hilo! Unasema, “Ndugu Branham, mimi ni mgonjwa. Ninahitaji uponyaji vibaya sana.” Ukubali. Ni karama uliyopewa, naam, bwana, kama unaweza kuamini. “Vema,” unasema, “ninaamini.” Basi sahau jambo hilo. Hivyo tu. Yote yamekwisha. Unaona?

²⁹⁸ Kuwa na saburi, kama una saburi. Kama huna, unaporomoka kutoka kwenye Jengo hili hapa, unaona. Litaangusha hayo mengine yote, jambo hilo moja. Huna budi

kuwa nayo. Usiliongezee, kwa sababu, litavunjavunja jengo lako kama huna saburi, kama huna nguvu za kuongeza kwenye imani yako unayosema unayo. Na kama huna imani yo yote, na unajaribu kuweka nguvu juu yake, itavunjilia mbali imani yako. Unaona? Unasema, "Vema, sasa, ngoja kidogo. Labda haya yote ni makosa, hata hivyo. Labda Mungu si Mungu. Labda hakuna Mungu." Unaona, itavunjilia kitu hicho katikati. Unaona?

²⁹⁹ Lakini kama una imani halisi, basi weka nguvu halisi juu yake, halafu maarifa halisi, halafu kiasi halisi, halafu saburi halisi. Unaona? Unapanda moja kwa moja juu kwenye njia sahihi. Vema.

³⁰⁰ Ya tano, tia utauwa. Loo, jamani! Kutia utauwa. Utawua maana yake ni nini? Niliangalia katika kamusi nne ama tano wala hata sikuweza kupata maana yake. Hatimaye, nilikuwa kule chini kwa Ndugu Jeffery, tukalipata katika—katika kamusi fulani. *Utawua* maana yake ni "kuwa kama Mungu." Loo, jamani! Baada ya wewe kupata imani, nguvu, maarifa, kiasi, saburi, basi uwe kama Mungu. Whiu!

³⁰¹ Unasema, "Siwezi kufanya hivyo, Ndugu Branham." Loo, naam, unaweza.

³⁰² Hebu niwasomee tu Maandiko machache hapa, kwa dakika moja. Mathayo 5:48. Tutachukua hili kisha tuone vile linavyosikika, Mathayo 5:48, na tuone kama unapaswa kuwa kama Mungu. Unajua Biblia inasema, "Ninyi ni miungu." Yesu alisema hivyo. Kwa nini? Nguvu zote, mambo yote yaliyo ndani ya Mungu, yamo ndani yako. Mathayo 5:48, "Iweni . . ." Yesu akinena, katika zile heri.

*Basi ninyi mtakuwa w-a-k-a-m-i-l-i-f-u, (Ni kitu gani
hicho?) wakamilifu kama Baba yenu wa mbinguni alivyo
mkamilifu.*

³⁰³ Umepanda sana juu *huku* sana, kabla hujaambiya kufanya jambo hilo. Mambo haya yote hayana budi kuongezwa kwanza. Ndipo utakapofika hapa juu, Yeye amekutaka sana uwe mkamilifu, utauwa, wana na binti za Mungu. Hiyo ni kweli. Ni mambo mangapi ningeweza kuyasema kwenye mwelekeo huo!

³⁰⁴ Hebu na tufungue Waefeso 4, na tuone hapa ni kitu gani, katika Kitabu cha Waefeso, kinasema kuhusu jambo hili, pia, kuhusu jinsi tunavyopaswa—jinsi tunavyopaswa kufanya. Waefeso, mlango wa 4, na tukianzia kwenye kifungu cha 12. Waefeso 4, tuanzie kifungu cha 12. Vema. Hebu na tuanzie hapa kwenye kifungu cha 11.

*Naye alitoa wengine kuwa mitume; na wengine kuwa
manabii; . . .*

³⁰⁵ Mnakumbuka jana usiku? Usijaribu kuchukua huduma ya mtu mwagine. Unaona?

...na wengine kuwa wainjilisti; na wengine kuwa wachungaji na waalimu;

³⁰⁶ “Kwa kukamilishwa kwa Mungu”? Je! inasomeka hivyo? [Kusanyiko linasema, “La.”—Mh.] Kukamilishwa kwa kitu gani? [“Watakatifu.”] Watakatifu ni akina nani? Wale waliotakaswa. Amina. Wale walioanza *hapa* chini.

...kuwakamilisha watakatifu, hata kazi ya huduma itendeke (huduma ya Yesu Kristo), *hata mwili wa Kristo ujengwe* (kwa kuhuisha, kuujenga, kuhuisha): mpaka . . .

Hata na sisi sote tutakapoufikia umoja wa imani na kumfahamu sana Mwana wa Mungu, hata kuwa mtu mkamilifu, hata kufika kwenye uhakikisho, (loo, jamani), hata kufikia kwenye cheo che kimo cha utimilifu wa Kristo:

³⁰⁷ “Ukamilifu,” inahitaji uungu. Inakupasa kuongeza kwenye imani yako, utauwa. Unaona, unaanzia *hapa* chini, nguvu. Kisha unaenda kwenye maarifa. Kisha unaenda kwenye kiasi. Ndipo unaenda kwenye saburi. Sasa uko kwenye utauwa. Utauwa! Loo, jamani! Muda wetu unakwisha. Hebu tuone. Lakini unajua utauwa ulimaanisha kitu gani. Mmeimba wimbo huu:

Kuwa kama Yesu, kuwa kama Yesu,
Duniani natamani kuwa kama Yeye;
Kote katika safari ya maisha kutoka duniani
hadi utukufuni
Ninaomba tu kuwa kama Yeye.

³⁰⁸ Huo ni utauwa. Alipopigwa kofi upande mmoja wa uso, aligeuza upande huo mwingine. Aliponewa vibaya, Yeye hakuongea. Hakughadhabikia mtu. Unaona? Utauwa, daima akitatufuta jambo moja, “Daima ninafanya lile linalompendeza Baba.” Unaona? Naam, bwana. Daima. Huo ni utauwa. Unaona?

³⁰⁹ Ukiisha kuja kutoka *hapa*, mpaka *hapa*, mpaka *hapa*, mpaka *hapa*, mpaka *hapa*, mpaka *hapa*, sasa unakuja kwenye kimo kikamilifu sasa cha Mwana wa Mungu. Lakini huna budi kuwa na *hii*, pamoja *haya* yote, wala hata huwezi kuanza mpaka umepata *hii*.

³¹⁰ Sasa kumbuka yule ndege mweusi mwenye manyoya ya tausi. Usimsahau. Unaona? Usijaribu kuongeza hilo mpaka umezaliwa mara ya pili kweli. Maana, wewe, haitafaa kitu, nawe—nawe huwezi kulifanya hilo lifanikiwe. Itafikia *hili* ama *hili* *hapa*, itaporomoka mahali fulani.

³¹¹ Lakini unaposhuka kwenda chini *hapa*, hua halisi aliyezaliwa mara ya pili, basi hutii cho chote. Inajitia kwako, unaona, inapanda, vema, ikifikia kwenye utimilifu sasa. Vema.

³¹² Halafu, la sita, hebu na tuongezee, Biblia ilisema *hapa*, kutia upendo wa ndugu . . . upendano wa ndugu. Sasa, hilo ni

jambo zuri sana, papa hapa, la sita, saba. Vema. Kuongezea upendano wa ndugu. Vema. Tutakapofikia jambo hilo, upendano wa ndugu, jiweke mwenyewe mahali pake, kwenye jambo hilo. Sasa unasema . . .

³¹³ “Ndugu yangu alinikosea,” Petro alisema. “Je! nimsamehe,” akasema, “mara saba kwa siku?”

Akasema, “Sabini mara saba.” Unaona?

³¹⁴ Upendano wa ndugu. Sasa, unaona, kama ndugu ameenda kombo kabisa, usikose kumvumilia. Unaona? La. Unaona? Uwe mwema kwake. Nenda, hata hivyo.

³¹⁵ Mtu fulani alisema, si muda mrefu uliopita, alisema, “Unawezaje kuamini mambo haya jinsi unavyoyaamini, na bado uende kwa Waassemblies, na Oneness, na hao wengine wote?” Weka, unaona, upendano wa ndugu. Unaona? Unaona? Ukitarajia, siku moja, unaona; ukimvumilia, unaona; mwenye kiasi, ukistahimili pamoja naye; maarifa, kufahamu yale anayoamini, kumbukeni, liko moyoni mwake, hivyo ndivyo ilivyo; nguvu, katika nafsi yako wewe mwenyewe, kuziachilia ziambatane na huruma, upole, kwake; ukiwa na imani ya kwamba siku moja Mungu atamwingiza. Unona?

³¹⁶ Upendano wa ndugu, jambo la saba. Moja, mbili, tatu, nne, tano, sita, saba. [Ndugu Branham anapigapiga ubao wa chaki mara saba—Mh.] Unaona, jambo la saba. Halafu, sasa, unapanda.

³¹⁷ Jambo linalofuata, basi, tia kupendana, ambao ni upendo. Huo ndio jiwe la kifuniko. Moja ya siku hizi, kanisani . . .

³¹⁸ Sasa, tafadhali, hebu na ijulikane kwenye kanda, na po pote pale tena, sifundishi jambo hili kama fundisho, kile ninachotaka kusema sasa. Bali ninataka tu kuwaonesha ya kwamba, kwa msaada wa Mungu, ni jambo gani hasa, ya kwamba, Biblia ya kwanza ambayo Mungu alipata kuandika ilikuwa ni ile Zodiaki mbinguni. Inaanza na bikira. Inaishia na Leo yule simba. Na nitakapofikia Muhuri wa Sita na wa Saba, mtaona, wakati Muhuri ule mwingine ulipofunguliwa, ile alama ya Zodiaki ya mahali hapo ilikuwa ni kaa, ile samaki iliyokingama. Na huo ndio wakati wa kaa tunaoishi sasa, umefunuliwa. Na kitu kingine Muhuri ulichorarua, ulimfunua Leo yule simba, kule Kuja kwa Pili kwa Kristo. Yeye alikuja, kwanza, kwa bikira; yuaja, tena, Leo yule simba. Nitaleta jambo hili kwenye . . .

³¹⁹ Sasa, sijui kama nitakuwa na wakati asubuhi ya leo. Nitafanya vizuri niwezavyo, kuwaonyesha ya kwamba hatua hizi zimo kwenye mapiramidi, barabara kabisa, Biblia ya pili aliyolandika Mungu. Henoko aliziandika, na kuziweka kwenye piramidi.

³²⁰ Na ya tatu, Mungu daima hukamilishwa katika ya tatu, ndipo basi Yeye akalifanya Mwenyewe kuwa Neno Lake.

³²¹ Hapa, sasa, kumbukeni, katika piramidi... Nadhani wengi wenu enyi askari na kadhalika mlifika Misri. Ile piramidi haina kifuniko juu yake. Haijawahi kamwe kuwa nacho. Lile—lile Jiwe la Scone, na cho chote kile walicho nacho, lakini bado... .

³²² Kama una noti ya dola mfukoni mwako, hebu iangalie noti hiyo ya dola, na utaona ya kwamba, kwenye upande wa kuume, ina tai aliyeshika bendera ya Marekani. Na ilisema, muhuri "wa Marekani." Upande huo mwingine, ina piramidi ilio na jiwe kuu la kufuniko na jicho la mwanadamu. Inasema upande huu, "Muhuri mkuu." Vema, kama hili ni taifa kuu, kwa nini muhuri huu mkuu usiwe ni muhuri wa taifa hili? Mungu anawafanya washuhudie, haidhuru wataenda wapi.

³²³ Nilikuwa nikizungumza na daktari fulani wakati mmoja, naye alikuwa akinikosoa vikali sana, kuhusu uponyaji wa Kiungu. Nilikuwa nimesimama barabarani. Akasema, Bw. Branham, wewe unawachanganya watu tu." Kasema, "Hakuna uponyaji, ila tu kwa madawa."

³²⁴ Ikawa kwamba niligeuka, nikaangalia ishara yake kwenye gari lake, ilikuwa na ile nyoka kwenye mti. Nikasema, "Ni heri uondoe ishara hiyo kutoka kwenye gari lako, basi, maana alama yako mwenyewe inashuhudia ya kwamba Mungu ni mponya."

³²⁵ Daktari halisi huamini jambo hilo. Hao ni wale mambingwatapeli. Naam, bwana. Ile nyoka mtini! Musa alimwinua yule nyoka juu ya mti. Alisema, "Mimi ni Bwana ninayeponya magonjwa yako yote." Nao wakaiangalia hiyo nyoka, kwa ajili ya kuponywa Kiungu. Na hata hivyo wao wanashuhudia dhidi yake; hata hivyo alama yao wenyewe inashuhudia dhidi yao. Whiu!

³²⁶ Hapa, taifa letu, wakisema mambo wanayosema, na kuyafanya mambo haya mzaha, na pesa zao wenyewe, fedha yao, zinashuhudia ya kwamba muhuri wa ulimwengu mzima ni Mungu. Unaona jicho hilo linalosimama pale juu ya hiyo, juu ya hiyo noti ya dola? Huo ndio ule muhuri mkuu.

³²⁷ Kamwe haukuwa umewekwa umewekwa juu ya piramidi. Wasingeweza kuelewa ni kwa nini. Lile Jiwe la kufunika likikataliwa, Kichwa, Kristo. Lakini litakuja, siku moja.

³²⁸ Sasa, katika kujenga, ule wema... Kujenga mnara huu mkuu, kujenga kimo hiki, unaona, inaanzia na jiwe la msingi; imani, nguvu, maarifa, kiasi, saburi, utauwa, upendano wa ndugu. Sasa hilo linafanya nini? Ndipo wanangojea Jiwe la Kuweka Juu, ambalo ni upendo, kwa maana Mungu ni upendo. Na Yeye anataawala, Naye ndiye nguvu za kila moja ya vitu hivi. Hiyo ni kweli. Naam, bwana.

³²⁹ Papa *hapa* ndani, papa *hapa* ndani, unaona nina, hapa katikati, kazi hizi zote hapa, na hapa mawimbi haya madogo yanakuja. Ni kitu gani hicho? Roho Mtakatifu akishuka, kupitia kwa Kristo, unaona. Roho Mtakatifu! Roho Mtakatifu yuko juu

ya yote *haya*, akiunganisha vitu hivi pamoja, akijenga (nini?) Kanisa kamilifu, kwa lile Jiwe la Kuweka Juu lipate kulifunika.

³³⁰ Ni kitu gani kimefanyika tena? Imejidhihirisha kupitia katika Nyakati Saba za kanisa, na wale wajumbe saba wa Kanisa.

³³¹ Ilianzia *hapa* nyuma. Kanisa lilianzishwa wapi kwa mara ya kwanza? Kanisa la Kipentekoste lilianzia wapi kwa mara ya kwanza? Na Mtakatifu Paulo, huko Efeso, yule nyota wa Kanisa la Wakati wa Kanisa la Efeso, Efeso.

³³² Wakati wa pili wa Kanisa ulikuwa ni wa Smirna. “Nguvu.” Ireneo, yule mtu mashuhuri aliyeitetea Injili ya Paulo.

³³³ Wakati uliofuata wa Kanisa ulikuwa ni wa Pergamo, ambao ulikuwa ni wa Martin. Martin alikuwa ndiye mtu mashuhuri aliyeendelea. Paulo, Ireneo, Martin.

³³⁴ Ndipo katika Thiatira akaja Columba. Mnakumbuka? Hii hapa, imechorwa pale *pale*. Columba. Baada ya Columba . . . Zile Zama za Giza zikaingia pale ndani.

³³⁵ Ndipo ukaja wakati wa Sardi, ambao maana yake ni *mauti*. Luther. Haleluya! [Ndugu Branham anapiga makofi mara tano—Mh.] Vipi basi? Ni kitu gani kilichofuata baada ya Sardi, Luther?

³³⁶ Ndipo ukaja Filadelfia. “Utauwa.” Wesley, utakatifu! “Wenye haki wanaishi kwa imani,” kasema Luther. Utakaso kupitia kwa Wesley.

³³⁷ Ndipo ukaingia upendano wa ndugu, kupitia Laodikia. Nasi tunaamini ule ujumbe mkuu wa kule kutokea kukuu mara ya pili kwa Eliya, katika siku hizi za mwisho, kutaifunika nchi.

³³⁸ Haya basi, Nyakati Saba za Kanisa, hatua saba. Mungu akilijenga Kanisa Lake, ni kama mtu mmoja katika mtu binafsi, katika Nafsi Yake Mwenyewe. Utukufu, Nguvu za Mungu, zikishuka kupita *hii*, zikilishikamanisha pamoja. Kwa hiyo, Wapentekoste waliowaacha Waluteri, waliowaacha Wawesley na kadhalika, hawajui kile wanachonena. Unaona, wao waliishi katika sehemu *hii* ya hekalu. Hivyo ndivyo ilivyo, watu fulani wanaweza kupanda juu kiasi hicho kisha wakaporomoka. Lakini kuna sehemu iliyo halisi ya hao, inayoendelea kulijenga jengo hilo lipande. “Nitarudisha,” asema Bwana.

³³⁹ Mnakumbuka *Ule Mti wa Bibi-arusi?* Mnakumbuka lile somo juu ya *Ule Mti wa Bibi-arusi?* Waliula ukaisha, bali Yeye aliupogoa matawi. Wakaweka matawi ya kimadhehebu; Yeye akayapogoa. Wakainua kanisa lingine, matawi ya kimadhehebu; akayakata. Bali moyo wa mti huo uliendelea kukua. “Na katika wakati wa jioni kutakuwako Nuru.” Unaona? Hapo ndipo Kristo alipokuja, Roho Mtakatifu. Yesu anashuka na kuketi Mwenyewe kama Kiongozi wa Kanisa basi, Naye atalifufua Kanisa hili, likiwa ni Mwili Wake Mwenyewe. *Kule* ndani ndiko kuliko na Mwili.

³⁴⁰ Na jinsi ambavyo Mungu anatutarajia sisi kama watu binafsi kukua, jinsi ambavyo amelikaza Kanisa Lake. Kila wakati wa Kanisa, unakuwa Kanisa moja kubwa. Unaona?

³⁴¹ Watu *hawa* hawatakiwi kuwa jinsi watu *hawa* walivyo. *Hawa* hawakutakiwa kuwa jinsi *hawa* walivyokuwa. Unaona? Lakini Yeye alilijenga Kanisa Lake namna ile ile. Lakini Yeye alilijenga Kanisa La—Lake namna ile ile anavyowajenga watu Wake. Ndipo Petro anasema hapa, kwanza, mambo saba: imani, nguvu, (unaona, kwenda juu), maarifa, kiasi, saburi, utauwa, upendano wa ndugu, tieni na upendano wa ndugu, na kisha upendo wa Mungu. Roho Mtakatifu, Kristo katika utu wa Roho Mtakatifu, anashuka juu yako, katika ubatizo wa kweli wa Roho Mtakatifu, nawe una nguvu hizi zote zimetiwā muhuri ndani yako. Ndipo, Mungu anaishi katika maskani, inayoitwa Jengo, maskani hai ya makao ya Mungu aliye hai.

³⁴² Mtu anapokuwa na vitu vya namna hii, basi Roho Mtakatifu huja juu yake. Hata ingekuwa, ungeweza kunena kwa lugha, unaweza kuiga karama yo yote aliyo nayo Mungu. Unaweza kufanya hivyo. Lakini mpaka nguvu *hizi* hapa ziingie ndani yako, bado ungali uko mbali na ule msingi halisi na wa kweli wa imani. Lakini wakati nguvu hizi zinapokua ndani, nawe unatia hiyo kwenye hiyo, basi wewe ni mnara hai. Wewe ni sanamu hai, inayotembea.

³⁴³ Lakini, unajua, ka—kafiri, wanasujudia mbele ya sanamu fulani, mungu wa kuwazia. Na katika njia ya kimawazo wanaamini ya kwamba mungu huyo wa kuwazia anazungumza nao. Huo ni ukafiri. Huo ni Urumi. Wanásujudia mbele ya watakatifu wa kila namna na cho chote kile. Nao wana akina Mtakatifu Cecelia, mungu wa nyumbani, na vikorokoro vingi sana mbalimbali namna hiyo. Wanaisujudia hiyo, na kwa kweli wanaamini hivyo katika njia ya mawazo. Ni—ni mfano wa jinsi gani, wa Mungu wa kweli aliye hai.

³⁴⁴ Lakini wakati sisi, si kwa njia ya kimawazo, bali tunaanguka kifudifudi mbele ya Mungu aliye hai, nguvu zilizo hai, maarifa hai, saburi hai, utauwa hai, Nguvu hai zitokazo kwa Mungu aliye hai, zinamfanya mtu aliye hai kuwa sanamu hai katika kimo cha Mungu. Mtu huyo anafanya nini? Mambo yale yale ambayo Yesu aliyyofanya; akienda namna ile ile Yeye alivyoenenda, akifanya mambo yale yale aliyofanya. Kwa sababu, si jambo la kuwazia. Kuna uhalisi unaothibitisha.

³⁴⁵ Unaona ninalomaanisha? Unaona jinsi nguvu hizi, vifaa hiyi vya ujenzi, vinavyolingana na wale wajumbe wa Kanisa, pamoja na nyakati za Kanisa? Sasa, moja ya siku hizi, tutachukua kila moja ya maneno haya, na kuyachambua, na kuonesha ya kwamba inathibitisha jambo hili. Yote yanaambatana. Hakika. Unaona? Loo, jamani! Hilo ni la ajabu jinsi gani, unaona, kuona vile—vile inavyokuwa.

³⁴⁶ Sasa, hiyo ndiyo Nyumba ambamo Mungu anaishi; si jengo lenye kengele kubwa juu yake, na mnara mrefu. Unaona? “Lakini Mwili uliniwekea tayari,” Mwili ambao Mungu anaweza kuishi ndani yake, Mungu anaweza kutembelea, Mungu anaweza kuona nao, Mungu anaweza kuzungumza humo, Mungu anaweza kufanya nao kazi. Amina! Chombo kilicho hai, Mungu, Mungu akitembea kwa miguu miwili, ndani yako. Utukufu! “Hatua za mwenye haki huongozwa na Mungu,” Mungu akitembea ndani yako. “Kwa maana ninyi ni waraka uliandikwa, unaosomwa na watu wote.” Na kama Uhai ulio ndani ya Kristo ukiwa ndani yako, utaleta maisha aliyokuwa nayo Kristo.

³⁴⁷ Kama vile nilivyo sema sikuzote. Toa utomvu katika mpichi, na kama ungeweza kuuhamisha, kwa utiliaji, katika mtofaa, mtofaa ungezaa mapichi. Hakika. Utazaa bila shaka. Haidhuru matawi yakoje, yana utomvu wa mtofaa ndani yake, unaona, ama mti wo wote ule. Unaona? Kutoa uhai wake kutoka kwenye mtofaa, utoe wote, na uutie u—utiliaji wa utomvu, na kuunyonya kutoka katika mpichi uuhamishie kwenye mtofaa. Inakuwaje? Hautazaa mapichi tena. Unaona? La, bwana. Hautazaa. Kama uhai wa mpichi ukiingia katika mtofaa, hasa, hautazaa tofaa tena. Utazaa mapichi, unaona, unaona, kwa maana una uhai huo ndani yake.

³⁴⁸ Vema, hebu utuchukue sisi, ambao si kitu ila mtango-mwitu, kichwa kigumu, unaona, wala sisi hatuna kitu, kwa kuwa sisi sote tumekufa katika dhambi na makosa. Sote tuko katika hali za namna hii. Halafu sisi, sisi wenyewe, tunaweza kujinyenyekeza, tujisalimishe, mpaka Mungu atakapochukua mrija wake wa utiliaji, Jina la Yesu Kristo, maana, “Hakuna Jina lingine chini ya Mbingu ambalo mwanadamu anaweza kuokolewa kwalo,” na kuuhamisha Uhai wa Kristo ndani yetu. Ndipo tuna imani ya namna *hii*, imani aliyokuwa nayo Kristo. Na imani ya Kristo haikuwa na msingi wake katika hao Mafarisayo, wala Masadukayo, wala katika vyungu vyao, mabirika, na sururia, na kutawadha kwao. Iliwekwa msingi kwenye Neno la Mungu, amina, sana sana, mpaka Kristo akawa hilo Neno, Neno lilifanyika mwili. Ndipo tunapoweza kuwekewa kwa wingi sana Nguvu Zake, hata tupate kufia mawazo yetu wenyewe, na imani yetu inakuwa imani halisi, haleluya, ndipo Uhai wa Kristo unawekwa ndani yetu. Tunakuwa viumbhe hai vya Mungu, makao ambapo Roho Mtakatifu anaweza kutuma miali ya baraka Zake za upendo kuititia humo, ndipo tunakuwa katika kimo cha Kristo.

³⁴⁹ Yesu alisema, “Je! haikuandikwa? Mmenihukumu Mimi, nikisema, ‘Mimi ni Mwana wa Mungu.’ Hivi haikuandikwa, ya kwamba, ‘Ninyi ni miungu.’ Hivi torati yenu yenyewe haisemi hivyo?” Kama Musa, kama Eliya, kama wale manabii walioishi karibu sana na Mungu, mpaka Mungu akajihamishia tu Mwenyewe akaingia ndani yao kabisa. Nao wakanena, si

hao wenyewe, bali Mungu. "Msiwazie mtakayosema, maana si ninyi mnaonena. Ni Baba akaaye ndani yenu; Yeye ndiye anayenena." Maneno Yake si yake mwenyewe, maana, uhai wake, yeye amekufa.

³⁵⁰ Kama ukifa, ukitoa damu ndani ya mtu, unamhifadhi asioze. Shida yake ni kwamba, wengi wao hawajawahi kuhifadhiwa. Ukitoa damu kutoka kwa mtu, ameisha kufa. Basi jambo pekee unalofanya ni kumrudishia damu nyingine mwilini mwake; ataishi tena. Ulitoa damu.

³⁵¹ Na sasa tunaweka Damu ya Yesu Kristo ndani, unaona, na hiyo inaleta imani ya Yesu Kristo, nguvu za Yesu Kristo, maarifa ya Yesu Kristo, kiasi cha Yesu Kristo, saburi ya Yesu Kristo, utauwa wa Yesu Kristo, upendano wa ndugu wa Yesu Kristo, na upendo wa Mungu, ambao ni Yesu Kristo. Yeye ndiye Kichwa kinachokutawala. Na miguu yako ndiyo msingi, imani. [Ndugu Branham anagonga juu ya mimbara mara mbili—Mh.] Amina! Kutawaliwa na Kichwa, kuchukua . . . ? . . . [Ndugu Branham anapiga makofi mara mbili.] Haya basi. Huyo hapo mtu mkamilifu wa Mungu, wakati anapokuwa na nguvu hizi.

³⁵² Halafu, Mungu, akiwakilisha Kanisa Lake kama Bibi-arusi, mwanamke. Mungu anawakilisha Kanisa Lake kama Bibi-arusi. Na jinsi anavyomjenga kila mtu binafsi kuwa mwanawe, kuingia katika Bibi-arusi huyo, pia amemleta Bibi-arusi kupitia katika nyakati hizi, [Ndugu Branham anagongagonga kwenye ubao wake wa chaki mara saba—Mh.] mpaka atakapolifikisha Kanisa hili moja kamilifu *humu*.

³⁵³ Miguu yangu inatembea. Kwa nini? Kwa sababu kichwa changu kinasema hivyo. Sasa, haiwezi kusogea kama mkono wangu, kwa maana ni miguu yangu. Luther hawezi kufanya mambo yale tuliyofanya, wala Wamethodisti, kwa sababu wao walikuwa ni kitu kingine. Unaona? Miguu husogea kwa maana kichwa kinasema hivyo. Wala kichwa kamwe hakisemi, "Sasa, enyi miguu, mwe mkono. Sikio, uwe jicho." Unaona?

³⁵⁴ Lakini, kila wakati, Mungu ameweka mambo haya katika Kanisa Lake, na kulifanya kwa mfano kwa kuonesha ya kwamba kila mtu binafsi ana hizi, ana sifa hizi. Na *Hiki*, kitakapokamilika, ndilo Kanisa la Mungu linalokwenda kwenye Unyakuo. Na mtu *huyu*, hapo anapokakamilishwa, ndiye mtumishi wa Mungu, katika Kanisa la Mungu, atakayekwenda kwenye Unyakuo. Utukufu! Unaona ninalomaanisha? Haya basi. Hilo hapo jambo lote.

³⁵⁵ *Huyu* hapo mtu anakuja, Paulo, akiweka msingi. Ireneo alianza kumimina *hii* ndani yake. Anayefuatia akamimina *haya*. Anayefuata akamimina *hiki*. Mwingine *hii*, na *lile*, na *lile*, na kuendelea moja kwa moja mpaka inafikia kwenye wakati wa mwisho. Lakini ni kitu gani? Ni Roho yule yule.

³⁵⁶ Roho yule yule anayeishi ndani yangu, anasema, “Ninyi mikono, chukueni kasha lile.” Roho ye ye yule anasema, “Enyi miguu, tembeeni.” Mnaona ninalomaanisha?

³⁵⁷ Ndipo, kimo chote cha utu wako kinatawaliwa na kuongozwa na mambo haya, bali hakiwezi kutawaliwa kabisa mpaka kitakapopata sifa hizi kwa utimilifu.

³⁵⁸ Je! ulipata kusikia jambo hili? Sasa hebu niwaambieni jambo hili. Na mminii kabisa... Wekeni hili kwenye sikio lenu la kusikilizia. Unaona? Mnyororo una nguvu sana kwenye kiungo chake kilicho kidhaifu sana. Hiyo ni kweli. Huna nguvu zaidi kuliko kiungo chake kilicho kidhaifu sana.

³⁵⁹ Haidhuru *hizi* zimejengwa kwa nguvu vipi, *hiki* kimejengwa imara; kama kina kiungo kidhaifu, hapo ndipo utakatikia. Wala hakina nguvu kuliko hicho kiungo chake kilicho kidhaifu sana. [Ndugu Branham anarejea kwenye mchoro wake wa uboani—Mh.] Sasa kama unaninii, unasema una *hii*, *hii*, *hii*, huna *hii*, hapo ndipo inapovunjikia. Kama una *hii*, wala huna *ile*, kitavunjikia papo hapo. Una *hii*, wala huna *ile*, kitavunjika. *Hii*, na huna *hii*, kitavunjika. *Hii*, wala huna *hii*, itavunjika. *Hii*, na huna *hii* itavunjika Unaona? Wala huwezi kuwa na *hii* bila ya kuwa na *hii*.

³⁶⁰ Kwa hiyo wakati unapojisalimisha utu wako wote, ndipo Roho Mtakatifu anajimimina tu kupidia kwako, katika nguvu hizi, ndipo wewe ni maskani iliyo hai. Ndipo watu wanaangalia na kusema, “Yule ni mtu aliyejaa nguvu, maarifa (anaamini Neno), kiasi, saburi, utauwa, upendano wa ndugu, amejaajia upendo wa Roho Mtakatifu. Unaona, huyo hapo, akienda kote.” Ni kitu gani? Kimo ambacho wasioamini wanaweza kuangalia na kusema, “Huyo hapo Mkristo. Huyo hapo mtu, ama mwanamke, anayejua kile wanachonena. Hujapata kuona mtu mwema kuzidi, mpole kuzidi, mwenye utauwa kuzidi.” Umetiwa muhuri. Muhuri huonesha pande zote mbili. Kama unaenda ama unakuja, unaona muhuri vile vile tu. Haya basi. Unaona? Wakati mwanamume ama mwanamke anapokuwa na *hii*, basi Jiwe la Kifuniko linashuka na kuwatia muhuri katika Ufalme wa Mungu, ambaao ni Roho Mtakatifu.

³⁶¹ Ndipo Neno, likishuka kutoka *Hapa*, linajidhihirisha Lenyewe kupidia kila moja ya asili hizi, unaona, na kumfanya Mtu huyu aliyejamili maskani ya Mungu aliye hai, mfano wa Ukristo unaotembea, ulio hai. Kile alichokuwa Kristo, ndicho walicho watu hawa, kwa maana Uhai Wake umo ndani humu. Wamo katika Kristo. Na uhai wao umekufa na kufichwa katika Kristo, kwa njia ya Mungu, na kutiwa muhuri mle ndani na Roho Mtakatifu. Wakorintho wa Kwanza 12. Hiyo ni kweli. Unaona? Unajihesabu kwamba umekufa, basi umezaliwa kwa imani. Na, wewe, nguvu na mambo haya yanaongezwa kwako mpaka

unakuwa mfano mkamilifu ulio hai wa Mungu. Hilo linapendeza sana? [Kusanyiko linasema, "Amina."]

³⁶² Na halafu Mungu, kuitia jambo hilo, ameleta pia Nyakati Saba za Kanisa, kuonesha zile hatua saba ambazo Yeye alileta, akimjenga mtu Wake binafsi kwa sura Yake, Yeye amejenga Kanisa lote katika sura Yake. Na kwenye ule ufufuo, Mwili huu mzima utafufuliwa kuishi Naye milele, kwa maana ni Bibiarusi. Unaona? Kwa hiyo hicho kinaingia katika kila wakati, kila wakati unaokuja.

³⁶³ Na kuna mengi zaidi yanayohitajika, kumbuka. Unakumbuka yale Paulo aliyosema hapa katika Waebrania 11? Hebu niwasomeeni tu jambo fulani hapa kabla hatujafunga, kwa dakika moja tu. Na ndipo ninyi... Kwa namna fulani linakufanya kidogo ujisikie wa kigeni wakati mimi... sikuzote, ninaposoma jambo hili. Nitafungua Waebrania 11, na nitaanzia na kifungu cha 32.

Nini tena, nami niseme nini tena? Maana wakati usingenitosha kuleta habari za Gideoni na Baraka na Samsoni na Yeftha... Daudi na Samwel na za manabii;

Ambao kwa imani walishinda milki za wafalme, walitenda haki, walipata ahadi, walifunga kinywa cha simba,

Walizima nguvu za moto, waliokoka na makali ya upanga. Walitiwa nguvu baada ya kuwa dhaifu, walikuwa hodari katika vita, walikimbiza majeshi ya wageni.

Wanawake walipokea wafu wao waliofufuliwa... wengine walipitia kwenye maumivu, waliumizwa vibaya, wasikubali ukombozi; ili wapate ufufuo ulio bora;

³⁶⁴ *Hapa chini kabisa. Unaona? [Ndugu Branham anarejea kwenye mchoro wake uboani—Mh.] Vema.*

Wengine walijaribiwa... dhihaka... mapigo, naam, ... mafungo, ... kwa kutiwa gerezani;

Walipigwa kwa mawe, wakakatwa kwa misumeno, walijaribiwa, waliuawa kwa mapanga; walizunguka-zunguka wakivaa ngozi za kondoo na ngozi ya mbuzi; walikuwa wahitaji, wakiteswa, wakitendwa mabaya;

(Watu ambao ulimwengu haukustahili kuwa nao:)...

³⁶⁵ Unaona, katika mabano hapo, unaona katika Biblia yako.

... walikuwa wakizunguka-zunguka katika nyika na katika milima na katika mapango na katika mashimo ya nchi.

... watu hawa wote wakiisha kushuhudiwa kwa sababu ya imani yao, ...

³⁶⁶ *Hapa!* [Ndugu Branham anarejea kwenye mchoro wake wa ubaoni—Mh.]

...*kushuhudiwa kwa sababu ya imani yao, hawakuipokea ahadi; (Unaona?)*

Kwa kuwa Mungu alikuwa ametangulia kutuwekea sisi kitu kilicho bora, ili wao wasikamilishwe pasipo sisi.

³⁶⁷ Unalipata? Watu hawa waliokufa, *hana*, wanatutegemea na kutungojea sisi. Kwa hiyo, Kanisa *hili* halina budi kufikia ukamilifu, kusudi lipate kuleta ufufuo. Nao wako chini ya ninii, nafsi chini ya madhababu, wakingojea Kanisa *hili* lifikie ukamilifu Wake, hapo ndipo Kristo atakapokuja.

³⁶⁸ Na Kanisa *hili*, unaona, linakuwa dogo zaidi, katika uchache. [Ndugu Branham anarejea kwenye mchoro wake wa ubaoni—Mh.] Limechongoka zaidi ya hapo, lakini ningetaka tu kuandika hilo pale, unaona. Limefikia kwenye ncha ya sindano. Mpaka, Kanisa, katika uchache, halina budi kufikia mahali mpaka liwe na aina ya huduma ile ile ambayo *hili* liliacha, kwa sababu, wakati Jiwe *hili* la Kufunika litakaporudi.

³⁶⁹ Lina kitu kama mfuko mdogo *hana*, ambapo litaketi moja kwa moja pale, kwenye piramidi la kawaida. Si kwamba ni kifuniko tu kinachokingama juu. Ni *kilimi* kidogo, na inabidi kuketi pale juu, maana kitiririsha maji.

Na kitakapokuja, Kanisa *hili* halina budi kuchongoka.

³⁷⁰ Haya yote, mawe mengine kwenye piramidi, yamewekwa kikamilifu sana hata huwezi kupenyeza wembe kati yao, yenye uzito wa tani nyingi, yamewekwa pale. Jinsi walivyoyafikisha kule juu, wao hawajui. Lakini yalijengwa.

³⁷¹ Na *hana* juu, Kifuniko cha piramidi kikija, piramidi Yenyewe, ule Mwili wa Kristo itabidi uchongoke. Si kanuni fulani tu za imani na mafundisho, ama kitu kingine tulichopitia. Itabidi liwe kama Kristo kabisa, mpaka, wakati Yeye atakapokuja, Yeye pamoja na huduma hiyo watafungamana pamoja kikamilifu. Unaona? Ndipo Unyakuo utakapotokea, kule kwenda Nyumbani.

³⁷² Angalia mahali tunapoishi sasa, katika Laodikia, ambapo kanisa lilikuwa na wakati mbaya kuliko nyakati zote za kanisa walizopata kuwa nazo. Katika Biblia, tunaona, ulikuwa ndio wakati pekee wa kanisa ambapo Mungu alikuwa nje ya kanisa, akipiga hodi, akijaribu kurudi kwenye jengo Lake mwenyewe. Kanuni za imani na madhehebu vilikuwa hata vimemfukuza kanisani Mwake mwenyewe. “Tazama, nasimama mlangoni nikibisha. Mtu akiwa na kiu na afunge mlango, nitaingia, na kula pamoja naye.” Unaona? Hii *hana*, katika wakati *huu* wa kanisa. Hatua kwa hatua wakamtupa nje, mpaka kufikia *hana* wakamfukuza kabisa. Hawataki uhusiano wo wote Naye.

³⁷³ Sasa unaona leo mahali tunakoelekea. Hata wakati wa mwisho wa Kanisa la Laodikia umekuwa wa kawaida sana, mpaka huo pamoja na Ukatoliki, ambao uliuvunja papa *hapa*, zinakuja pamoja na kuungana kama kanisa moja kuu. Kukiweko na muungano wa makanisa, ni kitu kimoja na Ukatoliki.

³⁷⁴ Kuna tofauti moja tu, kama wanaweza tu kuisuluhisha hiyo, nayo ni kufanya ushirika. Hilo ndilo jambo pekee kwenye dayosisi, ambalo—ambalo—ambalo linazuia Ukatoliki na Uprotestanti kuungana, ni utaratibu wa ushirika. Kanisa Katoliki linasema, “Ni mwili.” Na kansia la Kiprotestanti linasema, “Unawakilisha mwili.” Mkatoliki anafanya misa kutokana na jambo hilo. Misa ni, kwamba, wanafanya ushirika, wakitumaini wamesamehewa. Moprotestanti anaula kwa imani, akimshukuru Mungu, katika ushirika, ya kwamba wamesamehewa. Moprotestanti anasema, “Tumesamehewa.” Mkatoliki anasema, “Tunatumaini tumesamehewa.” Misa na ushirika. Wao wanaiita misa; sisi tunauita ushirika. Misa ni kutumaini kwamba ndivyo ilivyo. Ushirika ni kujuua ndivyo ilivyo, na kumshukuru Yeye kwa ajili ya jambo hilo. Unaona? Na hilo ndilo jambo pekee ambalo hawawezi kukubaliana. Watakubaliana.

³⁷⁵ Loo, linaonekana ni jambo zuri sana. Itaungana, kuendeleza... Ita—itaendeleza ninii yote... Vema, Biblia ilisema, “Na mnyama huyu akampa yule kahaba nguvu zake,” unaona, wakaungana pamoja. Unaona? Vile vile kabisa Biblia ilisema watafanya, wanafanya jambo hilo sasa. Linaendelea sasa hivi, juma lili hili. Si kwamba nina jambo lo lote dhidi ya Wakatoliki, si zaidi na Waprotestanti.

³⁷⁶ Enyi Wamethodisti na Wabaptisti, na wengi wenu ninyi enyi Wapentekoste, wakati makanisa yenu yameingia moja kwa moja katika muungano huu wa makanisa, huku wamejenga lile mochwari kubwa kule New York, la ule muungano wa makanisa, ni sawa na Umoja wa Mataifa na kadhalika. Wao wanajaribu kuunganisha Uprotestanti wote.

³⁷⁷ Sasa, Wakatoliki ni wajanja zaidi juu ya jambo hilo, na watamleta huyu Papa Yohana wa ishirini na tatu, ama wa ishirini na mbili, ye yote yule. Yeye anakazana, katika njia nyenyekevu, na ya kujidhili, kuleta imani yote ya Kiprotestanti na ya Kikatoliki kuwa imani moja, vile vile hasa Biblia ilivyosema watafanya. Haya basi. Nao Waprotestanti wakinaswa kabisa katika jambo hilo kwa urahisi sana.

³⁷⁸ Kwa nini? Kwa nini? Kwa kuwa wao hawana vitu *hivi. Maarifa*, “Neno ni kweli.” *Saburi*, “Wao wamnganjeao Bwana.” Unaona ninalomaanisha?

³⁷⁹ Ni kama vile yule askofu wa Kimethodisti alivyosema hivi majuzi, walipopitisha mswada huo. Na kila mtu anajua jambo hilo, jinsi, kile kilichochochea jambo hilo, kujaribu kufanya

sala fulani itakayosemwa kanisani, ama shulen. Nao walitaka kuninii... Nafikiri ilikuwa ni kitabu cha sala cha Kipresbiteri, ama cho chote kile, nao wazazi wakashtaki shu—shu—shule kwa kuwa wasingekubali sala hii isemwe shulen. Na askofu huyu wa Kimethodisti alikuwa ni mzee mwenye hekima, akasimama na kusema, "Hilo ni kosa." Kasema, "Linavunja katiba." Yeye alipata fununu yake juu ya jambo hilo. Akasema, "Kama vile katika kanisa letu la Kimethodisti," akasema, "katika kanisa letu la Kimethodisti," kasema, "wengi wa watu wetu daima wanazungumza juu ya kashfa ya Hollywood, na asilimia tisini na tano yao wanaenda kuiangalia hata hivyo."

³⁸⁰ Kuna nini? Waliacha *hii*. Hiyo ni kweli kabisa. Waliacha hilo.

³⁸¹ Nilikuwa nikizungumza papa hapa katika chumba hiki, hivi majuzi, na a—a—afisa wa moja ya makanisa makubwa sana ya Kimethodisti yaliyopo kule Falls City, moja ya makanisa ya kiroho sana ya Kimethodisti katika Falls City. Nikaonyesha, wakati wa Kimethodisti unaotangulia wakati wetu pale, wa Kipentekoste. Ndipo akasema, "Katika St Louis, Missouri, walifanya utafiti, yapata miezi mitatu ama minne iliyopita, na wakatambua." Huenda mtu huyo akawa ameketi hapa asubuhi ya leo. Vema, yeye ni kondrakta anayejenga hili, anayetujengea jengo hili. Methodisti ya Main Street, ambamo yeye hushiriki, ambako Ndugu Lum na hao wengine ndiye mchungaji. Kwa hiyo basi tunaona ya kwamba, katika jambo hilo, ya kwamba ninaamini ilikuwa asilimia sabini na kitu ya Wamethodisti katika ule utafiti, uchunguzi wa St. Louis, ulionesha ya kwamba asilimia sabini na kitu ya Wamethodisti walivuta sigara, na asilimia sitini na nane yao wanakunywa pombe. Mmethodisti! Na jambo la ajabu lilikuwa, wakati huo uchanganuzi ulipotolewa, ama makadirio kati ya wanaume na wanawake; wanawake, ilikuwa sabini, asilimia sabini na kitu, ukilinganisha na asilimia hamsini ya wanaume. Wanawake wengi zaidi wanavuta sigara na kunywa pombe kuliko wanaume. Asilimia sabini, asilimia sabini-na-kitu, wanawake zaidi ya wanaume.

³⁸² Sasa vipi kama tungeenda kwenye Fundisho la Biblia la kuvala suruali, na kukata nywele, na vitu kama hivyo, unaona, ambapo utauwa, wanawake wanaokiri utauwa na utakatifu? Karamu za kadi na cho chote kile, wapiga domo, wapayukaji, wasioweza kunyamaza. Ndimi zao zinazungumza na kupiga domo, na kuzurura. Na wanaume je? Karamu za kadi, michezo ya gofu, huko nje wakiwa nusu uchi, wamevaa nguo fupi na chafu, huku wanawake wakirandaranda mitaani huko. Si ajabu!

³⁸³ Unaona ujanja huo mchafu aliofanyiwa yule mhubiri, mhubiri wa jela, asubuhi ya leo? Naam, bwana. Siamini kwamba mtu huyo ana hatia ya jambo hilo. Ilifanya nini? Huyo ni Ndugu... Siwezi kukumbuka ninii yake... [Mtu fulani anasema, "Dan Gilbert."—Mh.] Naam. Dan Gilbert, mhubiri wa

jela. Wakati mtu huyo alipoingia na kumwua Dan, hapa miezi michache iliyopita, na sasa mke wake atapata mtoto. Bila shaka, Dan amekufa, hawawezi kumpa mtoto damu sasa. Anasema Dan alimnajisi, na huyo ni ninii wake... “Huyo ni mtoto wa Dan.” Kama ninii... Siamini jambo hilo zaidi ya ninavyoamini ya kwamba—ya kwamba—ya kwamba kunguru ana manyoya ya njiwa. La, bwana. Ninaamini ni uongo. Ninaamini Dan Gilbert alikuwa ni mtu wa Mungu. Na ninaamini hiyo ni njama ya Ibilisi.

³⁸⁴ Ni kama kitu kile kinachojaribu kuwekwa juu ya hizo sala. Yule askofu mzee wa Kimethodisti alikuwa mwerevu vya kutosha kugundua jambo hilo. Kama angalinii, kama mswada huo ungalipitishwa, huo ulikuwa umechochewa na kitu kingine. Hiyo ni kweli.

³⁸⁵ Ni kama tu shida hii ya ubaguzi huko Kusini, jambo lile lile. Ninaamini watu wanapaswa kuwa huru. Ninaamini taifa hili linatetea uhuru. Simlaumu Bw. Kennedy kwa kutuma majeshi kule. Ingawaje, mimi si—si “mwenye mawazo mageni,” wala mimi si Mdemokrati. Mimi si Mripablikani. Mimi ni Mkristo. Kwa hiyo ninaninii... Lakini siamini jambo hilo. Wala siamini watu weusi wanapaswa kuuza haki yao ya mzaliwa wa kwanza kwa upuuzi kama huo. Ilikuwa—ilikuwa ni chama cha Ripablikani. Damu ya Abraham Lincoln iliwareka watu hao huru kwa kuwa alikuwa ni mcha mungu. Nafikiri wanapaswa angaa kushikilia chama chao endapo kwa vyo vyote watapiga kura.

³⁸⁶ Lakini ninawaambia jambo moja, huyo mvulana hakuwa kule chini kwa sababu hiyo tu, shule yao. Mvulana huyo ni mwananchi. Yeye ni Mmarekani. Huu ni uhuru kwa wote. Rangi ya mtu haipaswi kusababisha tofauti yake. Sote... “Mungu,” kasema, “kwa mtu mmoja, aliumba damu yote, mataifa yote.” Sisi sote ni mmoja. Lakini, mvulana huyo, alikuwa ni mwanajeshi. Yeye ni mwanajeshi mstaafu. Alipigania haki yake. Alikuwa na haki ya kwenda shule. Hiyo ni kweli. Lakini alikuwa na shule nyingi ambazo angeweza kwenda.

³⁸⁷ Ni kile jambo hilo lilicho. Kama ukilichunguza, ni upuuzi wa madhehebu haya ya kisasa kule, huo ndio unaochochea jambo hilo. Kwa nini? Wao wanachukua hizo kura za watu weusi kutoka kwa Ripablikan na kuzipeleka kwa Demokrati, na wanauzu haki zao za mzaliwa wa kwanza kwa jambo hilo. Ni kweli kabisa. Roho Mtakatifu hayuko hapa...

³⁸⁸ “Yeye aliye na hekima.” “Yeye aliye na maarifa.” Kweli kabisa. Ni kama tu kanisa hili, wakati huu wa sasa, lilivyojiuza lenyewe. Hivi hamwezi kuona kitakachotukia?

³⁸⁹ Sijali kama jambo hili linarekodiwa. Hili hapa linakuja. Aha. Naam. Kuna nini? Mama yangu alikuwa akisema, “Mtendee kila mtu haki yake.”

³⁹⁰ Kuna mtu mmoja aliyefanya jambo pekee lililokuwa la busara, huyo alikuwa ni Castro kule chini. Naam, bwana. Alishuka akaenda kule. Na mabepari walikuwa na miwa yote na kila kitu. Wao, iko kwenye mfumo wa dhahabu, kama vile Marekani. Alifanya nini? Alinunua hati hizo zote. Akapata pesa kwa njia yo yote aliyoweza. Alifanya nini basi? Alibuni pesa za bandia, na kuzibadilisha. Akazirudisha moja kwa moja. Hilo ndilo jambo pekee taifa hili lingeweza kufanya.

³⁹¹ Je! hivi mlisikia *Life Line* hivi majuzi asubuhi? Mbona, unajua, ni kama tu kuuza hati kwa dhahabu. Hizo hati tayari zimechukuliwa. Na serikali hii iliyopo sasa inatumia peza za nini? Pesa za kodi watakazokusanya miaka arobaini tangu sasa. Taifa limekwisha. Hilo ni *Life Line* moja kwa moja kutoka Washington D.C. kabisa, kote nchini. Kodi wanazotumia, na kujaribu kununua za kigeni. Vema, wao wanazitoa tu hata hivyo. Je! hamwoni? Hivyo ndivyo—ndivyo hassa watakavyofanya. Unaona? Ni kitu gani? Sasa, kama taifa hili likifilisika, jambo pekee linaloweza kufanya ni kufilisika. Jambo pekee linaloweza kufanya ni kufilisika.

³⁹² Hilo ndilo jambo la busara tu la kufanya, kubadilisha sarafu. Lakini hawatafanya hivyo, chini ya utawala huu wa sasa. Kanisa Katoliki la Kirumi linamiliki dhahabu ya ulimwengu. Na jambo watakalofanya ni kujiuza, "Hawa matajiri," na kadhalika, "wa duniani," kama vile Biblia ilivyosema. Watafanya nini, kabla ya kupata hasara? Ile Kampuni ya Tumbaku ya Brown na Williamson, karibu yote ni Katoliki, hata hivyo. Na mambo haya mengine yote, watafanya nini? Watakubali jambo hilo, nao watachukua fedha kutoka Rumi, na ndipo limeuza haki yake ya mzaliwa wa kwanza. Rumi inalisaidia. Naam, bwana. Italisaidia. Nao wanapata sera za kutosha sasa, wanajichukulia za kutosha, akiingiza baraza lake la mawaziri. Angalia kile Bw. Kennedy anachoomba.

³⁹³ Na wakati mnapoona jambo hili, hivi majuzi, hakuna haja ya kupiga kura tena. Kuna haja gani ya kupiga kura? Wakati, waliweka jambo hili gazetini, na kolithibitishia watu, nao wakakataa kufanya kitu juu yake. Ambapo, walithibitisha ya kwamba zile mashine kote nchini zilikuwa zimetegwa kijanja, hata wakamchagua Bw. Kennedy kwa kura ya uongo. Je! Biblia haisemi ya kwamba angeingia kwa udanganyifu? Bila shaka, uongo. Sasa, mimi sipingi chama cha Demokrati si zaidi ya vile ninavyopinga cha Ripablikani, lakini mimi ninatamka tu mambo ya kweli kutoka katika Biblia. Kuna haja gani ya kupiga kura? Wanajua ni nani atakayeingia kule.

³⁹⁴ Ni wangapi wenu wanaokumbuka yale matangazo ya televisheni ambapo walikuwako na wanawake wawili waliosimama? Na mmoja akasema, "Nitampigia kura Bw...." Ama, mwanimke Mprotestanti alisema, "Nitampigia kura Bw. Kennedy."

Wao wakasema, “Kwa nini?”

³⁹⁵ Kasema, “Kwa maana ninafikiri yeye ni mtu mwerevu sana kuliko Bw. Nixon. Atakuwa Rais bora zaidi.”

³⁹⁶ Ndipo akasema, “Huyu ni mwanamke Mkatoliki. ‘Je! utampigia nani kura?’”

³⁹⁷ Akasema, “Mimi ni Mkatoliki, Mromani Katoliki, Mkatoliki mwaminifu.” Akasema, “Nami nitampigia kura Bw. Nixon.”

“Kwa nini?”

³⁹⁸ Akasema, “Kwa sababu, nafikiri Bw. Nixon atakuwa Rais bora kwa sababu yeye amezoea mambo hayo zaidi. Yeye anaufahamu ukomunisti zaidi.” Mwanamke huyo alisema uongo.

³⁹⁹ Nina *Ka . . . wanachokiita, Kanuni za Imani Yetu*, kitabu cha hali ya juu sana cha Kikatoliki kinachoweza kununuliwa. Nacho kinasema mle ndani, “Kama kuna Mkatoliki anayegombtea kiti, anayeshindana na M protestanti; kama Mkatoliki akimpigia M protestanti kura, wanaondolewa katika ushirika wa kanisa Katoliki.” Kweli. “Na endapo kuna Wakatoliki wawili wanaopigania kiti kimoja, watamchagua Mkatoliki aliywaminifu zaidi kwa ‘kanisa mama’ na kuwapigia kura.”

⁴⁰⁰ Mnaona jinsi, huo undanganyifu, wanavyojaribu kufanya? Wanatoa fedha, kununua. Kwa nini? Wao wanajaribu kulivunja. Nao wanafanya jambo hilo, nalo limefilisiki. Na ni kitu gani? Liko kwenye mfumo wa dhahabu. Na kanisa Katoliki, ile serikali yao, linamiliki dhahabu ya ulimwengu. [Mtu fulani anasema, “Dola bilioni mia moja na sitini na nane.”—Mh.] Bilioni mia moja na sitini na nane. Haya basi. Italirudisha moja kwa moja kwenye mfumo wa dhahabu, nanyi watu mtaweka nyumba zenu na kadhalika, lakini ninyi ni mali ya kanisa Katoliki. Taifa hili ni mali ya kanisa Katoliki. Kila kitu kimenaswa ndani yake moja kwa moja namna hiyo, kwa fedha zao. Je! Biblia haineni juu ya jambo hilo? Hiyo ndiyo picha ambayo Biblia inatuchorea.

⁴⁰¹ Kile ninachojaribu kusema, leo, ndugu. Wao watasema, “Hilo litaunda kanisa zuri. Litaunganisha U protestanti.” Linaonekana ni zuri kwa macho ya kawaida, bali maarifa ya ulimwengu huu ni upumbavu kwa Mungu.

⁴⁰² “Na ilimpendeza Mungu, kwa u—upuuzi wa kuhubiri, kuwaokoa wale wanaopotea, kwa huduma ya Kiungu aliyoiweka katika Kanisa Lake, kulijenga Kanisa juu ya sifa hizi za kiroho wala si juu ya kitu cho chote cha duniani.”

⁴⁰³ Petro alisema, “Na kwa sababu mmeokolewa na upotovu wa ulimwengu kwa sababu ya tamaa ya pesa, na tamaa ya kujifurahisha, na anasa, na kula, na kunywa, na tamaa mbaya tulizo nazo. Mmeokolewa na hayo. Na sasa mmejengwa katika uzima. Ninaliambia Kanisa jambo hilo,” akasema. Haya basi. Mlilisoma hilo? Mlilipata? Mlilisikia tulipolisoma hapa nyuma

katika Petro wa Pili? Sikilizeni tu yale anayosema hapa, jinsi hilo lilitivoandikwa vizuri hapa, jinsi yeye a—anavyolielezea. Vema. Msikilizeni sasa anapozungumza. Vema.

Petro, Simoni Petro, mtumuwa na mtume wa Yesu Kristo, kwa wale waliopata imani moja na sisi, yenye thamani, katika hali ya Mungu wetu, na Mwokozi Yesu Kristo.

... amani i—ongezwe kwenu katika kumjua Mungu na katika Yesu Kristo Bwana wetu.

Kwa kuwa uweza wake wa Uungu umetukirimia vitu vyote . . .

⁴⁰⁴ Ni nani atakayeirithi nchi na mambo yote? [Mtu fulani anasema, “Watakatifu.”—Mh.] Hakika. “Vipasavyo . . .” Naam. Vema.

... vinavyopasa uzima na utauwa, kwa kumjua yeye aliyetuuta kwa utukufu wake hata utukufu:

Tena kwa hayo ametukirimia ahadi kubwa mno, ya thamani: ili kwamba kwa hizo mpate kuwa washirika wa tabia ya Uungu, mkiokolewa na uharibifu (Sikilizeni hilo) uliomo duniani kwa sababu ya tamaa.

⁴⁰⁵ Tamaa ya pesa, tamaa ya mambo makubwa, tamaa ya kujulikana na watu, mambo haya ni mafu kwa mwamini. [Ndugu Branham anagonga mimbarani mara nne—Mh.] Hatujali. Hema ama kibanda, kwa nini njiali; niishi au nife, nizame au nife maji? Jambo hili ndilo ninalotaka, Ufalme wa Mungu. Kama ninatunza nyumba yangu, kama ninaitunza familia yangu, kama ninatunza cho chote kile, hebu na nidumu na Kristo, tumaini la Utukufu.

⁴⁰⁶ Nijenge, Ee Bwana, katika *Hiki*. Kristo na awe ndiye Kiongozi wangu, kwamba atende kazi kuititia kwangu. Juu ya msingi wangu, imani yangu iliyio ndani Yake, jalia nguvu, maarifa, kiasi, saburi, utauwa, na upendano wa ndugu, vitende kazi ndani yangu, Ee Bwana, ndilo ombi langu. Sijali; niishi au nife, nizame au nife maji; madheheubu, bila madhehebu; rafiki ama pasipo na rafiki. Hebu Hilo na litende kazi ndani yangu, jalia nguvu za Kristo, maarifa Yake, yamiminike, ili niweze kuwafundisha hao.

⁴⁰⁷ “Kwa maana Mungu ameweka katika Kanisa, mitume, manabii, waalimu, wachungaji, na wainjilisti, wote kwa ajili ya kukamilisha na kuingiza sifa hizi zote ndani yake, kwa ajili ya ule ukamilifu wa Kuja kwa Mwana wa Mungu.” Kila moja ya mawe *haya* ni vifaa zilizotolewa kwa Huyo. *Hiki* ni kifaa cha Huyu. Kila moja ya sifa hizi ni Zake, nazo zinatiririka kutoka Kwake, kuititia kwazo. Amina.

⁴⁰⁸ Saa sita. Yote yanaenda wapi? Amina. Je! mnampenda? [Kusanyiko linasema, “Amina.”—Mh.] Mnaamini jambo hilo? [“Amina.”] Sikilizeni, enyi watoto wadogo.

⁴⁰⁹ Dada Kidd alisema, asubuhi ya leo, “Ndugu Bill, sijui kama nitakuona tena.” Hilo karibu liniue. Unaona? Yeye anafikiri anakuwa mzee, naye anazeeka. Nilimwomba Mungu amjalie yeye pamoja na Ndugu Kidd, maisha marefu.

⁴¹⁰ Hebu niwaambieni, hatujui tutakuwa pamoja kwa muda gani. Sijui nitakuwa pamoja nanyi kwa muda gani. Huenda Mungu akaniita kutoka ulimwenguni. Huenda akaniita huduma nyiningine. Anaweza akakuita mahali fulani. Hatujui. Lakini, hebu—hebu na tukamate. Hebu tusiache jambo hili lipite tu juu yetu. Hebu na tuchukue jambo hilo.

⁴¹¹ Hilo hapo, katika Biblia. Hili hapa, linaonesha kwa mfano vingine vyote. Na laiti ningalikuwa na wakati wa kufanya jambo hilo! Huwezi kufanya jambo hilo katika siku moja. Unajua jambo hilo. Lakini, ninaweza kufungamanisha jambo hilo lote pamoja!

⁴¹² Angalia, tulipoumaliza ujumbe huo pale, mliona jambo lile Roho Mtakatifu alilofanya ukutani, sivyo? Ni wangapi waliokuwa hapa wakati huo? [Kusanyiko linasema, “Amina.”—Mh.] Mnaona? Hakika! Alishuka moja kwa moja, akachora jambo lile lile dhahiri, yule Malaika wa Bwana.

⁴¹³ Unaona, ni kweli. Usiache likupite. Lishikilieni, enyi watoto. Shikilieni jambo hilo. Kumbukeni, jengeni katika imani yenu, nguvu, maarifa, saburi!

⁴¹⁴ Sasa, hapa, nafikiri nilikuwa na kipande cha karatasi hapa, kama sijakiangusha mahali fulani wakati nilipokuwa nikihubiri. Hiki papa hapa. Asante, ndugu. Asante, sana. Kama ukitaka ku—kukiangalia, uone kama kuna jambo fulani hapa ambalo ungeweza kuninii... Labda ni mchoro ulio bora zaidi ya huo pale, ambapo unaweza kunakili kutoka kwenye huu. Nitakibandika tu hapa juu, na bila shaka unaweza ukakiangalia na—na kuunakili.

⁴¹⁵ Nami nawatakeni muuchore na muusome, na kuulinganisha, na kisha muutekeleze. Msiusome tu, kuulinganisha, bali utekelezeni mtakapofanya hivyo. Upokee kwa uaminifu ndami yako. Usiseme, “Vema, nilifurahia kuusikiliza.” Na mimi pia, nilifurahia. Lakini kuusikiliza, na halafu kuupokea, ni tofauti. Unaona? Unaona? Ni tofauti. Unaona?

⁴¹⁶ Kuna sifa saba za kufanya kimo cha Mungu. Kuna Nyakati Saba za Kanisa, ambapo Mungu amelileta Kanisa kwenye sifa hizi. Naye amekuwa na wajumbe saba wa kufanya jambo hilo. Kuna saba, saba, saba. Unaona? Saba ni—ni nambari ya Mungu ya ukamilisho, na tatu ni nambari ya Mungu ya ukamilisho. Kwa hiyo, kuna tatu, na saba tatu. Kwa hiyo, kimahesabu, kiroho, kwa Neno, kwa ushuhuda wa Roho Mtakatifu, yote yamekamilisha jambo hilo pamoja. Hebu na tulisome kwa makini.

⁴¹⁷ Hebu na tuongeze kwenye imani yetu mambo haya, halafu, tupate kufikia kimo kikamilifu cha Kristo; tukiunganishwa pamoja kwa upendo wa kiungu, kumcha Mungu, uchaji moyoni mwetu sisi kwa sisi, kuheshimiana sana sisi kwa sisi, kupendana kwa ndugu na kupendana kwa dada, bila utovu wa adabu, bila kitu ila usafi wa maisha ya Roho Mtakatifu. Unaona? Kuishi pamoja, uwe Mkristo. Eenenda kwa imani. Hebu nguvu wa Mungu na utiririke kuptitia ndani yako; hebu maarifa ya Mungu, inapofikia kwenye mema na mabaya. Shetani anapoleta jambo ambalo si la Kimaandiko kabisa, achana nalo. Hiyo ni kweli.

⁴¹⁸ Ninaweza kuwazia hao mitume kamwe hawakutenda kama sisi. Walienda kila mahali, labda ni watu wa maneno machache, mpaka walipoingia mimbarani. Waliingga na kufanya waliyopaswa kufanya, kisha wakatoka. Naam, bwana. Walikuwa na nguvu. Walikuwa na wema. Hawakubishana na watu. Walijua walikosimama. Hayo tu. Walimjua Yeye waliyemwamini. Walidumu kuenenda katika Roho. Wakifanya tu . . .

⁴¹⁹ Kama tu nilivyosema hivi majuzi usiku. Ishara moja ndogo ya kichwa, hivyo tu ndivyo Mungu angefanya, basi hakuna kitu kingaliwazuia. Wao hawakuuliza swali wala kulichunguza, wala kusitasita na kutilia wasiwasi kama tunavyofanya, kama wangepaswa kufanya jambo *hili* ama *lile*. Waliondoka kwenda zao na kilitenda, hata hivyo. Ishara moja ndogo tu kwa kichwa kutoka kwa Mungu, hilo lilitosha, upesi sana. Kwa nini? Wangejuaje ilikuwa ni ishara kutoka kwa Mungu? Wao walikuwa na sifa hizi zote hapa ndani, sifa hizi zote. Na kibali kidogo cha kwanza cha Mungu kililingana na kila kipengele cha moja ya *hizi*, na pamoja na Neno Lake. Wao walijua ilikuwa ni Neno la Mungu, na haoo wameenda zao. Hawakuona wasiwasi juu ya jambo lo lote lile. Wakati Mungu aliponena, wao waliondoka. Tunanena . . .

⁴²⁰ Mungu anazungumza na sisi, na sisi tutasema, "Vema, tutaenda. Tutaona kama tunaweza kuishi Maisha haya." Muda si muda unajua, mtu fulani anakuudhi. Vema, hakika, huyo ni Ibilisi.

⁴²¹ Laiti mngalimwona akijaribu kunifanya nisije kwenye mukutano huu asubuhi ya leo. Mngepaswa mpitie jambo hilo wakati mmoja. Loo, rehema! Sina budi kupambana kila wakati ninapotaja mukutano. Na kama ninaenda kumwombea mgonjwa, na mtu fulani anakufa na hajaokoka, kutakuwako na simu thelathini zitakazopigwa katika dakika kumi, kama zinaweza kuingia upesi namna hiyo, kunizuia nisiende. "Loo, Ndugu Branham, huna budi kufanya *hivi*." Lakini kuna mtu fulani aliye hatarini. Hakika.

⁴²² Hivi majuzi usiku, niliitwa mahali fulani. Mvulana fulani, nilizungumza naye hapa chini katika linaloitwa, supa maketi, miaka michache iliypita. Alikuwa mlevi wa kupindukia.

Nilimjua mvulana huyo, mvulana mzuri sana, bali alikuwa ni mwenye dhambi. Na kwa hiyo mama yake akapiga simu. Nafikiri alimwita Doc mara kadha. Ni...Wakampigia, pia wakampigia simu Billy, na—na hatimaye nikaupata huo ujumbe. Na nilipopata ujumbe huo, jamani, sijapata kuwa na vita vikali namna hiyo maishani mwangu, kumwendea mvulana huyo.

⁴²³ Na nilipofika kule, maskini jamaa huyo alikuwa hanitambui tena. Huyo hapo, amelala pale, amezirai, na analia tu. Babaye akijaribu kumpapasa papasa, na kusema, "Mpenzi." Na mtu huyo ana umri wa miaka hamsini, miaka hamsini na moja hivi. Na kusema, "Mpenzi," *huyu*, "natulia basi." Naye alikuwa akijaribu kuamka. Maskini mikono yake iliyokonda ni mikubwa *hivi*. Mvulana huyo alikuwa na kansa nyangi sana mpaka hakuwa kitu ila kansa tupu. Viungo vyote vyaa mwili wake vilikuwa na kansa. Hata damu yake ilikuwa ni kansa, kila kitu. Na huyo hapo, akijaribu kuinuka, na kupiga makelele namna hiyo.

⁴²⁴ Nikamshika mkono, nikasema, "Woodrow, Woodrow, huyu ni Ndugu Branham."

⁴²⁵ Baba yake akasema, "Je! hujui? Huyu ni Ndugu Bill. Woodrow, huyu ni Ndugu Bill."

Akasema, "A-ha. A-ha," namna hiyo.

⁴²⁶ Ndipo baba yake akatazama na kusema, "Billy, umechelewa kidogo."

Nikasema, "Kamwe haichelewi sana. Yeye yuko hapa." Nilikuwa na vita.

⁴²⁷ Na halafu hao wavulana wengine, wavulana wengine zaidi, wenyе dhambi, walikuwa wamesimama pale, baadhi ya jamaa zake. Nikasema, "Mnaona, enyi vijana, iweni tayari-tayari, maana mtafikia mahali hapa. Hamna budi mshuke mje chini hapa. Mnaona? Labda si kwa hii kansa. Huenda mkaja na jambo lingine, huko barabara kuu, mkitokwa na damu vibaya sana, ama cho chote kile. Hamna budi kufikia mahali hapo." Tukawazungumzia.

⁴²⁸ Nilikuwa nikingojea kuona kile Roho atakachosema nifanye. Kungoja. Muda si muda unajua, nilihisi kile kibali kidogo cha kichwa. "Mwekee mikono."

⁴²⁹ Nikamsogelea pale, nikasema, "Nyote inamisheni vichwa vyenu." Wote wakainamisha vichwa vyao, wavulana wawili watatu pale.

⁴³⁰ Nikaweka mikono yangu juu yake. Nikasema, "Bwana Mungu, jalia mvulana huyu apate fahamu za kujua atakayofanya, kabla hajakutana na jambo hili. Yeye anakufa. Ibilisi huyu amemfanya amalizike, naye anaaga dunia. Naye amekunywa pombe mpaka anataka kufa, na huyu hapa katika hali hii. Ninaomba umrehemu." Na nilipomwombea, asubuhi iliyofuatia alikuwa ameketi chini, akizungumza na baba yake.

⁴³¹ Busty Rogers, wakati waliponiita hapa chini hospitalini, si muda mrefu uliopita. Nilikuwa huko nje siku hiyo, baada ya kuhubiri kule Milltown ambako Georgie Carter mdogo aliponywa. Ninyi nyote mnakumbuka jambo hilo. Na hapo ambapo Ndugu Smith, mhubiri wa Kimethodisti, aliposema, "Kama mtu ye yote akibatizwa, katika Jina la Yesu Kristo, atoke hemani mwangu," namna hiyo. Huko kwenye kivuko cha Totten, nikifanya ule mkutano kule. Na, loo, akanilaani kwa kila kitu ungaliweza kuwazia. Sikusema neno; nikaendelea moja kwa moja. Nilikuwa na agizo. Bwana alinionyesha ono. Kulikuwako na mwana-kondoo kule, amenaswa mahali fulani huko nyikani. Nyote mnakumbuka ono hilo, ninyi nyote. Ninadhani mnakumbuka. Mnalikumbuka? [Kusanyiko linasema, "Amina."—Mh.] Hakika. Vema. Ndipo nilikuwa nikishuka kwenda msituni sehemu zile, nikimtafuta.

⁴³² Nikaenda kwenye kivuko cha Totten. Ndugu Wright pale anajua. Tukavuka, sikujuu la kufanya. Nikanunua kikasha kidogo cha sabuni, kwa hela moja. Nilikuwa niende kule nje, nisimame kule na kuhubiri kwenye kipandio. Yeye akasema angepanda aende kule, juu ya kilima, akafanye biashara kidogo. Nikaenda naye. Kulikuwako na kanisa kubwa la kale la Kibatisti lililokuwa kule, tupu. Bwana akaniambia, "Simama hapo."

⁴³³ Nikasema, "Hebu nishushe papa hapa, Ndugu Wright." Nikasimama. Yeye akaenda zake kule juu kisha akarudi.

⁴³⁴ Nikaenda pale, na sikuweza kufungua mlango. Nikasema, "Bwana, kama Wewe uko kwenye jambo hili, unataka mimi niingie kanisani, nifungulie mlango." Nikaketi chini pale na nilikuwa nikiwazia.

⁴³⁵ Nikasikia mtu fulani akija; anakuja, na kusema, "U hali gani? Nitakwambia," kasema, "unataka kuingia kanisani?"

Nikasema, "Ndio, Bwana."

Akasema, "Nina ufunguo hapa."

⁴³⁶ Nikaanza mkutano. Juma la kwanza, karibu hakukuwa na mtu hata. Usiku wa kwanza, nilikuwa na kusanyiko, Ndugu Wright na familia yake. Muda si muda unajua, mwishoni mwa juma hilo, hata hawakuweza kupata nafasi ya kusimama kwenye uwanja, ilikuwa ni vigumu. Bado mwana-kondoo huyo hakuwa ametokea. Ndugu Hall aliokolewa katika wakati huo, mchungaji wa kule hivi sasa, hao wote. Sikuweza kuona mahali alipokuwa huyu mwana-kondoo. Baada ya kitambo kidogo, kwenye kanisa la Kristo, kule chini ya kilima, maskini mscichana huyo miaka tisa na miezi minane hakupata kusogea, amelala pale. Huyo hapo. Nyote mnajua hadithi hiyo. Naam, bwana.

⁴³⁷ Alasiri hiyo wakati Busty Rogers, lile pandikizi la mwanajeshi mstaafu limesimama pale... Nikaenda kule. Na hapo lilisimama kusanyiko la Ndugu Smith ili kunicheka, kunidhihaki, kwa kubatiza eti katika Jina la Yesu. Nikatoka

kwenye maji yenye matope ya kivuko cha miguu cha Totten, ambako walikuwa na ninii... [Sehemu tupu kwenye kanda—Mh.]... kijito kidogo pale, nacho kinanguruma sana kiwezavyo. Mashemasi wachache wakaambatana nami.

⁴³⁸ Nikasema, “Nasimama hapa alasiri ya leo kuwakilisha Maandiko Matakatifu ya Mungu.” Nikasema, “Ninasoma kwenye Biblia hapa ambapo Petro alisema, ‘Tubuni mkabatizwe kila mmoja wenu katika Jina la Yesu Kristo, mpate ondoleo la dhambi zenu.’” Nikageuka, nikampa mmoja wa mashemasi Kitabu hicho.

⁴³⁹ Nikatoka kwenda kule, ndipo nikasema, “Ye yote atakaye, anayetubu dhambi zake, anaruhusiwa kuja.” Nikaingia majini. Nikasema, “Inaonekana kwangu kwamba Malaika wameketi kwenye kila tawi sasa, wakiangalia.” Loo, jamani! Hata yapata wakati ilipofikia kubatiza wawili ama watatu, kusanyiko lake lote, hao wanawake waliokuwa wamevaa nguo nzuri za hariri, walijitumbukiza majini, wakipaza sauti kwa nguvu. Nikabatisa kusanyiko lake lote katika Jina la Yesu Kristo. Mnajua jambo hilo. Nina picha yake. Ndivyo ilivyokuwa.

⁴⁴⁰ Ilikuwa ni kitu gani? Kutia kwenye wema wako. Unaona? Liache tu. Mungu anajua jinsi ya kufanya jambo hilo. Mungu anajua jinsi ya kuyatimiza mambo haya. Acha waseme watakavyo. Haileti tofauti yo yote. Endelea tu kwenda.

⁴⁴¹ Busty Rogers akisimama pale, alipoona jambo hilo, akasema, “Basi ninaamini hilo kwa moyo wangu wote.” Naye huyoo akaja majini, akiwa amevaa nguo zake nzuri, naye akabatizwa katika Jina la Yesu Kristo.

⁴⁴² Yapata miaka mitatu ama minne iliyopita, waliniita hapa nishuke hospitalini kule New Albany. Huyo hapo, anakufa, kwa kansa, ailikuwa imemla kabisa. Madaktari walimpa kuishi mpaka kesho yake asubuhi. Wakasema, “Yuafa sasa.” Wakasema, “Fika mara moja.”

⁴⁴³ Nilishuka nikaenda kwenye chumba hicho, nilipofika humo, nikasimama pale na kuomba. Yeye akasema, “Billy, kuna upinde wa mvua unaozunguka ile kona pale.”

⁴⁴⁴ Ndipo nikageuka, kuangalia. Nikasema, “Busty, ni agano. Hutakuwa. Agano la Damu linakuokoa.”

⁴⁴⁵ Nikaweka mikono yangu juu yake, nikasema, “Bwana Mungu, jinsi lile ono kule ambalo linathibitisha ya kwamba Wewe uko hapa. Agano Lako ni, ya kwamba, ‘Kwa mapigo Yake sisi tumeponywa.’” Nikamwekea mikono, na hapo akawa mzima. Wakamrudisha nyumbani.

⁴⁴⁶ Na yapata miaka minne ama mitano, yapata miaka minne, nikivua samaki hu—huku na huku mtoni na kila kitu, nikiendelea kufanya hivyo. Na pale ambapo kansa ilikuwa kwenye umio la tumbo, pamefanywa pagumu, kulikuwa na

kifundo kikubwa kigumu. Madaktari, mabingwa wa hospitalini, walimwambia ya kwamba walikuwa na matibabu ya kobalti ambayo yangelinyosha hilo, yaruhusu chakula zaidi kwa wakati mmoja. Alikuwa na wakati mgumu kumeza chakula kingi, ilibidi ale pole pole sana. Alienda kule kufanyiwa matibabu hayo. Sikujua alikuwa kule.

⁴⁴⁷ Ndipo walipomfanya upasuaji, waliona ya kwamba jambo hilo lilimtia kifafa, naye akapooza. Akalemaa upande mmoja namna hiyo. Na jambo pekee ambalo angeweza kufanya ni kulia tu nusu. Ndipo akachukua penseli, namna *hiyo*, na kufanya, “a-ha, a-ha, a-ha.” Naye akajaribu kuandika, akitetemeka namna hiyo, kwa mkono wake mzima. Mkono wake wa kushoto, ulipooza. Na kupunga mkono wake, “Yesu anaokoa, 1900 na kitu.” Hawakuweza kulipata.

⁴⁴⁸ Kwa hiyo wakati mke wake aliposema, “Ndugu Branham, sijui analomaanisha kwa jambo hilo.”

⁴⁴⁹ Nikasema, “Bibi Rogers, analomaanisha, ilikuwa ni mwaka wa 1900 na kitu, naye aliokolewa na kubatizwa katika Jina la Yesu chini kule. Hilo ndilo linalomsaidia sasa. Yeye haogopi kufa.”

⁴⁵⁰ Nikasema, “Bwana Mungu, mhurumie maisha yake. Ninaomba hilo, katika Jina la Yesu, ya kwamba Wewe utayahurumia maisha yake.” Nikaweka mikono yangu juu yake. Kile kiharusi kikamwacha. Kifafa kikakoma. Naye akainuka kitandani. Naye amepata afya sasa, anatoa ushuhuda.

⁴⁵¹ Tia kwenye imani yako, nguvu; tia kwenye wema wako, maarifa; katika maarifa yako, kiasi; katika kiasi chao, saburi; katika saburi yako, utauwa; katika utauwa wako, upendano wa ndugu; katika upendano wako wa ndugu, Roho Mtakatifu, na ndipo Kristo atakuja. Maana, chini Yake tu...Roho Mtakatifu ni Roho wa Kristo katika Kanisa, kudhihirisha sifa hizo. Loo, jamani!

Hii hapa, saa sita kasorobo.

Ninampe-...Ninampenda
Kwani alinipenda kwanza,

Hapa chini kabisa, kabla hapajakuwako na cho chote kile.

Na kunu-... (Yeye alifanya nini basi?)...
wokovu wangu
Mtini Kalvari.

Mimi ninakuwaje *hivi*? Kwa sababu Yeye alinipenda, kwanza.

Ninampenda, ninampenda
Kwani alinipenda kwanza... (Hiyo hapo
sababu yake)
Na kununua wokovu wangu
Mtini Kalvari.

⁴⁵² Ninaahidi, asubuhi ya leo, Kwake, kwa moyo wangu wote, ya kwamba, kwa masaada Wake na kwa neema Yake, ninaomba ya kwamba nitaomba kila siku, bila kukoma, mpaka nitakaposikia kila moja ya mahitaji haya yakinirika katika maskini mwili wangu huu, mpaka niweze kuwa dhihirisho la Kristo aliye hai. Kwa kuwa, Yeye alifanyika dhambi kama mimi, kusudi nipate kuwa... nipate kuwa haki ya Mungu, kama Yeye. “Yeye alipachukua mahali pangu; Bwana, jalia nipachukue mahali Pake sasa.” Kwa sababu, hilo ndilo kusudi la Yeye kufa. Ni wangapi watakaoahidi jambo lilo hilo, kwa neema ya Mungu? [Kusanyiko linasema, “Amina.”—Mh.] Huku vichwa vyetu vimeinamishwa, na mikono yetu imeinuliwa juu. “Ni-...”

⁴⁵³ Ninaahidi jambo hilo, Bwana, kanisa hili linaahidi jambo hilo, “Kimo kikamilifu cha Yesu Kristo!”

Kwani alinipenda kwanza
 Na kununua wokovu wangu
 Mtini Kalvari.



KIMO CHA MTU MKAMILIFU SWA62-1014M
(The Stature Of A Perfect Man)

Ujumbe huu wa Ndugu William Marrion Branham, uliohubiriwa hapo awali katika Kiingereza mnamo Jumapili asubuhi, 14 Octoba, 1962, katika Maskani ya Branham kule Jeffersonville, Indiana, Marekani, hapo awali ultolewa kwenye kanda za sumaku na kupigwa chapa bila kufupishwa katika Kiingereza. Hii tafsiri ya Kiswahili ilichapishwa mwaka wa 2003 na Voice Of God Recordings.

SWAHILI

©2003 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ilani ya haki ya kunakili

Haki zote zimehifadhiwa. Kitabu hiki kinaweza kuchapishwa kwa matbaa ya nyumbani kwa matumizi ya kibinafsi ama kusambaza, bila malipo, kama chombo cha kuitangazia Injili ya Yesu Kristo. Kitabu hiki hakiwezi kikauzwa, kunakiliwa kwa wingi, kuwekwa kwenye mtandao, kuhifadhiwa kikatolewe tena, kufasiriwa katika lugha zingine ama kutumiwa kuomba fedha bila idhini halisi iliyoandikwa moja kwa moja kutoka Voice Of God Recordings®.

Kwa habari zaidi ama kwa vifaa zaidi, tafadhali wasiliana na:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org